

372
5-35

1913



L - MAR 2010

372

Հ-97

1887-1912 թ.

ՔՈԱՆՀԻՒԹԱՄԵՍԿ

ՊԵԱՏԻԳՈՐԾԿԻ ՀԱՅՈՑ ԵԿԵՂԵՑՎԱԿԱՆ-ԾԽԱԿԱՆ
ԵՐԿՍԵՐ ԴՊՐՈՑԻ



370

2481-30

ՊԵԱՏԻԳՈՐԾԿԱՆ

Լիելքառուստ տպարան Ֆ. Գ. Սուլիանեանցի
1913 թ.

370
2481-30

372

U-35

65



Ա. Մահակ-Մեսրոպ եկեղեցին և ծխ. դպրոցը:

168



ՕՐԾ
06-1848

Ն Ա Խ Ա Բ Ա Ն

Իմ նպատակն էր միմիայն պատրաստել դպրոցի 25-ամեայ գոյութեան տեղեկագիրը, սակայն տեղական միքանի հանգամանքները ի նկատի առնելով և այն, որ եկեղեցւ շինութեան ծախքի և ընդհանրապէս ել և մտի մասին միայն թիւրիմացութիւններ կան և նոյնիսկ մի հատիկ թղթի կտոր, կամ ժամանակակից գործին մասնակից եղած անձն չկար, որ վերականգնէր ճշմարտութիւնը և նոր սերնդին ներկայացնէր իր անփոխարինելի նախորդներին և այն, որ հնար չէ դպրոցի մասին գրել անտես անելով եկեղեցին՝ աշխատեցի հաւաքել երկուսի մասին եղած փաստաթղթերը, առաջին տեղը տալով եկեղեցու շինութեան։ Մինչև 1835 թ. շուրջը հասարակական մի գործ եղած չենք տեսնում։ Հայը ապրել է այստեղ սոսկ, իբրև անհատ վաճառական, իրան ոչ տեղացի համարելով։ Այդ թից տեսնում ենք, որ մի փոքրիկ խումբ նախիջևանցի վաճառականներ հոգաբարձութեամբ Շորշորեանի, Աչակեանի և Զոլախեանի հասարակական-համայնական կեանքի սկիզբն են դնում և որպէս հիմք իրանց մշտական մնալու, պահանջ են զգում եկեղեցի ունենալ։ 1835 թ. եղած դիմումին 1869 թ. ստացւում է շինութեան հրամանը, իսկ 1870 թ. սկսում շինութիւնը։ 1887 թ.-ից հոգևոր իշխանութեան թոյլաւութեամբ բացւած է ծխ. դըպրոցը, որը սիրել ու փայփայւել է գաղութիս հայութիւնից, որին ապացոյց են դպրոցական մեծածախք երկու շէնքերը, պաշտօնական թղթերը և այն, որ անխտիր ամեն հայ երեխայ նախ մտել, սովորել է ծխական դպրոց և յետոյ անցել պետականը։ Դպրոցը, որ մինչև 1906 թ.

առաջ է գնացել, այդ թւից խեղճանում, հոգաբարձութիւնը զանազան միջոցների է զիմում դրամ հայթայթելու և նախահաշվով ծախքը ծածկելու: 1907, 8, 9, 10 թւերին ուսումնական յառաջադիմութիւնը, աշակերտութեան կարիքը ստիպում են դ. բաժանմունք բաց անել, որը և բացում է դ. բաժանմունքին միացած: Տնտեսապէս քայքայւած դպրոցի հոգաբարձութիւնը 1910 թւի նախահաշիւը քննութեան տալիս է ծի. ժողովին առաջարկում է «կրճատել դպրոցի բաժանմունքները 4-ից 2 դարձնելով, կամ պակասորդ ծախքը լրացնել նոր կամաւոր տուրքով»: Այն ինչ որ 1887-ից մինչև 1897 թ. հասարակութիւնը ինքնաբերաբար էր անում, այժմ սպառնալիքի «կրճատելու» ազգեցութիւնից և սրբազն առաջնորդի ներկայութիւնից տրամադրում և ստորագրութեամբ լրացնում են պակասորդը: 1911—12 թ. հոգաբարձութիւնը նախահաշիւը հաստատելու համար երեք անգամ ժողով է հրաւիրում, թէն չի կայանում, սակայն այնուամենայնիւ անցեալ տարւայ որոշումը հիմքը ունենալով «կրճատումը» հանում է օրակարգից: 1912—13 թ. այլև հոգաբարձութիւնը հիմք չի ունենում յուսով բոլոր բաժանմունքները պահպանել և կրճատում է: Երրորդ բաժանմունքից փոխադրուողները դուրսը մնացին: Այս ցաւալի դրութիւնը զգալի էր միայն ուսուցիչներին, որոնց դիմում էին թէ ծնողները և թէ աշակերտութիւնը: Այս բոլոր հանգամանքները ինձ մտածել էին տալիս մի հնար գանել, էլի ժողովրդին հարազատօրէն դպրոցի շուրջը բոլորելու: Դպրոցի 25-ամեակն տօնելու ու նրա զարգացման համար այնքան անձնւէր աշխատաւորների պատմութիւնն առաջ բերելու ամենալաւ միջոցը գտայ հասարակութնան հոգացողական զգացմունքը արթնացնելու, որի համար և մի շարք պաշտօնական ժողովների որոշումներով անցրած յօրելեանական տօնակասարութիւնը իրականացաւ:

ա) Անյայտութեան մէջ մնացած դէպքերն ու դէմքերն երևան եկան. թ) Դպրոցին շրջապատելով, նրան, իրու ընծայ, իր 25-ամեակի տօնակամբութեան օրը, սիրող

հասարակութիւնը նրան կրկին գգւելով մի կլորիկ գումար է նուիրաբերում պարտքից ազատելու, որ ժամանակի պահանջներին ընդուած գնալու կարողութիւն ունենայ:

Խորին շնորհակալութիւն այն անձանց, որոնք չզլացան իրանց մօտ գտնւած վաստաթղթերն ու ունեցած տեղեկութիւնները յայտնել ու յանձնել մեզ:

Մ. Մարգարեանց:

Կերպ ծառայ Յիսոսի Քրիստոսի եւ ամհասանելի կամօն Սսուծոյ Եպիսկոպոսակետ Կարողիկոս ամենայն հայոց, Ծայրագոյն պատրիարք համազգական Նախամեծար Արողոյ Երաւանեան Առաքելական մայր եկեղեցոյ Երոյ կարողիկէ Էջմիածնի Պատւարժան անդամոց յօրելեանական յանձնածողի ծիական դպրոցի հայոց Պետիկորսկ բաղադի, հարազա որդոց Մայր արողոյս ողջոյն եւ օրհնուրիւն հայրապետական:

Ի գրութենէ յօրելեանական յանձնախմբի, ի 11-ն յունարի տարոյս, իրազէկ եղաք, եթէ եկեղեցական-ծխական դպրոցն հայոց Պետիկորսկ քաղաքի յայսմ ամի բոլորէ զշրջան քսանեհինդ ամաց, վասն որոյ կամիք յաւերժացուցանել զկրթական տօնս յօրելեանական հաղէսիւ:

Սիրեցեալ որդեակը մեր, քաջայայտ է ամենենցուն, զի յոյժ մեծ են ի ժամանակի մերում կարիք ազգային ողջամիտ գաստիարակութեան, մանաւանդ վասն օտարախօս մանկանց, որք յեկեղեռական-ծխական դպրոցս մեր գաստեարակին յազգային և ի քրիստօնէական ողի և սովորեն զմայրենի բարբառ իւրեանց: Բերկրութեամբ սրաի տեսանեմք զգովելի եռանդն և զիղձ յանձնտժողովոյդ, որոյ քաջ ըմբոնեալ զգահանջ ժամանակիս, գուն զործ է ապահովել ըստ տնտեսականի վասն պահելու ի բարեկարգ վիճակի զազգային եկեղեցական դպրոցդ: Արդ այսու Հայրապետական կոնդակաւ մերով օրհնեմք գնախաճեռնողս և զանդաւս յօրելեանական յանձնախմբի, զնոգաբարձուս, զուսուցչական կազմն և զաշակերտեալս դպրոցիդ և զհամայն ժողովուրդն հայոց Պետիկորսկ քաղաքի: Մաղ-

թեմք ի տեառնէ վաստակաւորաց ի կրթական անդաստանի ոյժ և կորով մտաց վասն բարգաւաճման և յառաջադիմութեան կրթական հաստատութեանդ։ Ողջ լերուք զորացեալ ի Տէր և օրհնեալ ի մէնջ։ Ամեն։

ԳԵՂՐԴ ԿԱԹՈՂԻԿՈՍ ԱՄԵՆԱՅՆ ՀԱՅՈՅ.

Ի 14-ն փետրարի 1913 թ. լստ տոմարի 1634 թ.

ի հայրապետութեան մերում թ. ամի յԱրարատեան

Մայր Աթոռոյ ու էջմիածնի ի Վաղարշապատ թ. 257

Պետիգորսկի հայոց եկեղ.-ծխ. ուսումնարանի խանուհին գամանայամեայ յօրելեանական յանձնածողովի նախագահ
պ. Մ. Մարգարեանցին

Զեր յայտարար գրութիւնից տեղեկացայ, որ մտադրութիւն ունիք ուսումնարանիդ 25-ամեակի առթիւ յօրելեանական հանդէս կատարելու և դրա համար ընտրւած է յանձնաժողով։ Արդ օրհնելով նախաձեռնողներին և մաղթելով, որ ուսումնարանը շատ 25-ամեակիներ բալորէ և օրսարօրէ բարգաւաճէ յօդուտ տեղւոյդ հայութեանն, պատվիրում եմ յօրելեանական հանդիսի յանձնաժողովիդ կազմած ծրագրի մի օրինակը ուղարկել ինձ տեղեկութեան համար։

ԹԵՄԱԿԱՆ ԱՌԱՋՆՈՐԴ՝ ՄԽԻԹԱՐ ԵԳԻՍԿ.

25-ն յունարի 1913 թ. Աստրախան № 108.

ՊԵՍՏԻԳՈՐԾԿ քաղաքը ձգւում է Մաշուկ սարի հարաւային և հարաւարևմտեան թեքւած լանջով, նոյնպէս և Մաշուկի ու նորանից ձգւող Գարեաչի գոր պարանոցի ձորակում։ Մաշուկը անտառով ծածկւած է կոնսածե մի սար է 3255 ֆ. բարձրութեամբ և 8 վերստ շրջապատով։ Մաշուկը գտնում է հարթ տարածութեան վրայ, որի շրջապատում միմիանցից ոչ հեռու ընկնում են մեծ կամ փոքր բարձրութեամբ նոյնուէս կոնսածե սարեր, որոնք են իւցա, Զուցա, Ժելեզնայեայ, Լըխսայեա, Զմէնայեա, Բազլակա, Զօլոտոյ կուրգան և այս բոլորի վրայ տիրող Բեշտառն 4593 ֆ. բարձրութեամբ, ամենից բարձրը իր հինգ ճիւղաւորութեամբ գագաթներով, որի անունով և ամբողջ հարթութիւնն է կոչւել։ Ծուսաց կովկասի հանքային ջրերի հետ ունեցած ծանօթութիւնը սկսւում է Պետրոս Մեծի ժամանակից, որը իմաստուն հեռատեսութեամբ կարողացաւ գնահատել հանքային ջրերի և կուրորտների նըշանակութիւնը պետութեան համար։ Կովկաս է ուղարկում լէյբ-մեդիկ Շօբեր, որը հանքային ջրերում տիրող թալանների երկիւղից չի կարողանում իր վրայ դրւած պարտաւորութիւնները—հետազօտութիւնները կատարել ու վերաբանում է, հետը տանելով հանքային ջրերի մասին աւելի լսածները, քան հետազօտութիւններն ու դիտողութիւնները։ 1767 թ. Եկատերինէ Մեծի հրամանով, գիտութեանց ճեմարանի կողմից Ծուսաստանի գանազան կողմերը գիտնականներ են ուղարկւած, մասսամբ հիւանդութիւնների ծագութները ուսումնասիրելու և մասսամբ երկրին մօտից ծանօթանալու։ Այդ գիտնական ճանապարհորդներից մէկն էր Յովնան Գիւլգենշտէյնը, որը ի միջի այլ վայրերի այցելում է կովկաս 1773 թ. և կովկասի հանքային ջրերը ու տալիս նոցա գիտական նկարագրութիւնը։ 1780 թ. Պոդկումկի ափին հիմնում է կոնսածան-

դիմոգորսկի փոքրիկ ամբողը, որը Մողեղից մինչև Ազով գծի պատերազմական կայարաններից առաջիններից մէկն էր: Շնորիւ այդ ամբողը, հանքային ջրերի մօտիկութեան հիւանդ զինւորները սկսեցին օգտել:

1803 թ. 7 մարտի, Արէքսամով 1 գրում է Վրաստանի կառավարիչ և Աստրախանի զինւորական նահանգապետ Յիցիանովին, որ անհրաժեշտ է հանքային ջրերի մօտից ընկող ուղեղծով բնակեցնել ուղեղծային կօղակներին: 1804—1808 թ. Կովկասում տարածւած ժանտախտի պատճառով հիւանդների գալը դադարում է. խակ յետոյ արագ աճում: Այդ ժամանակ հեռաւորութեան և ճանապարհների մեծ դժւարութիւնների պատճառով ջրերը մատչելի էին միայն հարուստ մարդկանց: 1815 թ. ճանապարհորդները նկարագրելով մայրաքաղաքներից եկած հասարակութեան փարթամ, զւարձ և մեծ բաւականութիւններով անցրած կեանքը, որ շրջապատի հակագիրն է ներկայացրել, պատճում են, որ եկողները ասլրում էին խուղերում, խրճիթներում և վրանների տակ, որոնք կառավարութեան հրամանով պատրաստում էին կալմիկների ձեռքով կօնստանդինոգորսկի ամբողի հովանու տակ, որի աշտարակների վրայ դրւած էին թնդանօթներ:

Հիւանդները զինւած կօղակների պաշտպանութեամբ ամեն օր գնում էին 3—4 վերստ հեռաւորութեան հանքային աղբիւրները, ուր խմում և վաննաներ էին ընդունում ծղոտից հիւած խուղերում: 1812 թ. Գարեաչեսողսկու դաշտում, ապագայ Պետրիգորսկի տեղում շինուեց առաջին տունը: 1823 թ. կային արդեն 65 տներ, որոնք վարձու էին արւում: Ահա ինչպէս առաջ եկաւ Պետրիգորսկ կաղաքը: 1824 թ. Պետրգուսկ քաղաքից պետական հաստատութիւնները տեղափոխեցին Ստալրովու և բնակիչներից շատերն էլ փոխադրեցին Գարեաչեսողսկ, որին վիճակւած էր փայլուն ապագայ: 1825 թ. միայն իրագործւեց Արէքսամով Անի հրամանը, երբ կովկասեան ուղեղծը Ստալրովուց հեռացելով գցւեց հանքային ջրերի մօտով: Ահա այդ ժամանակ կօղակներին դադեցնում են հանքային ջրերի մօտ և հիմնում կիսովողսկու,

Բուրգուստանի, Էսենտուկի, Գարեաչեսողսկի, և Ժելեզնօվոգուկի ստանիցաները: Դրանից յետոյ, 1826 թ. Երկրի կառավարիչ է նշանակում Գ. Ա. Էմմանուէլ, որ ոչ պակաս ջանք և հոգացողութիւն է արել այդ քաղաքի առաջ գալուն և բարգաւաճման: Նորա կառավարութեան հինգ տարւայ ընթացքում (1826—1831 թ.) պատրաստեցին ճանապարհները, ձգւեցին ծառասահներ, առանձնացրեց անտառից էմանուէլովսկի պարկը և ձգւեց Նիկոլաևսկի ցվետնիկը (ծաղկանոցը): Շնորհիւ Երկու ճարտարապետ եղբայրներ Բերնարդացի էմանուէլը կանգնեցրեց Նիկոլաևսկի վանսաների շէնքը, (Կազեօննի գաստինիցան) սիւնապարդ արքունի հիւրանոցը *) ուր այժմ տեղաւորւած է հանքային ջրերի վարչութիւնը: Այդ շինութիւնները անելիս, բանւորները չճարւելու պատճառով զինւորներին էին աշխատեցնում, որոնց Բերնարդացի եղբայրները ստիպւած արւեստ էին սովորեցնում ու բանեցնում:

1830 թ. 14 մայիսի Գարեաչեսողսկի բնակավայրը դարձւեց գաւառական քաղաք և ստացաւ Պետրիգորսկ (հնգալեռ) անունը:

ՀԱՅԵՐԸ ՊԵՂԱՏԻԳՈՐՍԿՈՒՄ.—Նոր-Նախիջևանիցի հայերին անձանօթ լինել չէր կարող հիւսիսային կովկասում ամենավաճառաշահն և կենդրոն Գէորգիսկ քաղաքը, ուր և նոքա հաստատում են շատ առաջ: Կոնստանդինոգորսկի ամբողի հիմնելով և ամառները բժշկւելու եկող հիւանդները նոր շուկայ առաջ բերին, ուր և շտապեցին Գէորգիսկում հաստատած հայ վաճառականներից ոմանք:

1814 թ. (Պետրիգորսկի) տաք ջրում, ինչպէս անւանում են Նոր-Նախիջևանցիք, բնակութիւն է հաստատում կարապետ Խաղիզեան: Այդ թւի շրջաններում են իրանց առևտրական գործի ճիւղը բաց արել և հաստատւել Պետրիգորսկում Զորչորեան, Զելախեան, Զալագայեանց, Շորշորեանց, Զօլոտարեանց, Աչակեանց և այլն:

Գարեաչեսողսկ ստանիցայի արևելա-հարաւային կողմը

Ծանօթ. Զիտանել այժմեան «Կազեօննի» հիւրանոցի հետ, որը այժմ էլ հիւրանոց է և գտնւում է նախկինի դիմացը:

գտնւող անտառակը մինչև այժմ էլ «Արմեանսկի» հայոց անտառ է կոչւում և մօտերքում էլ գտնւել է հայկական գիւղ։ Ոմանց կարծիքով այդ տեղը, ձիաբուծութեամբ պարապող յայտնի կալւածատէր թամբեանների նախկին բնակավայրն է եղել։ Քանի գնում հանքային ջրերում կեանքը ապահով ընթացք է ստանում և առանձին թափով եռում։ Մկանում է վերաբնակութիւնը, որի ճանապարհը բայց էին արել հայ վաճառականները։ Քաղաքային ընդհանուր գերեզմանոցում 1823 թւից առաջ գերեզմանի չեմ պատահել։ 1823 թ. կրող տապանաքարի գրերը եղծւել համարեայ չեն կարդացւում, 1829 թ. «Նախիջևանցի վաճառուկան Խաղիղեան», որ վախճանեցաւ 60-ամեայ հասակում։ 1838 թ. մի ագուլեցու գերեզման է, 1841 թ. թիֆլիսեցի Շիշմաննեան մի զինուրականի գերեզման։

Այսպէս կարելի է համարել հատ-հատ մինչև 1840-ական թւերը, որից յետոյ մինոյն թւականն կրող տապանաքարերը շատանում են։ Հայկական գերեզմանները գրտնուում են գերեզմանատամն հին մատուի հիւսիսային կողմը։ Այդ գերեզմանների տարեթիւ կրող ոռուսական գերեզմանները զինուրականների են միայն։ Մինչև 1835 թ. հայերն այնքան էին շատացած, որ ժամանակի հեռատես գործիչներ Զօլոտարեան, Շորջօրեան, Աչակեան, Զօլագայեան, Զելախեան, Աթարեկեան իրանց հետ միացնելով և գէորգևսկեցի հայ վաճառականներին, ընդամենը 28 ընտանիքով կառավարութեան ինդիր են ներկայացնում, որով ինդրում են հայոց համար եկեղեցու տեղ յատկացնել։ Դնում եմ քաղւածօրէն եկեղեցու կալւածագրից գործի պատամութիւնը։ Ստաւրոպօլի նահանգական վարչ հիմնելով Պետիգորսկի և Գէորգևսկի հայերի Պետիգորսկում եկեղեցու շինութեան գործի մասին եղած զեկուցման վերայ, ուր ասւած է «Հիմնելով հոգաբարձութեան միջնորդութեան վերայ, որի անդամներն են նախիջևանցի վաճառականներ Շորջօրեանց, Աչակեանց և Զելախեանց և որը ներկայացւած է Վրաստանի զինաւոր կառավարչին 1835 թ., որի վերա հիմնելով նա բարձրագոյն հրաման է հանում տալ տեղական հայերին մի ամբողջ թաղ (կւար-

տալ) № 16 անւանը։

Այդ տեղը 1842 թ. կովկասեան երկրի զինաւոր, գեներալ-լէյտենանտ Վելիամիովն է տալիս։ Հոգաբարձութիւնը մի քանի անյարմարութեւններ մատնացոյց անելով խնդրում է ուրիշ տեղ տալ եկեղեցու համար։ 1848 թ. յունարի 18-ին փոխարքայ իշխան Վարանցօվը թոյլ է տալիս եկեղեցու համար յատկացնել ընդհանուր բազարի տեղը։ Այդ ևս արգելքների է հանդիպում և այնուհետեւ մինչև 1867 թ. այդ տեղում եկեղեցի շինելու համար հայերից դիմում չի լինում։ 1867 թ. յունարի 17-ին Պետիգորսկում վաճառականութեամբ պարապող 28 մարդ դիմում են քաղաքային վարչութեան և խնդրում ճարտարապետի միջոցաւ որոշել իրանց եկեղեցու համար յատկացրւած տեղի սահմանները, որ վարունքից սկսեն շինութիւնը։ Այդ տեղն էր № 2 և 4, 800 քառ. սաժ. տարածութիւն։ Հայերի խնդրին ուժ և ընթացք տալու նըպատակաւ ապրիլի 28-ին ոռուս վաճառականներն ու արդիւնաբերողները ևս այդ առթիւ համախօսական են կազմում քաղաքային տանը տեղի ունեցած ժողովում և յարմարաւոր աելլը գտնում երկրորդ թաղում № 2, 13 և 14 գետինը 1200 քառ. սաժ. տարածութեամբ Բազարօնուրավոյ գետինի փոխարէն, վերջինը թողնելով քաղաքին։ Քաղաքային վարչութիւնը այդ միջնորդութեան դէմ ոչինչ չունենալով 1868 թ. մայիսի 10-ին ներկայացնում է նահանգական վարչութեան խնդրելով Բազարօնուրավոյ տեղը թողնել քաղաքին իսկ եկեղեցու համար յատկացնել վաճառականների մատնանշած տեղը։ Նահանգական վարչութիւնը համաձայնում է, միայն եթէ հողը (գրունտը) հիմք գցելու համար յարմար կլինի, որի մասին կարգադրում է քննել տեղը։ Հանքային ջրերի ճարտարապետի միջոցաւ գննուում է գետինը և չի գտնում ոչ մի արգելք շինութիւնը կառուցանելու համար։ Այդ գննութիւնը տեղի է ունենում 21 հոկտ. ակտից № 1158 նահանգական վարչութեան գրածի հիման վերայ, ուր ներկայ էին ճարտարապետը Տկաչենկօյի հետ քաղաքային վարչութեան ներկայացուցիչ Կէպեկով, տաճարի հոգաբարձուներ, վա-

ճառականներ Ալթաբէկեան, Խօջայեան, Սղայեանց և Բերբերեանց։ Սրանից յետոյ նահանգական վարչութիւնը խնդրում է ներկայացնել եկեղեցու յատակադիմը, նոյնպէս և Պետականութիւնը հայ ընակչութեան, մշտաբնակների և երթեւեկների թւի մասին տեղեկութիւն։ Քաղաքային վարչութիւնը հիմնւելով 1867 թ. 14 յունուարի ներկայացւած խնդրագրին ստորագրողների վերայ, գրում է նահանգական վարչութեան։ — «ինդրագրից և հաւաքած տեղեկութիւններից երևում է 28 ընտանիքներից 8-ը մշտաբնակ են, իսկ 20-ը զուրկ անշարժ կայքից»։

Հայերի ընդհանուր թւի մասին ճիշտ տեղեկութիւն տալ գժւարանում են, պատճառ բռնելով թէ «իրանց առևտրական գործերով յաճախ բացակայում են, իսկ ամառները զգալի կերպով շատանում»։ Գէորգևսկում մըշտաբնակներ կան 167 հոգի հայեր։ Ի նկատի առած այն հանգամանքը, որ եկեղեցին յատակագծով 6 սաժեն մեծութեամբ պէտք է լինի, որի համար ցոյց արւած հողը օրէնքով փոքր է, չի թոյլարւում այդ տեղում շինել։

Նահանգական վարչութիւնը օրէնքի հիման վերայ կայացած իր այդ վճիռը յայտնելով Պետականութիւնը և Գէորգիսկի հայ վաճառականներին, միևնուն ժամանակ յանձնում է նահանգական ճարտարապետ Կարգերին քընել այն թէ Բաղարօ-Բուրավօյ հողամասը անատեղերի յատկացնելով քաղաքը չի այլանդակւի, չի վնասւի։ Այդ նոյն գրութեան կից նահանգական վարչութիւնը իր կողմից առաջարկում է եկեղեցին շինել, ոչ թէ Պետականութիւնը, այլ Գէորգևսկում և որ Պետականութիւնը եկեղեցու շինութեան չժոյլարւելը Գրորդևսկուն չի վերաբերում։ Վերջ ի վերջոյ 16—17 այս դեկ. № 8336, 1863 թ. լիւտերական եկեղեցու համար խնդրւած, բայց թոյլարւութիւն չստացւած և անորսշ մնացած հողը արւում է հայոց պայմանաւ, որ քաղաքը ի գէպս լիւտերական եկեղեցի շինելու կարիքի մի յարմարաւոր տեղ յատկացնի նրանց։

Նահանգական վարչութիւնը ինչպէս այս 800 քառ. սաժ. հողի, որ լիւտերական եկեղեցու համար էր, նաև միւս 400 քառ. սաժ. գետնին, որ սորան կից էր ոչինչ գէմ

չունենալով, այդ մասին յայտնում է քաղաքային վարչութեան ի գիտութիւն և կարեւող կարգադրութիւններ անելու։ 11-ն սեպ. 1869 թ, № 3724։ Պետականութիւնը հայ հասարակութիւնը իւր հետ ունենալով և Գէորգիսկիցիների հաճութիւնը, նոցանից գրամական օգնութիւն է խնդրում եկեղեցու շինութեան համար։ Ահա դնում ենք Գէորգևսկիցիների այդ առթիւ կազմած համախօսականը։

«Յամի տեսուն 1865 թ. 8 հոկտեմբերի ի Գէորգիսկի մենք ստորագրեալ ժողովրդականքս քարաքիս գէորգիսկի լսանք գիրաման վիճակային կօնսիստօրեայի հայոց Աստրախանաց գրեալ առ Գէորգևսկոյ գործակալ Սարգիս քահանայն մեր Տէր-Պողոսեանց ի 16-ն յուլիսի այսը ամի № 629, որով կօնսիստօրն պատւիրէ նոյն քահանային ընկալեալ ի մէնջ զգրաւոր բարեհաճ կամս ի տուչութիւն ի գումարաց Գէորգիսկոյ հայոց ս. Գէորգայ եկեղեցոյ հինգ հազար ըռուբլի արծաթ գրամաց առ ի շինութիւն նորոգ կառուցանելի եկեղեցոյ ի Պետականութիւնը համաձայն ինդրանաց տեղւոյ հայացն ժողովրդաց մտաւցանել զայն ի հեռաւոր անօրինութեան իւր։ Ուստի և գրեմք զայս թէ՝ մեք հաւաստի շատ ուրախ եմք և ցանկամք եթէ կառուցացի ի Պետականութիւնը հայոց լուսաւորչական եկեղեցի ուր պէտքն է անշուշտ ի փառաւորութիւն և ի պայծառութիւն մերազնէից, ընդունելով զաեղւոյ ժողորդականս ժողովուրդը տեղւոյս եկեղեցւայ մերոյ հաւասար ընդ մեզ առիթ շատեցուցման և աւելացուցման եղեալ մեր եկեղեցական գումարաց, առ այն և յօժար սիրով առ ի տալոյ նոցայ, ոչ թէ հինգ հազար ըռուբլի արծաթ, այլ աւելի ևս և այն եթէ կարելի լինէր առանց ամենեկն պահանջելոյ գէթ առանց տոկոսովք եթէ կամք իցեն հոգեոր իշխանութեանց եթէ ոչ հոգեոր իշխանութիւնքն գիտեն։ Իսկ եթէ հոգեոր իշխանութիւնքն չկամեցին զի տացի նոցա ի շինութիւն ի Պետականութիւնը ի հայոց եկեղեցւոյ այն գումար ամենեկն թարց պահանջման թարց տոկոսից և կամ եթէ պահանջեսցին ի տեղոյն Պետականութիւնը ժողովրդաց յապահովութեան եկեղեցական գումարաց զգրաւոր հաստատութիւն կամ ոչ ինքեանք գիտեն նը-

մանապէս և այդ բոլորն կախեալ է զկամաց հոգեոր իշխանութեան և ոչ զմերոյն, վասն որոյ եթէ հոգեոր իշխանութիւնքն ի ժամանակն ինչ կամեացին յետ տալ պահանջել զայն գումար մեք ոչ խոստանամք և ոչ ունեցեմք վճարել թող յախժամ պահանջեցէ ի տեղւոյ ժողովրդոց եթէ կառուսցի եկեղեցին անդը ի գումարաց նորին եւ ոչ ի մէնջ։ Մեք ուրեմն աղատեմք և լեցուք աղատ յայնմանէ. եւս եւ ի պատասխանատութիւնէ, սակայն որպէս գրեալ եմք ցանկամք և յօժար եմք սիրով ընդ այս է ընդ տուչութիւն այնր գումարաց ի շինութիւն ի Պետական հայոց եկեղեցւոյ։ Այսքան է ահա մեր յօժարութիւն զօրմէ ի սմին յայտնեալ ի ձեռն յիշեալ գրրծակալ Սարգիս քահանայի Տէր-Պողոսեանց տամք զտյս վիճակային կօնսիստօրիայի հայոց Ասարախանայ։ Յիսկականին ստորագրեալ են երեցփոխան Աստւածատուր Զերքեսով, նախիջևանցի առաջին իարգի վաճառակտնի եղբայր Ալէքսան Ալաղժալով, նախիջևանցի Մարտիրոս Մանիկեան Կաստանան, նախիջևանցի Մարտիրոս Մարքարեանց։ Նախիջևանցի Սերովբէ Աղճամեանց, նախիջևանցի Եսայի Պերպերեանց, նախիջևանցի Իսահակ Խըլըտճեանց, նախիջևանցի Կարապետ Մուժանով, նախիջևանցի Մինաս Գրիգորեանց Խըլըտճեանց, նախիջևանցի Գաբրիէլ Զեռնալով, նախիջևանցի Միքիթ Զուխարցիւ, նախիջևանցի Մինաս Սիմօնեան Զուպանովեանց, նախիջևանցի Աւէտիք Զեռնիլով, մողոլոցի Գէորգ Դաշեանց, նախիջևանցի Սերովբ Մարգիս Թոմուլճեանց։ Հրամանաւ Նորին բարձր Սրբադնութեան վիճակաւոր առաջնորդի արտագրեցի յիսկականէն՝ ընդ որում և համեմատ է զրագիր Բ. ԹՈՒԿԵԱՆՑ։

Պաշտօնական գրութիւններից յետոյ ստացւում է Գէորգինսկուց 5000 լ. որը և գործադրւում է. 1871 թ. 1868 թ. 18 յունիսի ի Պետակորսկի եկեղեցու շինութեան հոգաբարձութեան առաջնորդի գրրւթիւնը։ Արժանամեծար հոգաբարձուաց ի շինութեան նորակառոյց եկեղեցոյն հայոց Պետակորսկ քաղաքին պարոն Գրիգորի Աթարէկեանց, պարոն Բաղդասարա Խաճայեանց, պարոն Յակովա Երմակյեանց։

ՊԱՏԻՒՐԱԳԻՐ.—**Ըստ մերում սեպուհ պարտաւորութեան,** համաձայն եկեղեցական և կայսերական կանոնաց անձամբ անձին այց առնելն մեր ընդհանուր թեմին Աստրախանայ և կովկասեան նահանգաց, գէպ եղկ մեղ մընանել նաև ի Պետակորսկ քաղաք, ուր ուրախութեամբ հոգւոյ գտաք փոքրիկ հօտ հայոց վերաբնակելոց ի քաղաքոց և ի գիւղօրէից գումարեալ ի մի նախագրեալ քաղաքի անդ, այլ ցաւեցաք յոյժ զի տեսաք զնաւս պոկեալ ի սեպհական հայրենի եկեղեցւոյ հայոց, որպէս ունեն և այլագտաւան աղգինք բնակիչք ի նոյն քաղաքի, այլ զի կարի ջերմեռանդութիւնք և հոգեկան բաղձանք արագատիցն հայոց մերազանց առաքելական սուրբ եկեղեցւոյ ոչ խոռն մեղ գուլ և գաղուր և ոչ հանգիստ, այլ յօժարակամ ինքնահրաւէր ջերմեռանդութեամբ իւրեանց յորդոր եղեն մեղ ի ներկայութեամբ բազմաց յատկացուցանել ի միջոյ ժողովոյն զօրեքին հոգաբարձուս ի պատւելազգունից քաղաքացեանցն և խոյն տալ ինքեաց զտոմարս կնքեալ և ժապաւինեալ առ ի ստորագրել զանւանս և զգումարս վասն շինութեան նորակառոյց եկեղեցւոյ իւրեանց։ Ուստի և համաձայնսութեամբ ժողովոյն յանձնեցաք ձերում արժանայանձնութեանց ըստ այսմ և զինքեալ և վաւերացուցեալ տոմարս երկուս որպէսպի մեծաջան աշխատութեամբ Զերով յորդոր լիջիք բնակաց և եկաց մերազանց և օտարազանց մասնակցել յայն գործ աստւածամիրական թէ ի քաղաքիս և թէ այլ քաղաքս, որով կարող լիջիք տեառն գործակցութեամբ հասանել Զերոյ վաղափափագ ցանկութեան կառուցանել եկեղեցի սուրբ, որոյ տեղին արդէն նշանակեալ յանձնեալ է Զեղ, զոյկ ընդայսմ և պատւէր տամ հայրաբար փոյթ յանձին կանուլ յօրինել տալ ի ձեռն հըմուտ արուեստագէտ անձանց զձեւակերպութեանց և զփասդ նաև զորքանութիւն գործադրելի դրամոց և այնպէս առաջի առնել կօնսիստորին հայոց Աստրախանայ զի համաձայն կանօնաց հաստատել տացին ի ձեռն սինօդին էջմիածնի ուր արժան է և ապա ըստ յաջողելոյն Աստուծոյ յառաջիկայ տարւոյն հիմնարկեսցի եկեղեցին ի վառս

Աստուծոյ և ի պարծանս սկրելի ժողովրդականաց մերոց:» Այնուհետեւ օրհնելով յորդորում է ամենայն անձնութրութեամբ սկսել, արխութեամբ զլուխ բերել և մաղթանքներ է անում աղօթելով նոցա գործի յաջողութեան համար: Ստորագրել է վիճակաւոր առաջնորդ Աստրախանի և Կովկասու ամենայն հայոց Գէորգ արքեպ. Վեհապետեանց:

Հասարակութեան ընտրած հոգաբարձուները անմիջապէս 1868 թ. ամառը եկեղեցու 800 ը. ս. տեղը գնած 400 քո. սաժենով էլ մեծացնելով իրանց համակիր ունենալով նաև ոռւս առևտրականներին այնքան վստահ էին թոյլտութիւն ստանալուն, որ շինութեան քարերը բաւականաչափ քանակութեամբ բերել թափել էին տեղում: Հաւատացած էին, որ մինչև 1869 թ. գարնանը հընար կլինի սկսել շինութիւնը:

Նրանք սխալած չէին: Ստացւում է եկեղեցու տեղի յատկացման հրա հանը: Միևնոյն բամանակ պետափորսկաբնակ, նախսկին Գէորգեակ եկեղեցու ծխականների դիմումներին թէ հագեսր իշխանութիւնը և թէ գէորգիկուկեցին հայերը սիրով վերաբերեցնեցին, այնպէս որ գէորգիկուկեցիք 1871 թ. առաջուց խոստացած 10,000 ր. 500 ր. տալիս են անմիջապէս: Եկեղեցու շինութիւնը սկսում է յոյս նունենալով, որ 10,000 ր. կայ, մնացորդն էլ նուիրաբերութիւններով կծածկւի, որի մասին կօնսիստորեայից ստացւել էին ժապաւինեալ մատեաններ: Մինչև 1875 թ. շինութեան որպիսի քայլերով տուած գնալու մասին դրաւոր ոչինչ չկայ, իսկ այդ թւի մարտի 15-ն կօնսիստորեան հիմնելով եկեղեցու շինութեան հոգաբարձութեան յայտարարութեան վրայ, թայլ է տալիս բանկից վերցնել 3500 ր. շինութեան գործի համար: Եւ այդ հրամայւում է Գրիգոր Աթարէկեանին, որին և առանձնապէս պատիւրում է ստանալ, շահեցնել, ծախսել եկեղեցու շինութեան վերայ և հաշիւները ներկայացնել ատեանին:

Այնուհետեւ շինութեան գործը կաղում է որ հասարակութեան միակ յոյսը Գէորգեակի եկեղեցու պատրաստի դրամագլխից ստանալու վերայ էր, Առաջնորդին դիմում են խնդրելով յաջողեցնել մնացեալ 5000 ր. ստանալու:

Առաջնորդը երկար միջնորդ կարգադրողի դեր կատարելուց յետոյ տեսնելով, որ Գէորգիկուկեցիք չեն ցանկանում տալ, իր 1877 թ. յունիսի 13-ի գրութեան մէջ ի միջի այլոց գրում է, որ իրան, ինչպէս և հոգաբարձութեան քաջ յայտնի է, որ 5000 ըուբլիով չէր շինուի, որ Գէորգիկուկեցիք գարձեալ կվերցնեէր, ստկայն այժմ անհնար է, որպինետեւ ամեն մէկը զլիից դուրս բղաւում և խանգարում է: Այժմ մնում է կամ եղած պատերի վերայ ծածկել, կամ սպասել մինչեւ գումարը կհաւաքը և կամ խոհում գէորգիկուկեցիների հետ խորհրդակցելով համախօսական առնել, որ համաձայն են տալ, իսկ ինքը ամենայն յօժարութեամբ կհաստատի: Աւելացնում է, որ մօտ օքերսւմ գնալու է Ստարօպօլ հայոց եկեղեցին օծելու, կաշխատի այնտեղից հանդիպել կիսատ եկեղեցին տեսնելու և թերևս յաջողեցնի Գէորգիկուկեցիք դրամ վերցնել: Վեհապետեան արքեպիսկոպոսի ջանքերը գուր են անցնում: Յունիսի սկզբներին ժողովուրդը մի խնդրագիր է ուղարկում վեհափառ կաթողիկոսին առաջնորդի խորհրդով, որի վերայ կաթողիկոսը մակագրում է «Յանձնել Սինօդն. 1878 թ. 12 յունիսի, թ. 104: Սինօդը ընթացը հալիս այսպէս: Առաքմանը խնդրոյս Սինօդս սրբոյ էջմիածնի յանձն առնէ վիճակաւորին հայոց Աստրախանայ գերապատիւ Գէորգ արքեպիսկոպոսի համաձայն նախեղակ տնօրէնութեան ծայրագոյն հոգեոր իշխանութեան համոզել զհայ ազգի ժողովրդականս Գէորգիկուոյ տալ ի գումարաց եկեղեցւոյ իւրեանց զմնացեալ հինգ հազար ըուբլիս փոխարինաբար ի գործադրութիւն շինութեան եկեղեցոյն Պետափորսկուոյ և զհետեանացն յայտնել Սինօդիս վերապարձուցմանը խնդրագրոյս: Ի 20-ն յունիսի 1878 ամի ի սր. էջմիածնին:» Իսկականին ստորագրել են անդամ Սինօդի Ատելնադպիթը՝

Գործափար՝

Հրամանաւ Նորին բարձր որբազնութեան վիճակաւոր առաջնորդի արտագրեցի իսկականէն ընդորում և համեմատ է: Գրագիր Բ. Թւելեանց:

Այնուհետեւ Վեհապետեան առաջնորդը մի շաբթ գրու-

թիւններով աշխատում է գործակալ և Գէորգիսկու ծխաւէքը Սարգիս աւագ քահանայի միջոցաւ համոզել ժողովրդեան, որ մնացած 5000 ր. տալով հնարաւորութիւն տան տաճարի շինութիւնը գլուխ հանել: Ժողովուրդը մասմբ երկիւղ կրելով, որ մի գուցէ ապագայում հոգեսր իշխանութիւնը այդ դրամը իր կարիքի համար գէորգիսկեցիներից պահանջի, որովհետեւ նոցա համաձայնութիւնն առնելուց յեաոյ է հրամայում դրամները տալ, միւս կողմից, Տէր-Սարգիսը տրամադրւած չէր Պէատիգորսկու եկեղեցու գլուխ բերելուն, որսվհետեւ առանց վերջինիս Պէատիգորսկի ժողովուրել համարւում էր Գէորգիսկու եկեղեցու ծխ: և միւս կողմից էլ կային, որ պղառը մին հասարակաց միաքը, հակառակ լինելով իրանց եկեղեցուց գումար տրւելուն: Այս բոլոր հանգամանքները արգելք էին լինում Գէորգիսկեցիներին եղբայրական օգնութեան համել պէատիգորսկեցիներին շինութիւնը, հասակութեան խայտառակող, երկար տարիներ կիստո մնալոց հանելու, վերջացնելու: Նոքա յամառել էին որի առթիւ զայրացած ծղրունի Վեհապետեան արքեպիսկոպոս առաջնորդը գրում է.

«Ի 24 հոկ. ընկալաք որպիսածանոյց նամակ Զեր, յորմէ ծանէաք վերստին յամառուն կամաց հասարակական ոմանց անբարեմիտ անձանց ժողովրդոյ Գէորգիսկայ, որք իւրեանց չարայոյզ խորհրդով վերստին պաշտեն զտմարդի կամս իւրեանց ոչ յԱստծոյ երկնչելով և ոչ ի մարդկանէ ամաշելով՝ զտուն և զտաճար Ասառեծոյ ընդ իւրեանց չար ըղձից թողուն այդ աւերակ և թերատ. միթէ չէր կարելի արդեօք զպատճէն պտյմանագրոյն, զորս թողաք առ ձեզ, որով խոստանան անշուշտ լրացուցանել զ5000 ր. թարգմանել օրէնագէտ միոյ ազօվկաթի և այնպէս զինել զինւորել և բռնի պահանջել օրինասաստ պահանջմամբ»:

Այսուհետեւ նկարագրում, որ Մակարով Ստեփանն ճանապարհին պատահել է իր վարդապետին, (որը Գէորգիսկ էր գնում ժողովրդի վերայ ազգելու) և յայտնել է, որ տալ չէ կարելի: Յետոյ նկարագրում իր տեսակցու



Աթաբէկեանց Գրիգոր:

թիւնը Խ. Դիաչկովի հետ, որի մասին ասում է. — «մի մարդ է, որ քաջութիւն չունի այն կամ ոչ ասելու: Դեռ ու դէն է զցում խօսքը»: «Գարնանը կաշխատենք տալ»: «Կերթամ կիսատ եկեղեցին կտեսնեմ և տեղումը կկարգադրենք և այն:» Արի գայլի գլխին աւետարան կարդայ, նա էլի իր ոչխարը սարն անցաւն է կրկնում:

Յանցանքի մի մասն էլ զցում է տեղույն գործակալ Տէր-Սարգիս քահ. Տէր-Պողոսեանի վրայ, որի մասին էլ զրում է. — «Որպէս երեսում է, ոչ միայն ժողովրդականք, այլ և քահանայն նոցա նոյնպէս ապականեալ հոգով Ֆիակամութեամբ ցուցանին զհակառակութիւն և չկամին երբէք կառուցանել այդր եկեղեցի, զի մի լիցի այդը այլ ոք քահ. քանզի և իմ գրութեանց բնաւին չունի միոյն ևս պատասխան՝ այս քանի երրորդ ամիսն է:»

Այսուհետեւ խրախուսում է չյուսանատել, եղած նըւէլներով պատերը հասցնել մինչեւ կամարները և անմիշապէս ծածկել և սպասել մինչեւ հնարաւոր կլինի շարունակել: Նոյն թւում, յունիս ամսում Գէորգևսկ առաջնորդի կողմից փոխանորդ գնացած Յովհաննէս վարդապետ Շիրակունուն Տէր-Սարգիսը դատարկածեն և ոչինչ չարած ճանապարհ է դնում պատճառաբանելով թէ ժողովրդի առաջաւոր անձինք վաճառականական գործերով քաղաքից բացակայում են, ուրեմն և վերջնական պատասխան տալ հնարաւոր չէ, իսկ նոցա հաւաքւելլը ամիսներ կքաշի: Այս աւելի է գայրացնում առաջնորդին, որի հետևանքը վինում է վերև բերածս նրա գրութիւնը ուղղած Պետականի հոգաբարձութեան:

1879 թ. Պետական ամառանոց եկած զանազան քաղաքների ժողովրդականք տեսնելով եկեղեցու կիսատ և լքւած մնալը, մի խնդրագրով դիմում են Գէորգ դ. կաթողիկոսին խնդրելավ տնօրինել Գէորգևսկու եկեղ. 25000 դրամագլխից, ըստ իւրեանց համաձայնութեան որոշւած և հոգեսր իշխանութեան թոյլատրւած 10000 լ, մնացորդ 5000 լ, տալ Պետականի կուն, որովհետեւ նախառ եկեղեցու այսպէս աւել մնալը նախատինք է և ճնշող տեղական հայերի համար և միւս կողմից, ժողովրդի որոշ-

ման համաձայն եկեղեցու գլուխ բերելուց անմիջապէս յետոյ պիտի բացւի երկու դպրոց՝ երեխաներին օտար դպրոցներում օտարացման ենթարկելուց ազատելու համար։ Այս ինդրից և մի քանի պաշտօնական գրութիւններից յետոյ ժողովուրդը յոյսը կարած Գէորգեսկուց, 1882 թվ. 2 յունարի ծխական ժողովում, կայացած երեցփոխան Խոջայեանի տանը, շինութեան գործը քննելով, եղած ժողովարարութեան միջոցները քիչ է գտնում շինութիւնը ցանկալիին չափ առաջ տանելուն, որոշում են թոյլատրել հոգաբարձութեան օրինաւոր իշխանութեան թոյլատութեամբ, երկուսից երեք հազար րուբլի վերցնել և այնպէս աշխատել, որ մինչև աշուն պատրաստ լինի և ժամասացութիւն կատարւի։ Ստորագրում են 15 անձինք։ Ստանում են բանկից 3500 ր. այդպիսով ու կամաւոր ներկներով կամարակապ ծածկում է, իսկ կաթուղիկէն շինուում է փայտից ժամանակաւորապէս։ Ի 11-ն հոկտեմբ. 1883 թ. թեմի կառավարիչ Սուքիսս եպիսկոպոսի ձեռքով օծւում է նորակառոյց եկեղեցին։ Տեղին եպիսկոպոսը պահանջ է դնում մանրամասն եկեղեցու շինութեան ժապաւինեալ մատեաններով և ընդհանրապէս եղած ել և մտից ամբողջ հաշիւները կազմելով, կօնսիստորեայից տրւած մատեանների հետ ուղարկել ատեան։ 1883 թ. հոկ. 21-ն առաջնորդը առանձին գրութիւններ ուղարկելով 1) երեցփոխան Խոջայեանին ստիպում է անմիջապէս ժապաւինեալ մատիանները կանոնաւոր պատրաստած, ստուգւած հաշիւների հետ ուղարկել ատեան։ 2) Գործակալ Սարգս քահ. Տէր-Պողոսեանցին պատրում է ամենակարուկ միջոցով մանրամասն հաշիւները կազմել տալով մտից և ելից ստանալ և ուղարկել ատեան։

Երեցփոխը անուշագիր է թողնում այս գրութիւնները, որից յետոյ կօնսիստորեան նկատելով, որ միշտ անհետեանք են մնում եղած հրամանները 1884 թ. 12-ն յունարի պաշտօնապէս գրում է Պեատիգորսկի ոստիկանութեան «մի շաբաթւայ ընթացքում Պեատիգորսկի ընակիչ նախիջեանցի Բաղդասար Խոջայեանից ստանալ եկեղեցու շինութեան ել և մտից ամբողջ հաշիւները մա-

տեաններով ուղարկել կօնսիստորեան։» Այս կարդագրութեան մասին տեղեկութիւն է արւում գործակալին, որի զգուշացնող և եղած կարգադրութեան մասին տւած տեղեկութիւնից զգալով, որ վատ վախճանի հանգաւ գործը և վիրաւորած՝ Պեատիգորսկի հասարակութեան անունով տալիս է իր հրաժարականը, բերանացի պատմելով իրան հացըւած վիրաւորանքի մասին ժողովրդին։

Նոյն օրը հասարակութիւնից 14 անձի ստորագրութեամբ Խոջայեանին մի գրութիւն է արւում, ուղարկեցութիւն յայտնելով կօնսիստորեայի ոչ տեղին հացըրած իրան վիրաւորանքի համար, աղերսում են յետ վերցնել հրաժարականը։ 1884 թ. փետր. 26-ն եկեղեցու շինութեան հոգաբարձութիւնը մի յայտարարութեամբ դիմելով ժողովրդին ինդրում են մարգիկ նշանակել հաշիւները մատեաններով քննելու։ Նոյն թղթի վրայ զրւած է։ — «Մեք, Պեատիգորսկի հայ հասարակութիւնս, ընտրեցինք մեր միջից չորս պատուաւոր անձինք բաղպօլկովիկ եակու իվանիչ Մանդալովս, պատւաւոր քաղաքացի Լազար Լուքիանիչ Սվեշնիքեանց, Խաչիկ Կարապետեան Թամանեանց, Յավհաննէս Մարտիրոսեան Պապավինեանց, վամն կազմելոց մասնաժողով ի միասին հոգաբարձւաց շինութեան եկեղեցոյ և վերահասու լինելոյ ամենայն գործոց և հաշւոց ել և մտից վերաբերեալ շինեալ եկեղեցւոյն ի 26-ն փետ. 1884 թ.։» Ստորագրել են 14 մարդ։

1884 թ. 21-ն յուլիսի ծխ. ընդհանուր ժողովում 25 անձինք խորհրդակցելով կօնսիստորեայի կարգադրութեան առթիւ պատրաստում են «յայտարար ինդիք», որի մէջ ցաւ են յայտնում, որ աշխատաւոր մարգուն փոխանակութելու, խրախուսելու, այդպիսի խոր վիրաւորանք են պատճառում և կարգադրում գործակալին № 402, 9 մարտի տարւոյս գրութ. «Ժողով կազմել նոր երեցփոխ ընտրելու, որ և գալով անցեալ ամսի 22-ի ժողովում յորդորում էր մեզ նորին ընտրել։» Մատնացոյց անելով այն հանգամանքի վրայ որ ոչ Խոջայեանցից, այլ ամբողջ հոգաբարձութիւնից պէտք էր պահանջել հաշիւները. և որ ժապաւինեալ մատեանները պահեալ են, որ կուրսի ժամանակ

հարաւորութիւն ունենան պարագերի վճարման համար դրամ՝ հաւաքել։ Պնդում են ճանաչել Խոջայեանին երեց փոխ, որի համաձայնութիւնը ստացել են և նորի ընտրութիւն չկինի։ Ստորագրել են 25 անձինք։

1884 թ. 10 դեկ. կօնսիստորեան հրամանագրում է Գէորգեսկու գործակալ Սարգիս քահ Տէր-Պողոսեանցին № 2183, երեցփոխան Բաղդասար Խոջայեանցին որոնցով նորակառոյց եկեղեցու շինութեան համար եղած հաշիւներն է պահանջում։ Գործակալի գրութեան հետևանք ատեանը գրում է. — Գործակալն յայտարարութեամբ ի 25-ի մարտի տարւոյս յայտ առնէ՝ թէ եղեալ են մուտք դրամոց եկեղեցւոյն շինութեան Պետիգորսկոյ 17,080 ր. 38 կ. և ծախը 18628 ր. 95 կ. հանեալ զմուտս ի ծախուց մնայ վճարելի պարտս ի վրայ եկեղեցւոյն 5000 ր. և մասնաւոր անձանց 1548 ր. 57 կ.։ Եւ խնդրի համաձայն խոստման տալ ձեզ ժապաւինեալ մատեան վասն ժողովելոյց զտուրս ի վճարումն պարտուց եկեղեցւոյն։ Ընտրւած հաշւետեսները քննում են հաշիւները, ենթարկում ընդհանուր ժողովի վաւերացման, սակայն դեռ բոլորովին աշխատութիւնները չեն վերջացրած և մատեանները Մանդալեանի մօտ են լինում, որ Խոջայեան իր համար մի թուրիմացութիւն ցըելու նպաստակաւ մատեանները վերցնում է իր մօտ մի երկու օրով և այնունետե չի վերագրածնում յանձնախմբին։ Այս դէպքը բաւական յուզմունք և վրդովմունք է տուաջացնում ժողովրդի, մանաւանդ Խոջայեանին քննադատողների մէջ։

Խոջայեան վերցնելով մատեանները իր կազմած հաշվի հետ ուղարկում է կօնսիստորեայ, որին պարզ ապացոյց է այս, որ ժապաւինեալ նոր մատեան է խնդրում իր այդ գրութեան մէջ։ Աւելորդ չենք գտնում զնել երեց փոխ և կարգադրիչ հոգաբարձու Բաղդ. Խոջայեանի, Պետիգորսկով եկեղեցու շինութեան ել և մտից հաշիւները, զրւած կօնսիստորին ի 12-ն մարտի 1885 թ., որով և փոխկում է եկեղեցու շինութեան հաշիւների աղմկալի գործը։

«Վիճակային կօնսիստորեայի հայոց Աստրականիայի երեցփոխան Պետիթութեան կեղեցւոյ Բաղդասար Խոջայեանի շայտարարութիւն»
7/11 1922
Ց.Ս.Հ.Հ.Ս.Պ. Ա. Խաչատրյան կեղեցւոյ Բաղդասար Խոջայեանի շայտարարութիւն»

Առ հրաման կօնսիստորիդ գրեալ ի 10-ն դեկտեմբերի 1884 ամի № 2183 որ յաղագս պարզաբանութեան ու ստուգութեան ժողովարարութենէ մտից ու ծախուց մատենից շինութեան տեղույս եկեղեցւոյ և այլն, յայտ առնեմ սովոր ամենախոնարհաբար թէ համաձայն մտաց յիշեալ հրամանի ժողովեալ և զմիւս հոգաբարձուս շինութ։ Եկեղեցւոյ բաց յերկուց որք ի վաղուց արդէն գտանին ի բացակայութեան, ի ներկայութեամբ գործակալ Սարգիս աւագ քահ Տէր-Պողոսեանցի, ընթերցաք զայն հրաման ի լուր նոցա ու ընդ որոց ստուգեալ ի պատճենէն դարձեալ զայն հաշիւ գտաք, սւղիդ ու համաձայն նախկին հաշւոց մերոյ, թէ ընդհանուր մուտք եղեալ են 17080 ր. 38 կոպ. ու ծախը 18628 ր. 95 կոպ.։ Գործակալն ևս ծախսն հաշւեալ այնքան իսկ մուտ 17166 ր. 62 կոպ., յորոց բատ յայտնելոյ մերոյ մոռացեալ հանել ի բաց 86 ր. 24 կ. որ ի պատճառս մահւան հոգաբարձու Յարութիւնի Զօլատարեանց կորուսեալ ի վրայ նորա, յորմէ պատկանէր յետ հանելոյ ի 1055 ր. 45 կ, մտից 969 ր. 21 կ. ծախսն, որպէս երկի ի հաշւէտոմարի, հանեալ ուղենին զմուտս ի ծախուց բատ հաշւոյ մերոյ մնայ պարտս ի վրայ եկեղեցւոյն մերոյ 6548 ր. 57 կ. յորոց վճարելիս 5000 ր. Գէորգեսկոյ եկեղեցւոյն, 1548 ր. 57 կոպ. մասնաւոր անձանց՝ Գէորգա Մանդալեանց մուրհակաւ 850 ր. Ղաղարու Սվէջնիկեանց 75 ր. առանց մուրհակի, Մանուկա Բչախչեանց 50 ր. Դաւիթ Կուրջեանց 50 ր. Գէորգա Պալովիեանց 50 ր. Գէորգա Խաղիկեանց 50 ր. Յովհաննու Բարատինեանց 25 ր. և ինձ 388 րուր. 57 կ. կօնսիստորդ որպէս երկի ի յիշեալ հրամանագրութիւնէ լւեալ է, զի մուտք իբր եղեալ են 18658 ր. 68 կոպ. և ծախը 17660 ր. 36 կ. մեք ի յանձնելն գործակալին մատեան առ ի առաքելոյ ի կօնսիստորդ բերանացի յայտնեաք նմայ յայտնել կօնսիստորիդ յիւրմէ կողմանէ թէ

զհաշիւս մտից և ծախուց ի հին մատենէ տւեցելոց և
հանգուցեալ Գէորգա արքեպիսկոպոսէ արտագրեալ են ի
նոր մատենւոջ որ տւեալն է ի կօնսիստորէդ որպիսի
մատենան միայն պարտ էր հաշւել և իմանալ զբոլոր հա-
շիւ մտից և ծախուց թողեալ զինն ի բաց պատճառ որոյ
այս է, զի թողումք ի նսիրատողաց ոչ հատուցանելով
իսկոյն զինի ստորագրութիւն իւրեանց զպատրաստի նսի-
րագրամս թողեին ի վերայ իւրեանց յորոց մամն առ մա-
սրն ստացեալ գրեաք ի նոր մատենւոջ և այսպէս բոլոր
պատրաստի գրամս արտագրեալ ի նմին, որպէս և ծախոն
և ի վերայ քանի ոմանց ի պատճառս յապայն անաջողու-
թեան նոցա կորուսեալ բաւականի գումարք, որոց ցու-
ցակ ևս առաքեալ են ընդ մատենիցն ի կօնսիստորդ: Թէն
գործական Տէր-Պողոսեանց, ըստ ասելոյ իւրոյ իբր ի
թիւս մի քանի հարկաւոր ծանօթութեանց գրեալ ի մա-
տենւոջ զտեղեկութիւն և զայսմանէ, ոչ աւելորդ համա-
րեմ ևս յայսնել բաց ի վերագրելոյն և զայս թէ ի գնան
իմ ի Պետերբուրգ վասն ընակութեան յանձնեալ էի խոր-
հրդով միւս հոգաբարձւաց ևս Պրիկորի Աթարէկեան և
Յարութիւնի Զօլատարեանց, որք էին և հոգաբարձուք.
զմատեանս և զհաշիւս մտից և ծախուց եղեալս յայնժամ
թէ ի ձեռն իմ և թէ նոցա, յետոյ, յորոց երեկի առաջին
անգամ յիշեալ 1055 ր. 45 կ. մտից ծախսեալ է 969 ր.
21 կ. և աւելի մնացեալն 86 ր. 24 կ. որպէս գրեալ եմ
կորուսեալ ի վերջոյ ի վերայ հանգուցեալ Զօլատարեանի
յետ այնորիկ անցուցեալ ի ձեռս նոցա թէ գումարք Գէ-
որգևսկոյ եկեղեցւոյ և թէ ժողովեալ կամաւոր նուէրք
8314 ր. 80 կ. ծախսեալ ի վերայ շինութեան եկեղեցւոյ
և այսքան այս է 8314 ր. 80 կ. զինի վերագրածմանս ի
Պետիգորսկ ընկալեալ ի նոցանէ զմատեանս ժողովեալ
եմ զնւէրս 7766 ր. 41 կ. և ծախսեալ 9344 ր. 94 կ.:
Այս է ահա հաշիւ մտից և ծախուց շինութեան եկեղե-
ցւոյ մերոյ, յորպիսիոց պարզապէս երեւսցի, թէ որքան
ծախսք և որքան պարտք ի վերայ եկեղեցւոյն մերոյ վճա-
րելիք թէ Գէորգևսկայ եկեղեցւոյն և թէ մասնաւոր ան-
ձանց, իսկ թէ համաձայն կարգին պահանջման, ոչ գտա-

նին ստորագրութիւնք ստացողաց զբրամս պատճառն է
այս, Աթարէկեանցն ևս գոլով միայնակ յանժամ և կար-
գեալ ի քաղաքական գործս ի պաշտօնի օգնականի գի-
րեկտորի բաղաքական բանկի առ այն և չունենալով ժա-
մանակ, որպէս և միւս հոգաբարձուք, բոլոր հոգս ձգեալ
են ի բացակայութեանս միմիայն ի վերայ Զօլատարեան-
ցի, որ լինելով ծերունի և վատառողջ և աւելի անտեղակ
պահպանութեան այն կարգի, կօնսիստորական մատեանի,
չէ մտածեալ երբէք ի վերայ այնք, ևս ապա զբաղեալ
գոլով ի վերայ շինութեան և նորոգութեան կալւածոյս
միայնակ չեմ ունեցեալ զժամանակն ստորագրել տալոյ
մեծաւ աշխատութեամբ ստացողաց զգրամս, այնու մա-
նաւանդ, զի բազմիցս զնեալ ի վաճառափողոցէ զգերանս
և զայլ անհնարին թւէր հասկացուցանել զնոսա և ի ձեռն
այնոց ստորագրել տալ առ այն ուրեմն և չկարացեալ
պահպանել զայն միայն վասն խոշոր ծախուց գումարաց
թէ շինութեան եկեղեցւոյ և թէ խաչկալի առեալ յիւրում
ժամանակին զվկայականս և զպայմանաթուղթս, զորս ընդ
սմին առաջի առնեմ կօնսիստորիդ և յուսամք զի ներո-
զամատութեամբ բաւականացեալ կօնսիստորդ բարեհաճես-
ցի առաքել ըստ խոստման իւրոյ զնոր ժապաւինեալ մա-
տեան վասն ժողովարարութեան ի հատուցումն մասն առ
մասն պարտուց եկեղեցւոյ մերոյ, առ այն և ցուցանել
զներողամտութիւն իւր ընկալնելով զայնպիսի պատճառս
ի յարգանս. իսկ եթէ անշուշտ հարկաւորեացի ստորագրու-
թիւն հոգաբարձուաց ի ներքոյ յօդւածոց և աւեալ ծա-
նօթութեանց գործակալի և բոլոր հաշւոց յայն գէպս
խներեմ գարձուցանել զայն մատեան, զոր զինի ստորա-
գրութեանց առանց ժողովելոյ այնու զնւէրս վերագրա-
ծուցից ի կօնսիստորդ

Երեցփոխան՝ Յաղթասար Խոջայեանց:

Ի 12մ մարտի 1885 ամի ի Պետիգորսկ:

Հասարակութիւնը բաւական էր, որ թէկուզ փայտեայ
կաթողիկէյով, բայց և ծածկել և օգտում էր. Ղեկա-
վարների հոգացողութիւնը կենարօնանում է այժմ նախ
մասնաւոր պարտքերի վճարման և երկրորդ եկեղեցու

զանգակատան շինելու և ներքին բարեզարդութեան վրայ:
Երեցփոխանի այդ առթիւ ներկայացրած նախահաշիւլը կօնսիստորեան չի հաստատում և պատիրում է եկեղեցու եկամուտները շինութեան գործի համար՝ պարտքերի վճարման երբէք չբանեցնել և այն, որ այդ ծախքերը պիտի ծածկւեն միմիայն նսկրատութիւններով, որ չափով հնարաւոր կլինի: Այսուհետեւ առժամանակ բաւականացած եղածներով և մնացեալ պակասութիւնները թողնելով բարեպատեհ հանգամանքների, զբաղւում են սեփական քահանայ ունենալու խնդրով:

ՍԵՓՀԱԿԱՆ ՔԱՀԱՆԱՅԻ ՀԱՐՑԸ

Պեատիգորսկի հայերի վերաբնակութիւնը Գէորգիսկուց լինելով և այն, որ նոքա Գէորգիսկի եկեղեցու ծրբականներ են եղել իրանց ծիսակատարութիւններն էլլի կատարել են նոցա քահանայի ձերքով: Հենց այդ էլ շեշտում էր Գէորգ արքեպիսկոպոս Վեհապետեանցը, երբ զրում էր Տէր-Մարգիս քահանայի չկամութեան մասին գէպի Պեատիգորսկի եկեղեցու շինութեան գործը:

Առաջին քահանան եղել է Եկատերինոգարից Եկած Տէր-Յարութիւնը, որի ժամանակ, մօտ 1840-ական թւերին աղօթատունը Խոջայեանի տներում էր գտնւում:

Այդ ժամանակ, առաջային շինուելք եկեղեցու օգտին իւրաքանչիւր շաբաթ հայ խանութպաններից 5-ական կոպէկ էր հաւաքւում: Հաւաքողն էր Կարապետ Խաղիզեանը, որը իր մօտ եղած զրամը և պաշտօնը, եթէ կարելի է Երեցփոխանութիւն անւանել—յանձնում է Մեռն Սիմօնեան Մուրադեանին, որից յետոյ արդէն ընտրութեամբ երեցփոխանութիւնը յանձնուում է Աթաբէկեանին (1868 թ.): Սրա օրօք, 1877 թ. յունիսի 22-ին, Պեատիգորսկի հայութեան համար շարունակ հոգացող առաջնորդ Վեհապետեանը ժողովրդի խնդրին բաւարարութիւն տալու առիթից օգտելով, աստաբաթցի Ստեփան քահանայ Տէր-Գրիգորեանցին նշանակում է ժամանակաւոր հովիւ և

գովելով նորա հայոց լեզվի մէջ հմուտա լինելը, յորդուրում է ժողովել երեխաներին և յանձնել նորան, մայրենի լեզու սովորեցնելու: Ժողովրդին հաւաստիացնելու համար, որ իրաւ նա հայոց լեզու գիտէ, զրում է.—«Հայոց լեզվի հմառութեան վկայական ունի Գաիրիէլ արքեպիսկոպոս Այվազովսկուց:» Տէր-Մարգիսը գալիս է Պեատիգորսկ. ժողովուրդը սիրով ընդունում և երեխաներին յանձնում է սովորեցնելու, որը և աղօթատան երկու սենեակներից մէկը գալուց է գարձնում: Տէր-Մարգիսը իր հեղ բնաւորութեամբ, բոլորի կողմից յարգանք է վայելում: Ժամանակակիցները պատմում են, որ «կարիքի բովելին երեցփոխանը կգար նրա մօտ, կխորհրդակցէին և նոյն օրն իսկ տէր-հայրը հասարակութեան աչքի ընկնող ունեւորներին իր մօտ թէյի կհրաւիրէր, որոնք քահանայից կարիքի մասին լսելուց յետոյ, որ եկեղեցու շինութեան առթիւ էր լինում, անմիջապէս իրանց միջից կհաւաքէին պակասորդը և զործը կանգ չէր առնի»:

Տէր-Մարգիսը մնում է Պեատիգորսկ մինչև 1883 թ. օգ. ամիսը և հիւանդութեան պատճառով հեռանում: Ժողովրդին այնուհետեւ հովւում են պատահական քահանաներ, որոնք մանաւանդ մէծ տօներին՝ Զատկին և Ծննդին առաջնորդի կողմից նշանակում էին ժամանակաւորապէս Պեատիգորսկ լինելու: 1884 թ. օգ. 9-ին թեմի կառավարիչ Սուքիսս եպիսկոպոսը շեշտելով սեփական քահանայ ունենալու անհրաժեշտութիւնը, առաջարկում է երկու քահանայացու և խնդրում ընտրել մէկին: Հակառակ զէպքում, սպանում է, որ ինքը կձեռնազրէ որևէ մէկին, կուղարկէ և այնուհետեւ ժողովրդի խնդրիը չի լսի: Երեցփոխան Խոջայեանը երեկի հակառակ լինելով երկուսին էլ փախուստ է տալիս եպիսկոպոսի թեկնածուներից ընարել տալուց և այդ առարկում է այսպէս: —«Վաճառական ազգայինք բացակայում են և ուրեմն որոշակի ընտրել այժմ անհնար է»: Խնդրում է առժամանակ յետաձգել, որ ժողովուրդը հնար ունենայ ընտրութիւն անելու: Նոյն թւի սեպ. 6-ին 36 անձանց ստաբուրութեամբ կազմւում է համախօսական, որով ընտրում են ղղարցի, ներսիսեան

դպրոցի ընթացաւարտ Աբրահամ Շխինեանցին և առաջար. կում առաջնորդին ձեռնադրել: Հոկտ. 23-ին թեմի կառավարիչը յայսնում է Երեցփոխանին, որ քահանայացուի գործերն ուղարկել է Սինօդ: 1885 թ. ապրիլի 7-ին Շըխինեանցը ձեռնադրում է քահանայ և նորանով դպրոցի բացման համար սկսում է լուրջ հոգացողութիւն:

ԴՊՐՈՑԱԿԱՆ ՇՐՋԱՆ

1884 թ. սեպ. 7-ին, № 1492 գրութեամբ կօնսիստորեան դպրոցի մասին տեղեկութիւններ է պահանջում: Օր. քանի տղայ, քանի աղջիկ են սովորում: Ի՞նչ միշոցներով է կառավարում: Քանի ուսուցիչներ են պաշտօնավարում, ումից են հաստատել և այն: Երեցփոխանը պատասխանում է.—«Զկայ ուսումնարան, ուսուցիչ և ոչ մի մատեան ժողովարարութեան:» Աւելացնում է որպէս ծանօթութիւն:—Սրանից 4 տարի տուաջ, այսուհետ հիւանդ վ. Սարգսեանը, մեր բարեսիրտ Սաեփան քահ. Տէր-Գրիգորեանից խնամւած, տէրհօր մասնակցութեամբ, ժամատան սենեակներից մէկում հաւաքել էր մի քանի երեխաններ և սովորեցրել և այն էլ ոչ աւել, կարծեմ քան երեք ամիս: Այս պատասխանն է ուղարկել աւելի պատասխանաւութեան Երկիւղից, որովհետեւ եղածը մասնաւոր բնաւորութիւն է կրել:

Աբրահամ քահանայ Շխինեանց, առաջին իսկ տարում ժողովում է Երեխաններին եկեղեցում, որովհետեւ յարմար և անվճար տեղ չկար և սովորեցնում: Սակայն դորան դպրոց անւանել չէր կարելի, որովհետեւ հայր Շըխինեանց զուրկ յարմարութիւններից, մասնաւոր կերպով հաւաքում և պարապում էր: Նրան քահանայացու հրաւիրելիս խոստանում են 15 աշակերտ տալ, մինչև դպրոց ունենալը, որից սպասելու էր 200 ր. դպրոց ունենալուց յետոյ էլ իրմա ուսուցիչ պիտի ստանար տարեկան 300 ր.: Սակայն դպրոցը պաշանապէս բաց անել, եկեղեցու շինութեան պարաքերի երեսից և այդ մասին ժո-

դպարարութիւններով, ժողովրդի վրայ բաւական ծանրացած լինելուց, գեռեսհնար չէր: Թէև անտեսական միջոցները թոյլ չէին տալիս ծխ, գոլրոց ունենալ, սակայն դպրոցի կարիքով պաշարւած՝ նոցա աչքից չէր փախչում անհանգամնքը, որ պետական դպրոցներում բաւական թըւով սովորող հայ երեխանները զուրկ են մնում կրօն և մայրենի լեզու սովորելուց: Տեղական դպրոցական վարչութեան մօտ երկար աշխատելուց, երբ ապարդիւն է անցնում, ժողովուրդը դիմում է հոգեոր իշխանութեան միջոցաւ բարձր իշխանութեան: Այս դիմումին պատասխան գրում է Սուքիաս եպիսկոպոս: «Հոգեոր իշխանութիւնը դիմել է կառավարութեան կրօնի և հայոց լեզվի համար և եթէ կառավարութիւնը դասատիւ սոճիկը չտար, մնում է ծնողները, կամ հասարակութիւնը վճարէ:»

Այսուհետեւ, 27 յունարի 1887 թ. Սուքիաս եպիսկոպոսը յայտնում է, որ թոյլատրւած է արքունի դպրոցներում կրօնի և հայոց լեզվի դասաւութիւնը:

Այս գրութեան, Երեցփոխանի ուղարկած պատասխանից երկում է, որ կրօնի դասաւութիւնը թոյլատրւում է միայն ուռու լեզվով: Կառավարութեան այս կարգադրութիւնը ընդունելի չէր կարող լինել հայերի համար, որոնք յոյսները կտրած պետական դպրոցներում կրօն և հայոց լեզու մացնելուց, բոլոր ևունդով կենարօնանում են ծխ. դպրոց բաց անելու խնդրի վրայ: Նոյն այդ միջոցներին առաջնորդ է նշանակուում Գէորգ եպիսկոպոս Սուրբէնեանցը:

ԴՊՐՈՑԻ ԲԱՅՑՈՒՄԸ

1887 թ. ամառը, թեմը շրջելու ելած նոր առաջնորդ Գէորգ եպ. Սուրբէնեանցը, Գէորգևսկուց Պետակորսկ եկած, լսում է ժողովրդի թափանձանքը և թոյլատրւում է բանալ տղայոց միղաւեան դպրոց, որտեղ ուսուցիչ է կարգում Ար. քահ. Շխինեանցին: Այդ ժամանակ կար միայն երկու ցածրիկ սենեակներից բաղկացած, հում

աղիւսից շինւած տունը, որի մի սենեակում տեղաւորւում է դպրոցը *): Մեկ տարի հ. Շիխնեանցը միայն տղաների սովորեցնելով այսքան հետաքրքիր է դարձնում գործը ժողովրդի համար, որ 1888 թ. 3 օգ. հոգաբարձութիւնը դիմում է գործակալին այս գրութեամբ.—« Յանցեալում ամի գերապատիւ առաջնորդն թեմին Աստրախանայ Գէրոգ եպիսկոպոս Սուրէնեանցը զիջեալ թախանձանաց ժողովրդեան Պետիգորսկայ թոյլատեաց բանալ աստ ի Պետիգորսկ զարական դպրոց մի: Արդ այժմ մերձ գուլով 1988—89 ամին ուսումնական, հոգաբարձութիւնս ջանայր բանալ զայս թոյլատեալ դպրոց արական, բայց առաջի աչաց առեալ զկրնակի թիւ աշակերտունեաց և զիջեալ թախանձանաց ծնողաց և բարերարաց նոցին, որք կամէին, զի ընդ արականին բացցի և զիգական դպրոց և որք ի հակառակ դէպս հրաժարէին օժանդակել պահպանութեան արական դպրոցին, արժան վարկաւ, յշն ամսոյս կազմել ժողով մի մասնակցութեամբ տեղական քահանայի և նորոգ հրաւիրեալ ուսուցչի, յորում ի քննութիւն առեալ զելս և զմուտս դպրոցին, հնարաւոր համարեաց բանալ ընդ արականիս և զիգական դպրոց և որոշեաց առաջարկել նորին սրբազնութեան թեմակալ առաջնորդին ի հաստատութիւն: Ի դպրոցացդ տղայոցն ունի գետեղել ի պարսպի եկեղեցական ի սեպհական տան, իսկ օրիորդացն մերձ եկեղեցւոյս վարձու ի մասնաւոր տան:

Եւ արդ ընդ այս խնարհ խնդրբագիր առաջի Զեր առեալ զցուցակ ելից և մտից ծխական դպրոցացս Պետիգորսկւոյ, հոգաբարձութիւնս խնդրի Զերդ բարեկրօնութիւնէ զիմել նորին սրբազնութեան զի բարեհաճեցի զիջանել ի խնդիր հոգաբարձութեանս և թոյլատրել բանալ ընդ արականին և զիգական դպրոց, որով փրկեսցէ զմանկին հայ հասարակութեան Պետիգորսկոյ ի խաւարէն տղիտութեան և յիսպառ մոռացմանէ մայրենի լեզւին:»

1887 թ. աշնանը, հոգեոր իշխանութեան թոյլտութեամբ դպրոցի համար հոգաբարձական ընտրութիւն է

*) Եյտ շէնքը այժմու եւ կայ և այդտեղ է ապրում ժամկոչը:

կայանում, որը առաջնորդի միջոցաւ առաջարկւում է Վեհափառ Հայրապետին հաստատելու: Դպրոցի բացման և հոգաբարձութեան հաստատութեան կոնդակը դուրս է գտվու 14-ն յունւարի 1888 թ.

Մակար ծառայ Յիսուսի Քրիստոսի եւ անհասանելի կամօնի Աստուծոյ եպիսկոպոսապես եւ Կարողիկոս ամենայն հայոց, Ժայրագոյն պատրիարք համազգական նախարենց Մրույլ արարական մայր եկեղեցոյ սրբոյ կարողիկէ եշմիածնի:

Հարազատ որդւոց հօրս լուսոյ սրբոյ կաթուղիկէ եջմիածնի և սիրելեաց մերոց ի Քրիստոս պատուելեաց Բաղդասարա Էմանուէլեան Խոջաեանց, Յովհաննիսի Մարտիրոսեան Բաղդասարեանց, Ղազարոսի Ղուկասեան Սվէջնիկեանց, Դաւթի Գաբրիէլեան Քիւրձեանց, Գէրոգա Յովհաննիսի Սանդալեանց և Խաչիկի Կարապետեան Թամանեանց նորընտիր հոգաբարձուաց եկեղեցական-ծխական միդասեան տղայոց ուսումնարանի հայոց Պետիգորսկ քաղաքի նուրիբեմք զհայրապետական մեր ողջոյն և զԱստածածյին բազմապատիկ օրհնութիւն:

Յնարողական թերթէ մատուցելոց մեր ի գերապատիւ առաջնորդէ թեմին հայոց Աստրախանի տեղեկացաք, զի բարեպաշտօն հայ ազգի ժողովրդականք քաղաքիդ համանած յոժարութեամբ ընտրեալ են զբարեպաշտութիւնս Զեր ի Պաշտօն հոգաբարձութեան եկեղեցական-ծխական միդասեան տղայոց ուսումնարանի հայոց տեղւոյդ, վասն որոյ և մեք այսու հայրապետական կոնդակաւ մերով հաստատեմք զԶեր ի նմին հոգաբարձական պաշտաման, մեծայոյս զոլով զի գուք ի սէր ազգի և հայրենի եկեղեցւոյ մերոյ փոյթ մեծ ունեցիք ամենայն կարգապահութեամբ և հմտութեամբ կանոնաց հաստատելոց ի մէնջ վասն եկեղեցական-ծխական ուսումնարանաց մերոց յառաջ վարել զհոգաբարձական Զեր պաշտօն, ջանալով օրսաօրէ յաւելեալ զնիւթական արդիւնս ուսումնարանիդ և յառաջադէմս զարգացուցանել զաշակերտեալսն ի դմին զմանկունս ազգիս, միտ զնելով մանաւանդ կրօնական և

բարոյեական դաստիարակութեանց նոցին, որով և արդարացուցեալ զբարի վարկումն զջէնջ ընտրողացմն զջեզ ժողովրդոց արժանի լինիջիք Աստւածային բիւրապատիկ վարձատրութեանց յաստիս և ի հանդերձելումն:

Եւ մեք աղօթս առնեմք առ Ամենաբարձրեալն Աստւած, զի զօրացուացէ զհողեկան և զմարմնական կարութիւնս Զեր յասպարիզի ազգօգուտ գործունէութեան Զերոյ և մնամք վասն յառաջադիմութեան աշակերտելոցն Զեր յանձն եղեալ յուսումնարանիդ մանկանց աղզիս սիրեցելոյ:

Ամենաջերմեռանդ աղօթարար՝

ՄԱԿԱՐ ԿԱԹՈՂԻԿՈՍ. ԱՄԵՆԱՅՆ ՀԱՅՈՅ:

№ 24 ի 14-ն յունւարի 1888 ամի փրկչական և ի թւականութեան մերում ո յ լ է, ի սուրբ Էջմիածին:

Ժողովուրդը դպրոցի ցացման խնդրով այնքան ոգեւորւած էր, որ նրա խորհրդակցական ամեն մի որոշումն անմիջապէս, գեռ թղթի չանցած ի կատար է ածւում:

Ժողովրդի 1888 թ. օգ. 3-ին արած միջնորդութիւնը յարգւում է, այլևս նախկին տարիների նման դասաւոխ հոգացողութիւնը չէր, որ պիտի կարգադրէր և մի կերպ յարմարութիւն ստեղծելով սովորեցնէր: Հոգաբարձութիւնը իր հրաւիրած ծխական առաջին ժողովում, սեպ. 12-ին 1888 թ. նստարանների և գրասախտակների կարիքն է առաջ բերում: Ժողովականներից 11 հոգի մի-մի նստարանի ծախք յանձն առնելով հնարաւորութիւն են տալիս հոգաբարձութեան նոյն օրն և ետ պատուէր տալ շինելու աշակերտական 6 նստարան, 2 գրասախտակ և մի պահարան գրքերի համար: Նվիրատուներն էին. Աբրահամ ք. Շխինեանց, Բաղդասար Խոջայեանց, Ղազարոս Շվէշնիկեանց, Դէորդ Մանդալեանց, Դաւիթ Գիւրջեանց, Յովհաննէս Բաբասինեանց, Գէորգ Պոպովեանց, Գէորգ Խոտքիզեանց, Վարդան Սէֆերեանց, Կարապետ Շալամեանց, Մանուկ Բչախչեանց:

Տղայոց դպրոցը տեղաւորում են եկեղեցու բակում,

սեպհական աան մէջ, իսկ օրիորդացը՝ Խոջայեանի սնեւրում մի սենեակ վարձելով:

ՈՒՍՈՒՑՉԱԿԱՆ ԽՈՒՄՔԸ 1888—89 թ.

Տղայոց դպրոցի աւագ ուսուցիչ արժ. Աբրահամ ք. Շխինեանց (ձրի), ուսուցիչ Վահան Ասկարեանց 550 ր. ոռճիկով: Օրիորդաց դպրոց—աւագ վարժուհի՝ օր. Հեղինէ Խոջայեանց (ձրի), վարժուհի տիկին Մարիամ Թշանցկեանց 180 ր. ոռճիկով: Տղայոց ա) բաժ. 12 երեխայ, օրիորդաց ա) բաժ. 6, բ) բաժ. 7, և գ) բաժ. 7: Միասին 32: Դպրոցի համար առնելի են այս տարում գրքեր 2 նւագ: առաջին անգամ 9 ր. 20 կոպէկի, երկրորդ անգամ 11 ր. 25 կոպ.: Դպրոցը պահպանւել է հետեւեալ միջոցներով: ա) Շխական ընդհանուր ժողովում, համաձայնութեամբ յանձն են առել.—«Պարտաւորեալ տուրք վասն պահպանութեան դպրոցաց», ըստ կարողութեան ստորագրելով տարեկան 50 ր. մինչև 10 ր. բնդամենը 625 ր.: բ) Մամնաւոր նւէրներով, որ մինչև սեպ. 27-ը գոյացել է 651 ր.: գ) Ուսման վարձ 18 աշակերտ-աշակերտունուց հաւաքւեյ է 352 ր. 50 կոպ. և 25 ր. դպրոցում մշական պահպանման մի որդեգրի իզմիրեանց անւան:

Մինչ 1889 թ. յունւարի 1-ը գոյացել է 1028 50 կ.: Մախքը 481 ր. 13 կոպ.: Մնում է 547 ր. 37 կոպէկ: 1889 թ. յնւարի 1-ից մինչև օգ. 1-ը հաւաքւել է 1771 ր. 52 կոպ.: Մախք նոյն ժամանակամիջոցում 460 ր. 32 կոպ.: Մնում է պատրաստի 1311 ր. 20 կ. 1889 թ. օգ. 31-ին կօնսիստորեան պահանջում է ցուցադրել, որքան նւիրատուութիւններ են եղել բոլոր ժամանակ, սկսած 1887 թւից: Նոյն հրամանը կրկնուում է սեպ. 10-ին նոյն թվի «յնթաց 1887, 88, 89 թւերին որքան նւէրներ են հաւաքւել ժամանակնեալ տոմարով: Այս գրութիւններին ինչ պատասխան է խմբագրւել հոգաբարձութեան կողմից, չկայ թղթերի մէջ:

Դպրոցի յատուկ շէնք չունենալը շատերի համար հոգսի առարկայ էր և աւելի շատ հոգաբարձութեան, որի

անդամներից Խաչիկ, (Քրիստոֆօր) Թամանեանը, իր կենդանութեան օրօք այդ պահապը լրացնելու համար 3000 ր. է նւիրում: Ահա կտակը.

«Կտակ կազմւած 23-ն օգոստոսի, այս 1888 ամի:

Նախիջևանի քաղաքացի Խաչատրու Կարապետեան Թամանեանց, առողջ գատողութեամբ և ամուր յիշողութեամբ կտակում եմ յետևեալը.—Իմ ամբողջ շարժական և անշարժ կարողութիւնս կտակում եմ ի կատարեալ և անվիճելի, անկապտելի սեպհականութիւն իմ օրինաւոր ամուսին Տիրուհի յարութիւնեան Թամանեանցին այն պայմանաւ, որ նա իմ մահից յետոյ, իմ գործերիս վերջականապէս դադարեցնելուց, լուծելուց յետոյ տայ երեք հազար ըուբլի արծաթ՝ զրամ յօդուտ Պետականի հայոց եկեղեցական-ծխական դպրոցի:»

Կօնսիստորեան այս կտակի առթիւ, նոյեմբ. 18-ին 1888 թ. զրում է Վլադիկատկասու շրջանական դատարանի ի 20-ն հոկտեմբերի տարւոյս № 7107, ընդ որում առաքէ ի տնօրինութիւն կօնսիստորեայիս զքաղւած ի կտակէ վախճանեալ նոր-Նախիջևանու սոսկականի Խաչատրուա Թամանեանց, հաստատելոց ի կատարումն ի Վլադիկատկասու շրջանական դատարանէ ի 23-ն օգոստ., այսր ամի, վասն կտակեալ ի Թամանեանցէ, ի ծխական հայոց դպրոցն Պետականի դրամոց: Հրամայիցեն հանեալ զվարերական պատճէն ի քաղւածոյ կտակի վախճանեալ Վլադիկատկասու սոսկականի Խաչատրոյ Թամանեանց առաքել ընդ հրամանազբութեանց առ երեցփոխանն տեղական եկեղեցւոյ:»

1888 թ. 23-ն նոյեմբերի, այրի տիկին Տիրուհի Թամանեանցը մի յայտարարութեամբ զիմելով հոգաբարձութեան կտակւած զբամի ստացման համար ինսպրում է միջոց տալ, որովհետեւ միանգամից հնարաւորութիւն չունի վճարելու: Ինքը ինսպրում է ժամանակ որոշել երկու տարւայ ընթացքում ստանալու այս կերպ.—«Առ 1-ն յունւարի 1889 ամի մի հազար ըուբլի, 2) Առ 1-ն յունւարի 1890 թ. մի հազար ըուբլի, 3) Առ 1-ն յունւարի 1861 ամի մի հազար ըուբլի և այս գումարի աղանգովու-



Խոջայեանց Բաղդասար:

թեան համար համաձայն եմ տալ երկու հատ հազարական
բուբլիանոց մուրհակ վճարելով բուբլիին 60% տարեկան։
Ստորագրութիւն։

1889—90 թ. հոգաբարձութիւնը դպրոցական շէնք
կառուցանելու համար ժողովրդի համաձայնութիւնն առ-
նելուց յետոյ, մի շաբթ պաշտօնական գրութիւններով ա-
ռաջնորդից ստացնում է՝ ըստ յատակագծի շինութեան և
այդ մասին ժողովաբարութեան թոյլտութիւնը նոր ժա-
պակինեալ մատեանով։ Յատուկ հոգացող Վեհապետեան
առաջնորդից յետոյ, որի շնորհիւ մասամբ զլուխ եկաւ
եկեղեցու շինութիւնը, դպրոցական գործումն էլ հովանա-
ւոր յատուկ հոգացողն է ներկայանում Սուրբնեանց սըր-
բազանը, որը ըստ ամենայնի խրախուսում ու հրահան-
գում է և կանոնաւոր ընթացք տալիս նոր սկսւած գոր-
դին։

ՈՒՍՈՒՑՉԱԿԱՆ ԽՈՒՄԲՔ

Աւագ ուսուցիչ՝ Ար. քահ. Շխինեանց (ձրի), ուսուց.
վահան Ասկարեանց 550 ր., օր. Վարդուհի Տէր-Յովակի-
մեանց 180 ր.: Երկու դպրոցը տեղաւորւած են Խոջայեա-
նի տան մէջ տարեկան 150 ր. տան վարձով։ Տղայոց
դպրոց ա. բաժ. 7, բ. բաժ. 5: Օրիորդաց՝ ա. բաժ. 5,
բ. բաժ. 5, գ. բաժ. 7. միասին 29: 1889 թ. սեպ. 1-ից
մինչև 1890 թ. սեպ. 1-ը նախորդ տարւայ աղբիւրներով
մուտք եղել է ընդամենը 3485 ր. 29 կ.: Նոյն ժամանա-
կամիջոցին ծախք եղել է 1026 ր. 24 կ.: 1890 թ. 21-ն
ապրիլի, կօնսիստորեայի հրամանի համաձայն կազմւում
է եկեղեցու և դպրոցի կահ-կարասեաց ցուցակ և ուղար-
կւում թեմ. տտեան։ Հոգաբարձութիւնը ի նկատի առնե-
լով, որ եկեղեցուց անհրաժեշտ է դպրոցի կարիքների հա-
մար աւելի յատկացնել, դիմելով առաջնորդին ինդրում
են 100 ր. փոխարէն թոյլատրի 300 ր. տալ։ Կօնսիստո-
րեան հրամանագրում է երեցփոխանին. «Եթէ նարաւո-
րութիւն կայ 100 ր. տեղ 300 ր. տալ եկեղեցուց դպրո-
ցին, ինչպէս խնդրում է հոգաբարձութիւնը» Հոգաբար-
ձութիւնը դպրոցական տան մակարդակի գծագրող ճար-

տարապետին տալիս է 100 ր. և նոյն տարում սկսում շինութիւնը: 1890 թ. հոկտ. 4-ից հոգաբարձութիւնը ստացել է.—Ա. Անանեանից 25 ր. յօդուտ դպրոցի շինութեան:

1890- 91 թ. ուսուցչական խումբը բաղկանում է հինգ հոգուց, որոնք են.—Աւագ ուսուցիչ՝ Ա. քահ. Շըլիխնեանց 100 ր. ոռճիկով: Թւար., հայոց լեզվի, Գրիգոր Տէր-Յովիաննէսեան 500 ր., ոռւս. լեզվի, օրիորդ Շուշանիկ կազբինեան 180 ր., օր. Ա. Յովակիմեան 180 ր., ձեռագործի օր. Եկ. Ն. Շիփամիլովսա 70 ր.: Տղայոց դպրոց ա. քահ. 11, բ. քահ. 6: Օրիորդաց ա. քահ. 6, բ. 5, գ. 11. միասին 39: Մուտք եղել է նոյն ազրիւրներով: Ծախք ուսուցչաց ոռճիկ 1030 ր., գրքեր և պիտոյքներ գնուել են 57 ր. 80 կ., երկու դպրոցներն ել զետեղւած են Խոջայեանի տանը, որի վարձը վճարւել է տան, ծառայի, վառելափայտի միասին 300 ր.

Դպրոցական ամբողջ ծախքը եղել է՝ 1117 ր. 80 կ. Դպրոցի կանոնաւոր ընթացքը խանգարւում է օր. Տէր-Յովակիմեանի պատճառաւ, որը սահմանադրութիւնի արձակուրդին հեռանում և այլև հնարաւորութիւն չի ունենում շարունակել դասաւութիւնը:

Օրիորդի հեռանալու առիթը ծնողների, ուսուցիչ Տէր-Յովիաննիսեանի և ժողովրդեան ոմանց պահանջմամբ ժողովների քննութեան նիւթ է դասնում Գէորգեսկուց եկած գործակալի ներկայութեամբ: Պարզում է ինդիքը, որոշումն կայանում յանցաւորին իսպառ հեռացնելու Պետական ազգեցիկ մարդիկ կրքերը մեղմում և ինդիքը ձգձգելով փակում են, որով անմեղ տեղը տուժում է օրիորդը: Հոգաբարձութիւնը տեսնելով, որ տեղացիների վրայ ծանրանալով շինութեան գործը դանդաղում է, 1891 թ. ամառը, սրբազն առաջնորդի բարեհած կարգադրութեամբ Ա. քահ. Շիխնեանցին ուղարկում է Ղղլար՝ խաղողի բերքի ժամանակ ժողովարարութիւն անելու: Հայր Շիխնեանցին օգնում են տեղական ազգայինք և հոգևոր կառավարութեան անդամները, որը և մօտ 600 ր. է բերում:

1890 թ. 9-ն մեալ. հոգաբարձութիւնը գրում է առաջնորդին: «Այսու պատիւ ունի ծանուցանել ի գիտութիւն Ձերդ սրբազնութեան, որ երկու տարի ձրի ոռւսաց լեզու գասաւանդող օր. Հեղինէ Խոջայեանը հրաժարւում է և հոգաբարձութիւնս մտադրեալ է ի նոյն պաշտօնի հրաւիրել օր. Շուշանիկ Կազբենցեանին 180 ր. վարձու:»

Փողովրդի գործիչները ամբողջ հասարակութեան ուշադրութիւնը լարել էին դէպի դպրոցական յատուկ շէնք ունենալը: Այս 18-ն հոկտ. 1890 թ. ծի. ժողով կազմելով ընտրում են 1) Արժ. Ա. քահ. Շիխնեանցին, 2) Խոջայեանց Բ. Էմ., 3) Գէորգ Խաղիկիանին, 4) Կարապետ Շալամեանին, 5) Յակոբ Եարմ-Ազայեանին: «Ի պաշտօն հոգաբարձութեան նորակառոյց եկեղեցական տան. յանձնեմք նոցա գործ շինութեան:» Այս մակազրութեամբ հոգևոր իշխանութիւնը շինարար յատուկ յանձնախումբ է կազմում:

Հոգաբարձութեան մի այլ գրութիւն, վիճակային կօնսիստորեայի № 1357 թղթին պատասխան առաջնորդին ուղարկւած յայտարարութիւնից երկում է, որ «Հինութիւն գործական տան սկսեալ է ի 6 ապրիլի և շարունակի ամենայն աջողութեամբ և յետ երկուց եօթնեկաց ծածկեացի զյարկ շինութեան բոլորովին և մինչեւ ցուեպեմբեր ամիսն տեան յաջողութեամբ աւարտեացի միմիայն ներքին յարկ շինութեան ի ներքուստ, ուր և զետեղիցին դպրոցքն, իսկ շինութիւն վերին յարկին ի պատճառս սղութեան նիւթական միջոցաց յետաձգի մինչ յյառաջիկայ դարուն:

ԳՐԱԴԱՐԱՆԻ ՍԿԻՋԲԸ. — 1890 թ. գեկ. 7-ին առաջնորդի հոգաբարձութեան գրած առաջադրութիւնից իմանում ենք: «Բարեկրօն Արքահամ քահ. Շիխնեանց ի յայտարարութեան իւրում, ի 27-ն նոյեմբերի տարւոյս ընդհամարաւ 51, որ յանուն մեր գրէ զիետեսեան:» «Որպէսզի մարդացայց տարածել լգմայրենի գրագիտութիւն և ընթերցաւիրութիւն ի շրջանի հայ հասարակութեան քաղաքիս ի բազում ժամանակաց հետէ գուն գործեցի վասն

հիմնելոյ աստ ի Պետակորսկ քաղաքի գրադարան ի հայեցն գրեանց, սակայն ստիպեալ ինչ յինչ ձախող հանգամանաց ոչ կարէի ի կատար ածել զբարի դիտաւորութիւն իմ, մանաւանդ գտանէին անձինք, որք խոչնդոտք հանդիսանային գործոյն: Ի մեռանելոյ Գրիգորի Աթարէկեանց կարեոր վարկայ սիրաշահ բանիւք յորդոր կարգալ ժառանգաց նորին՝ զի զյիշատակ հօրն իւրեանց անմահաւցին դրամական նւիրօք որպէս վասն ուսումնարանի նոյնպէս և գրադարանին, նոցա ունկն ետեալ բանիցս նուիրեցին մի հարիւր ըուբլի յօգուտ ուսումնարանի և քասն հինգ ըուբլի վասն գրադարանի, իսկ տիկին թ. Իզմիրեանց, որ է զուտար հանգուցելոյն նուիրեաց յօգուտ գրադարանի յիսուն ըուբլի: զՎերոգրելոցն հոգաբարձութեանդ, պատիրեմք դմին սահմանել գրադարան համաձայն 35 յօդուածոյ կանոնաց եկեղեցական-ծխական ուսումնարանաց մերոց:» Այդ 75 ըուբլիով կենտրօնական գրավաճառանոցից զբքել է բերել տրում և գրադարանի հիմքը դնուում: Նորակառոյց դպրոցում ժողովական միաձայն որոշումով կախւում է Խաչիկ Թամանեանի պատկերը, որպէս բարերարի:

1890 թ. սեպ. 1-ից 1891 թ. սեպ. 1-ը մուտք եղել է 5089 ր. 49 կոպ., նոյն ժամանակամիջոցում ծախք եղել է 1406 ր. 70 կոպ.: Առ ձեռն մնացել է 3682 ր. 79 կոպ.: 1891—92 թ. ուսուցչական խումբը կազմւած է երեք հոգուց: Աւագ ուսուցիչ Ար. քահ. Շխինեանց կը օն է աւանդել 100 ըուբլի սոճիկով, Գրիգ. Տէր-Յովհաննէսեան հայոց լեզու, թւար., 500 ր., օր. Ա. Տէր-Յովհակիմեանց ուսու. լեզու և ձեռագ. 180 ր.: Դպրոցը միացրւած է և սովորել են տղաներ՝ ա. բաժ. 10, թ. 15: Օրիորդներ՝ տ. 5, թ. 6. միասին 36: Ուսումը սկսւել է սեպ. 1-ին, օրհնուել է նորակառոյց դպրոցական շէնքը, որի առթիւ առաջնորդը հեռազրում է.—«Շատ եմ ցաւում, որ դպրոցական շէնքի օրհնութեան ներկայ գտնուել չեմ կարող, օրհնում եմ սիրածս հօտին, մաղթում հոգաբարձութեան, դասաւուներին շարունակել իրանց ջանքը յօգուտ մատաղ սերնդի կրօնական և բարոյական դաս-

տիարակութեան:» Գէորգ Եպիսկոպոս:

Մուտք եղել է նոյն աղբիւրներից 4751 ր. 53 կ. ծախք նոյն ժամանակամիջոցում եղել է 1287 ր. 15 կ առ ձեռն մնացել է 4464 ր. 38 կոպ.:

1892 թ. փետր. 27-ին, հայր Շխինեանց դպրոցի գրադարանին նւիրում է 72 կտոր գիրք: Նոյն ամսաթւով գրադարանին նւիրել է զբքեր նաև Սարգիս Դաւթեան Մելքոնեանցը: Դպրոցի համար գնել են զբքեր և աշակերտական պիտոյքներ 52 ր. 81 կոպ., գնւած են երկու պահարան 39 ր. 43 կ.: մարմնամարզութեան համար ձողեր 5 ր. 50 կ.: 1892 թ. յուլիսի 8-ին, հոգաբարձութիւնը իր № 5 զրութեամբ, յանուն առաջնորդի, մանրամասն նկարագրելով դպրոցական շէնքի թերի մնացած մասերը յայտնում է, որ 700 ր. մասնաւոր մարդկանց պարտք ունի վերցրած և 1000 ր. առանձին տոկոսով, յոյս ունենալով նւիրաբերութեանց օգնութնամբ վճարել: Որովհետեւ տեղիս նւիրաբերութեամբ և եղած եկամուտներով անհնար է վճարել:» Խնդրում է հոգաբարձութիւնը անցեալ տարւայ օրինակին՝ այս տարի ևս թոյլատրել Ար. քահ. Շխինեանցին ժամանակամիջոցութեան ելնել, այժմ նոր նախիջեան և Բօստով: Միենոյն ժամանակ ինդրում են միջնորդել Բեսարաբիայի թեմի Սրբազն առաջնորդին, թոյլատրել իր թեմում ժողովարարութիւն անելու:

Այս գրութեան սրբազն առաջնորդը անմիջապէս պատասխանում է, որ նա կարող է միմիայն իր թեմի քաղաքներում ժողովարարութիւն թոյլ տալ և առաջարկում է հոգաբարձութեան յիշել քաղաքների անուններ, որ կարգադրութիւն անի: Հոգաբարձութիւնը դեկ. 2-ին գրութիւնով առաջնորդից խնդրում է թոյլատրելու վլագիկաւկազ, Մոզգոկ, Արմաւիր և եկամերինօդար քաղաքները գնալ: Գործերից երեսում է, որ հ. Շխինեանցը Արմաւիրից բերել է 308 ր. իսկ 12 օրւայ ընթացքում ճանապարհի և այլ ծախքեր արել 23 ըուբլու չափ:

Հոգաբարձութիւնը մատեանով ստացել է 9-ն յունիսի Գէորգ Անանեանից և ամուսնուց 100 ր., Բաղդասար Էմ. Խոջայեանից 200 ր., Մինաս Արեանից 15 ր., Ցով-

հաճնէս Արէլեանից 15 ր., Գէորգ Մանդալեանից 200 ր., տիրունի Վէքիլեանից 50 ր.:

1892—93 թ. ուսուցչական խումբը բազկացած է հետակեալ անձերից.—Աւագ ուսուցիչ Ար. քահ. Շխինեանց աւանդել է կրօն, վայլչագ. 20 դաս 100 ր.: Գրիգոր Տէր-Յովհաննէսեան, հայոց լեզու, թւաբ., երգեց. 29 դաս 500 ր., օր. Ս. Տէր-Յովհակիմեանց գծապը. և ձեռագործ. 180 ր., օր. Շ. Կաղբինեանց ուուս. լեզու 13 դաս 240 ր.: Տղաներ ա. բաժ. 9., բ. 2, գ. 5: Օբիորդներ ա. բաժ. 3, բ. 4, գ. 5. միասին 28: Դպրոցի պահպանութեան միջոցները.—ա) Պարտաւորական տուրք 396 ր., բ) եղեղեցուց 300 ր., գ) դպրոցի վերին յարկի բնակարանից 180 ր., դ) գպրոցի անւան գանձանակից 77 ր. 26 կ., ե) թոշակ աշակերտութիւնից 145 ր. ամբողջ մուտքը եղել է 1128 ր. 26 կ.:

Ծախք նոյն ժամանակամիջոցին 1165 ր. 65 կ. պակասում է 37 ր. 39 կոպէկ:

1893 թ. դեկ. 2-ին, հոգաբարձութիւնը առաջնորդին ուղարկած յայտարարութեան մէջ առաջ է բերում մի շարք հանդամանքներ, օրինակ. որ Մողղոկի հասարակութիւնը բացի մի քանի մեծատուն վաճառականներից կազմւում է երկրագործ և շքաւոր դասից և որ երկաթուղու գծից հեռու լինելով, մեծ ծախք կպահանջւի և միւս կողմիցն էլ շատ անգամներ այդ քաղաքը ժողովարարութեան գնացողները յաջողութիւն չեն գտել. խնդրում է թոյլատրել Մողղոկի փոխարէն Եկատերինողար քաղաքը ուղարկել հ. Շխինեանցին ժողովարարութեան:

Առաջնորդը յարդում է հոգաբարձութեան ինդիրը և հայր Շխինեանց գնում ու հաւաքում է 402 ր. Այդ ժամանակները Խոջայեանը կօնսիստոր է ուղարկում իր հրաժարականը: 1893 թ. 26-ին յունիսի, կօնսիստորեան չընդունելով Խոջայեանի հրաժարականը, անդում է լրացնել երեցփոխանութեան եռամեայ շրջանը, որ լրանում է 21-ն միետք. 1894 թ.: Խոջայեան առաջնորդին դիմելով, կըրկնում է իր հրաժարականը հոգաբարձութիւնից, որին առաջնորդը ո. էջմիածնից պատասխանում է.—«Որովհետեւ

երեցփոխանը հոգաբարձութեան անփոփոխ անդամն է, ուրեմն և չեմ կարող արձակել Զեզ հոգաբարձութեան անդամութիւնից:» համոզում է պաշտօնավարել գոնէ մինչեւ իր Յամեայ շրջանի լրանալը:

Դպրոցական շէնքի ծախքը ծածկելու համար հոգաբարձութիւնը ստացել է.—Կարապետ Շալամեանից 100 ր. Գէորգ Խաղիզեանից 25 ր., Դ. Գրիգորյեանից 100 ր., Ար. քահ. Շխինեանից 25 ր., Վ. Սէֆերեսնից 100 ր., Յ. Բաբայանից 100 ր., Գ. Պապովեանից 25 ր., Պ. Գուրջեանից 25 ր., Վ. Կոստանդեանից 20 ր., Ղ. Սվենիկեանից 300 ր., Մ. Կոստանյեանց 100 ր., Դ. Եարմ-Աղայեանց 30 ր., Յ. Աթամանեանց 50 ր., Ա. Բեղբերեանց 30 ր., Ք. Ղասսարեանց 30 ր., Յակովլի Ս. 20 ր., Մ. Սարուխանեանց 20 ր., Յ. Կալէսիկեանց 25 ր., Ա. Մելիք-Մարգսեանց 25 ր., Պ. Բուռնազեանց կամաւոր ստորագրութեամբ հաւաքել է 131 ր., Ի. Թելինեանց 50 ր., Եկատերինողարում հաւաքում է 492 ր., Ղզլարի վաճառական Խվան Զուրաբեանից 50 ր., Դ. Պապովեանից 25 ր., տիկ. Տիր. Քարասուկեանից 100 ր., Տ. Պապովեանից 30 ր., Եղբ. Թորոսեանից 40 ր., Ն. Ժամհարեանից 50 ր., Զ. Նազարեկեանից 25 ր., Ա. Հայրապետից 50 ր., տիկ. Հ. Պողոսեանից 50 ր., տիկ. Մ. Սէֆերեանից 25 ր.

Ընդամենը 2268 ըուբլի:

1893—94 թ. ուսուցչական խումբ.—Աւագ ուսուցիչ հայր Շխինեանց նոյն դասերով 200 ր. ոոճ., Գրիգոր Փիրջանեան-Թառումեանց հայոց լեզու, թւաբ. 28 դաս 550 ր. ոոճ., օրինրդ Ս. Տէր-Յովհաննէսեան ուուս. լեզու, գծապը. և ձեռագործ 22 դաս 360 ր. ոոճ.: Խառն դպրոցում—աշակերտաշակերտունի ա. բ. և գ. բաժանմունքներում միասին 22: Դպրոցի պահպանութեան միջոցները. Պարտաւորեալ տուրք 430 ր., Եկեղեցուց 300 ր., գանձանակից 76 ր. 25 կ., նուէներ 41 ր., դպրոցի վերին յարկից 325 ր., թոշակներից 186 ր. ընդամենը մուտք 1428 ր. 25 կ.: Նոյն ժամանակամիջոցում ծախք՝ 1278 ր. 20 կ.: Մուռւմ է առ ձեռն 150 ր. 5 կ.: Պասագրքերի և ձեռագործի իրերի արւած է 27 ր. 40 կ.:

Հայլ Շխինեանց սկզբում հրաժարվում է աւագութիւնից, սակայն և զիջանելով հոգաբարձութեան դիմումին կրկին ընդունում է։ Խոջայանի ժամանակը լրանալով ընտրութիւն է կայանում և վերընտրում է կրկին ինքը, որի պաշտօնավարութեան ժամանակը լրանալու է, ինչպէս նկատում է կօնսիստորեան 1897թ. 21-ին փետր.։

1894—95թ. ուսուցչական խումբ. — Աւագ ուսուցչի Սիմէօն Մխիթարեանց հայոց լեզու, թւար. 600 ր., վարժուհի Աչակեանց ոռու, լեզու, գծագր. ձեռագ. 120 ր.: Երկու միացեալ դպրոցներում սովորել են տղաներ՝ 14, օրիորդներ՝ 22, միասին 36: Առաջինից փոխել են 8 տղայ, 5 օրիորդ, մնացել է 8-ը, հեռացել 1-ը։

Դպրոցի պահպանութեան միջոցները. — Պարտաւորեալ տուրք 390 ր., եկեղեցուց 300 ր., թոշակներից 247 ր. 50 կոպ., դպրոցի օգտին գանձանակ 81 ր. 25 կոպ.: Էնդամենը 1018 ր. 75 կոպէկ, կողմնակի մուտք 150 ր. 5 կոպ.: Ծախք 1078 ր. 64 կ.: Մնում է առ ձեռն 90 ր. 16 կ.: Պարտք վճարւած է գանձան մարդկանց 175 ր.։

1895—96թ. ուսուցչական խումբ. — Աւագ ուսուցչի Սիմէօն Մխիթարեանց 28 դաս 700 ր. ոռն., օր. եղ. Յովհաննէսեան Աչակեանց ձեռագործ, վերակաց. 120 ր., էմանուէլ Բ. Խոջայեանց գծագր. ձրի, Արշակ Աւետիսեան երգեց. 4 դաս 80 ր., Զաքարեա Մելիք-Ամիրզագեանց մարմնամարզ. ձրի. Ստեփան Տէր-Աւետիքեան ոռու. լեզու 8 դաս 200 ր. ոռն.: Տղաներ ա. բաժ. 15, բ. 6: Ըրիորդներ ա. բաժ. 8, բ. 4. միասին 33:.

Դպրոցի պահպանութեան միջոցները մնացած են ըստ անցեալ տարւայ և եղել է 1500 ր.: Ծախք ուսուցիչներին 1000 ր., դպրոցի ծառային 120 ր., դիւնանական ծախքերի 30 ր.: Էնդամենը 1400 ր.։

«Դպրոցի անապահով վիճակը աչքի առաջ ունենալով խորհուրդը որոշեց պահպանել թոշակների նախկին չափը. 18 ր. ստանալ ուներներից, 9 ր. համեմատաբար սակաւ ունեցողներից, իսկ չըաւորներին բոլորովին ապատել»։

Հոգաբարձական կազմի ժամանակամիջոցը լրացած լինելով ընտրութիւն է կատարվում և ընտրութիւն էն Աբ-

րահամ քահ. Շխինեանց³, կարապետ Ստեփանեան Շալամեանց և Բաղդասար էմ. Խոջայեանց: Յակովը Եարմ-Աղայանց: Այս ընտրութիւնը հաստատվում է 1895թ. 2-ն սեպ. Մկրտիչ Խրիմեան կաթողիկոսի կոնդակով: Նոր հոգաբարձութիւնը սեպ. 1-ին, իր առաջին նիստում պաշտօնները բաժանելով հոգաբարձութեան քարտուղար հրաւիրում է ուսուցիչ Ստեփան Տէր-Աւետիքեանին և մշտական սիստերին հրաւիրում է աւագ ուսուցիչը:

1895թ. օգ. սկզբներին Պեատիգորսկ է այցելում թեմի կառավարիչ Խորէն եպ. Ատեփանէն, որը օգոստոսի 19-ին ընդհանուր ծխական ժողով է հրաւիրում:

Եկեղեցու բեմը շատ ցածր է լինում, մի աստիճանով միայն: Խորէն եպիսկոպոսի հրահանգով երկու օրից հ. Շխինեանցի ջանքերով պատրաստում է ըստ հ. եկեղեցու կանոնների:

Ի միջի այլ խնդիրների քննւում է տիկին Ալէքսանդրա իվանովսա Կիլեմէնտովսայի առաջարկած կտակը: Յարգելի տիկինը առաջարկում է հոգաբարձութեան եկեղեցու գետնի վրայ ջնել մի եկամտի տուն, որի համար ինքը տալիս է 3000 ր. պայմանաւ, որ ցման իրան յատկացի այդ տան սենեակներից 2-ը և տրւի իրան կենսաթոշակ գարձեալ ցման տարեկան 200 ր.: Մէոնելուց յետոյ անել թաղման ծախքը համեստ տապահաքարով, որը 500 բուբլուց չպիտի անցնի: Ժողովի որոշման համաձայն անմիջապէս գրում է կօնսիստորեային և հրահանգ խընդրում լիազօրել հոգաբարձութեան տիկնոջ հետ իր կտակի համաձայն նօտարական կարգով պայման կտակելու:

Կօնսիստորեան պատասխանում է. — «Անտեղի է հօտարական պայմանաւորութիւնը, որովհետեւ կօնսիստորեան օրէնքով ճանաչւած հաստատութիւն է, որը և վաւերացրել է կտակը և հոգաբարձութեանդ հետ արած պայմանաւորութիւնը: Մնում է հոգաբարձութեանդ առանձին գրութեամբ այս տեղեկացնել աիկնոջը, որը և կլինի նորա համար ապահովութեան գիր»:

Տիկինը ապրում է ըստ ամենային գոհ և խոր ծերութեան մէջ մեռնում ու թաղում հոգաբարձութեան

միջոցներով, վայելյուշ կերպով։ Այժմ այդ առևնը բեշում է տարեկան 380 ր։ Մինչ այդ հոգաբարձութեան անդամները պաշարւած են եղել, առանց բացառութեան շինարարութեան ողով, ուսումնական մասը թողնելով ուսուցչական խմբին։ Նորընտիր հոգաբարձութեան արձանագրութիւնները թերթելիս տեսնում ենք, որ ժողովների նիւթ են առնւած գպրոցը թէ անտեսական և թէ ուսումնական մասով։ 1895 թ. հոկ. 11-ի նիստում հոգաբարձութիւնը ընտրում է մի յանձնախումբ գպրոցի կարիքները և գրադարանի վիճակը քննութեան առնելու և խորհրդին զեկուցանելու։ Ընտրում են խորհրդի նախադահ հայր Շինեանցը, ուսուցիչներ Զ. Մելք-Ամիրզադեանց և Ս. Տէր-Աւետիքեանց։ Որոշում է ամեն տարի յատուկ գումար նշանակել գրադարանի համար։ Գրքեր բերել տալիս ի նկատի առների սաների և ժողովրդեան կարիքը։ Հասարակութիւնը թեթևացած գպրոցական տան շինութեան պարագից, զբաղւած էր ներքին բարեկարգութեամբ, որ քաղաքային վարչութիւնը իր գրութեամբ երեցիոխանի ուշադրութիւնն է հրաւիրում Բազարնի փողոցի վրայ գտնուող, ամբողջ երկարութեամբ եկեղեցու պարսպի խախտած և քանդւող երկիւզալի վիճակի վրայ և պահանջ դնում նորոգել։

Մի քանի ամիս սրբազնի գալուց առաջ, հայ կանանց մէջ միտք էր հղացած «Հայ Կանանց Բարեգործական ընկերութիւն» կազմել։ Այդ մասին սկզբնական խորհրդակցութիւններում արդէն սկզբն է դրում. սակայն ժամանակի բեժիմը այնքան վստահութիւնից զրկել էր ամենքին, որ սոքա էլ երկիւղ են կրում կամնօնադրութիւն ներկայացնելով, ընկերութեան թոյլտութիւն ստանալ։ Խորէն եպիսկոպոսը խրախուսում է աներկիւղ աշխատել և օրինական ճանապարհով ընկերութիւնը անպայման հաստատել տալով գործի անցնել։

Եպիսկոպոսի հեռանալով նորակազմ հայ կանանց ընկերութիւնը մնում է սկզբնական անկերպարան վիճակում։

Կանանց Բարեգործական ընկերութեան վարչութիւնը

երկիւղ կրելով, որ գեռ չհաստատւած կազմակերպւել է, սիրտ չի անում գիմել կառավարութեան և ընկերութեան հաստատութիւնը խնդրել։ Այդ օրերում խուզարկութիւն կատարւելու շառական մասով է տարածում, որի երկիւղից այրում են թղթերը իսկ փողերը Բազար վարդապետի խորհրդով յանձնում են ծխական հոգաբարձութեան, որը քաղաքային վարչութեան պահանջը ի նկատի առնելով որոշում է, փոխանակ 1000 ր. ծախսելով պարիսպը միայն վերանորոգելու, ծրագրել այդ փողոցի վրայ երկյարկանի տուն շինելու, ներքին յարկը խանութիւնը կանանց տւած մօտ 1800 ր. հասրաւորութիւն է տալիս անմիջապէս սկսելու շինութիւնը։

1896 թ. յուլիսի 2-ին, հոգաբարձութեան նախազան հ. Շինեանց արձակում է հոգաբարձութեան անդամութիւնից, Յակ. Ստեփ. Աղայեանց հրաւիրում է հոգաբարձական նիստերին, իսկ Խոջայեան նշանակում է պաշտօնակատար հոգաբարձութեան նախազանի։

Մեր կոչին պաշտօնավարած անձանց «իրանց շրջանի մասին գրել» մեծ. պ. Ստ. Տէր-Աւետիքեանի գրածը հետաքրքրական է, որը և դնում եմ։

«Կարեոր եմ համարում մատնանշել Կովկասի պետական գպրոցների շրջանային հոգաբարձու կիրկ Պետրովիչ Եանովսկու այցելութիւնը և մանրազնին վերստուգումը այն տարին էր (1896 թ. սկզբներին), երբ հայ գպրոցները փակւեցին կառավարութեան կարգադրութեամբ։ Եանովսկին գալով Պետակիորսկ ու իմանալով, որ հայոց ծխ. գպրոցը գեռ չէ փակւած, սաստիկ զժգոնութիւն է յայտնում ու կարգադրում է տեղական ուստիկանութեան միջոցով անյապաղ փակել գպրոցը (Կովկասի բոլոր հայ գպրոցները այդ ժամանակ փակւած էին արդէն)։ Նորանուգեղող վերատեսուչ Գրուշեսկին (թերեքեան շրջանի պետական ժողովրդական գպրոցների դիրեկտորը), որը միշտ լաւ կարծիքի էր Պետակիորսկի հայոց ծխ. գպրոցի մասին, խնդրում է նորան նախ այցելել գպրոցը ու յետոյ ի կատար ածել իր հրամանը, Եանովսկին յարգում է նորա խնդիրն ու այցելում։ Երբ եկաւ գպրոց, շատ վատ

էր արամագրւած ի հարկէ, բայց վերսառուգումից յետոյ բոլորովին փոխւեց, միանգամայն դոհ մնալով դպրոցի կրթական դաստիարակութեան մասից: Նորա արամագրութեան վրայ էական ազգեցութիւն գործեց ոռուսաց լեզուի դաստութեան արդիւնքը՝ թէ բերանացի և թէ զրաւոր, վերջինս առաւելապէս: Վերջին բաժանմունքում, ուր ես պարապում էի նորա այցելութեան ժամին, նա բերանացի վերսառուգումից ու գրաւորներն ուշի ուշով դիտելուց յետոյ, դարձաւ իր ուղեկիցներին և մեր հոգաբարձուներին ու ասաց հետեւեալ. (նորա ասածը բերում եմ բերանացի. չեմ մոռացած). — «Եթէ բոլոր հայ դպրոցներում այսպէս դասաւանդւէր ոռուսաց լեզուն ու այսպիսի վերաբերմունք լինէր դէպի այդ կարենորագոյն առարկան, դէպի պետական լեզուն, նրանք երբէք չէին փակւիլ, հաւատացնում եմ Զեզ, շատ ու շատ հայ դպրոցներում ես նկատել եմ, ոչ միայն ոռուսաց լեզուի վատ դասաւանդութիւն, այլև վատ արհամարհական վերաբերմունք դէպի նորան, որն աւելի ցաւալի ու դասապարտելի է.»

Այդ չպէտք է վերագրել միմիայն իմ դասաւանդութեանը ի հարկէ, այլ և այն պայմաններին, որոնք նպաստում էին Պետակորսկի հայ երեխաներին ոռուսաց լեզուն իւրացնել մայրենի լեզուց ոչ պակաս, գուցէ և նըրանից լաւ:»

Եանովսկու այցելութեան հետեւանքը այն եղաւ, որ նա ոչ միայն չփակեց հայոց դպրոցը, այլ բացառապէս իր պատասխանառութեամբ մօտ տարի ու կէս թոյլ արշեց նորա գոյութիւնը, որն ըստ մինիստրական շրջաբերականի անկարելի բան էր: Պետակորսկու հայ հասարակութիւնը իմ օրօք միշտ լաւ վերաբերմունք է ցոյց արշել դէպի մայրենի դպրոցը ու միջոցներ չի ինայել նորա բարգաւաճման համար: Առանձին անհատներից աշքի են ընկել (իմ օրօք իրենց սրտացաւ վերաբերմամբ դէպի դպրոցը պականդ. Բաղդ. Խոջայեանց, Ղաղարոս Սվէջնիկեանց, Կարապետ Շալամեան, Դաւիթ Գիւրջեանց, Մղամարդկանցից կան և մի քանի ուրիշները, որոնց տարաբաղգաբար չեմ յիշում. իսկ կանանցից տիկին Մարիամ Շալամեա-

նը, օր. Հեղինէ Խոջայեանը և տիրուհի Շիխնեանցը,

Տարին անցել է խաղաղ, հոգաբարձական կազմը և ուսուցչական խմբերը գործել են համերաշխութեամբ, դպրոցը հետաքրքիր է եղել ամենքի համար: 1896—7 Ուսուցչի խումբը, — Աւագ ուսուցիչ Գ. Սուքիասեանց, դաստուներ՝ օր. Եղ. Յովհաննէսեան Աշակեանց, Ն. Տ. Յովհաննէսեանց, Արշակ Աւէտիսեանց: Տղաներ ա. բաժ. 10, բ. 10, գ. 4: Օրիորդներ՝ ա. բաժ. 6, բ. 7. միասին 37:

Դպրոցի պահպանութեան միջոցները նոյնն են, հաշւած 1896 թ. սեպ. 1-ից մինչև յունիս եղել է 1301 թ. 21 կ.: Նոյն ժամանակամիջոցում ծախք եղել է 1314 թ. 9 կոպէկ, պարտք մնացել է 12 թ. 84 կոպ.:

1896 թ. 14 օգ., աւագ ուսուցիչ Սիմէօն Միկիթարեանցի տեղ, որը տառապում էր հիւանդութեամբ, աւագ ուսուցիչ է նշանակում Գէորգ Սուքիասեանը: Միկիթարեանին լքւած չթողնելու համար առաջնորդ Արիստակէս արքեպիսկոպոսը հրահանգում է նշանակել մասնաւոր նըպաստ, իսկ միջոցներ չլինելու դէպքում ուսուցչական խումբը նրա օգտին ներկայացումներ կազմակերպի կամ հանգանակութիւն անի:

Նոր տարւայ առթիւ տօնածառ է պատրաստւում, ուր հասարակութիւն չի գնում, որի առթիւ առաջնորդը աւագ ուսուցչից բացատրութիւն է պահանջում, թէ «ինչու հասարակութիւնը չի յաճախել, սառնութեան պատճառն ինչ է:» Յայտնի չէ ինչ է պատասխանել աւագ ուսուցիչը, գործերում չկայ: Ուսումնական տարին վրդովել է մի հանգամանք, որ չնայելով աւագ ուսուցչի քանի անգամ ազդաբարութեան երգեցողութեան ուսուցիչ Արշակ Աւէտիսեանը երեխաներին ծեծելուց ձեռք չի վերցնում, որի առթիւ առաջնորդը յունւարի վերջին գորւմ է նոգաբարձութեան. — Աւագ ուսուցիչ դպրոցացդ ի 18-ն յունւարի տարւոյս, ընդ համարաւ 2, ծանուցանէ մեզ, զի ուսուցիչ երգեցողութեան Արշակ Աւէտիսեանց հակառակ խիստ արգելման ապահովէ զաշակերտաւ:» Այսուհետեւ նկատում է, որ այդպիսի գէպքերի քննութիւնը պէտք է նախ հոգաբարձութիւնը կատարէ, ուստի յանձնում է քննել և

«ի յայտ ածել, երբ և զորս յաշակերտաց ապահովեալ է հակառակ արարելոց ինքեան ազդարարութեան և եղելոց արգելման հակամանկավարժական վարժմանց և ապա յայտ առնել մեղի անօրինութիւն»:

1897 թ. փետ. 7-ին, հոգաբարձութիւնը քննում է և իր եղբակացութեան հետ առաջնորդին յանձնում ի անօրինութիւն։ Նոյն թիւ, մարտի 8-ին ուսուցիչը արձակւում է պաշտօնից։ Պեատիգորսկի ծխական գպրոցը գեռ խլած չէր և դիրեկցիան հոգաբարձութեան չէր խանդարում դպրոցական և կալւածական գործերը վարելիս։

Առաջնորդը ի նկատի առնելով շատ աեղերում պատահած թիւրիմացութիւնները դիրեկցիայի և հոգաբարձութեանց միջև 1897 թ. յունիսի մէջ կարգադրում է գպրոցների բացման և ուսուցիչների հրաւիրման կարգադրութիւնների չափանիկեան։

Հոգաբարձութիւնը տեսնում է, որ անխուսափելիորէն ծխական գպրոցը անցնում է իր ձեռքից և իրան շատ քիչ բան է մնում անելու, գործել ձգտող հոսանքի հետ դառնում է կրկնի գէպի եկեղեցու թերութիւնների լրացման խնդիրը։ Նոյն թիւ, յունիսի 27-ին, երեցփոխան Դաղարոս Սվէնիկեանց կօնսիստորեային գրում է, որ նոր հասիթիշեանցի Մարտիրոս Կոստանյեանց և Դօվլաթ Աւանեանց ցանկանում են շինել օրինական ճանապարհով, ճարտարապետի ցուցմունքով, իրանց ծախքով եկեղեցու թերի մնացած մասերը։ Կօնսիստորեան անմիջապէս թոյրատրում է։ Նոյն թիւ հոկ. 5-ին, չփակւած դպրոցների վերաբերմամբ առաջնորդը պատվիրում է երեցփոխանին ուսուցիչ հրաւիրել և ուսումնարանական վարչութեան գիտութեամբ գլորց բանալ։

Պէտք է նկատել, որ Պեատիգորսկի ծխական գպրոցը մինչև տարւայ վերջը չփակւեց և ուսումնարանական վարչութիւնը բաւականանում է պաշտօնական տեղեկութիւններ առանալով, մանաւանդ նորանց կարգադրութիւններին չէին կանխում հոգեւոր իշխանութեան միջամտութիւնները։ Հոգաբարձութիւնը, որ սկզբում մատացոյց էր

անում աեղեկութիւններ ստանալ առաջնորդից, յետագայում ըստ ամենայնի կատարում է դիրեկցիայի պահանջները։ Ուսուցիչ հրաւիրելու ինդիրն էլ յարգելու համար հոգաբարձութիւնն կողմից հ. Շիխնեանց և Ղ. Սվէնիկեանց գնում են Վլադիկաւկազ և դիրեկտորի հետ համաձայնութեան գալիս։

Մնում էր գլորցի խլման ձևականութիւնը կատարել և այդ անելու դիրեկցիան չէր շտապում։ Հոգաբարձութիւնը իր նախագծած շինութիւնները անելու համար անմիջապէս գործի է անցնում և հասարակութեան բացատրելով իր անելիքը, նւերներ է ստանում։ Յօգուտ շինութեան յունիսի 29-ին անյայտից ստանում է 25 բուրլի, Դանիէլ աղայ Յովհաննէսեանից 30 ր. և մասր ստացւածներ 70 ր., ընդամենը 125 ր.։

1897—98 թ. (դիրեկցիայի շրջան) Ուսուցչական խումբը կազմւում է ուսումնարանական վարչութեան հաճութեամբ և ենթարկում ժողովրդ, գլորցների տեսչին։ Զաւեղութւչի Աղ. Վիրաբեանց ոռու. լեզու, թւաբան. և գծագրութիւն։ Աբ. քահ. Շիխնեանց կրօն և հայոց լեզու, Դպրոցը ունեցել է երկու բաժանմունք միացած, աշակերտութեան թիւը որոշել գժւար է, եղել է մօտ 20։

Դպրոցի պահպանութեան միջցները, Եկեղեցուց 300 ր., ընակարանների վարձ 600 ր., թոշակներից 300 ր., գանձանակաղբամ մօտաւորապէս 80 ր. ընդամենը 1300 բուրլի։ Ծախք նոյն չափ։ Հոգացել է հոգաբարձութիւնը։ (Հոգաբարձութիւնից կար Կ. Շալամեանը, որը հրաժարած էր և մնում էր միայն երեցփոխանը, որպէս հասարակութեան ներկայացուցիչ)։ Նախահաշիւը առաջարկւած է հոգեւոր իշխանութեան հաստատել։ Ծիսկան հոգաբարձութեան գործերից։ Հոգաբարձութիւնը յօգուտ շինութեան ստացել է Դանիէլ Յովհաննէսեանից 70 ր., եղել են և ուրիշներ, մասր գումարներ տաղներ 181 ր. 50 կոպէկ. ընդամենը 251 ր. 50 կոպ.։


1898—99 թ. տղաներ ա. բաժ. 10., Օրիորդներ ա. բաժ. 4., միասին 14, 1898 թ. հոկտ. 5-ից Վիրաբեանց դիրեկցիայից հաստատում է գաւեղութւչի։ Նոյեմբերի

21-ին Ար. քահ. Շխինեանց հաստատում է կրօնուսուցչի պաշտօնում։ Այդ թւի դասացուցակից երեսում է, որ աւանդւել են՝ կրօն, հայոց լեզու, ոռւսաց լեզու, թւաբանութիւն, գծագրութիւն, երգեցողութիւն և վայելչագրութիւն։ Երկու բաժանմունք է, միացած։ Նոյեմբ. սկզբներին դիրեկտորը հրահանգում է 8 տարեկանից փոքրերին չնդունել դպրոց։ Դպրոց այցելում է ժողովրդական դպրոցների դիրեկտորը։ Լսում է ա. բաժ. թւաբ. և ոռւսաց լեզու, գոհ է մնում։ Խորհուրդ է տալիս թւաբանութիւնից անցնել 1—10 շրջանում։ Եղել են 15 աշակերտաշակերտունի։ 6 ապրիլի 1899 թ. այցելում է ժողովրդական դպրոցների ինսպեկտոր Զիշինաձէն։ Նա նկատողութեանց զրքում գրում է, դպրոցը բացւել է 1898 թ. հոկտ. 2։ Բաւական մնալով դասաւանդութիւնից՝ հեռանում է։

Ռխական հոգաբարձութեան գործերից.—1899 թ. յուլիսի 25-ին, եկեղեցու բակում ժողովւել է 125 ր. 77 կոպէկ, յօդուա շինութիւնների, որ նախագծւել և սկսւած էր։ 1899—900 թ.—Ուսուցչական խումբը նոյնն է։ Երկու, միացած երկու բաժանմունքներում սովորել են 30 երեխայ։ Դպրոցի ծախքը հոգացել է հոգաբարձութիւնը։

Ռխական հոգաբարձական գործերից.—1900 թ. 26 փետր. ծխական ժողովը Բազարնի փողոցի վրայ գտնուող եկեղեցապատկան խանութիւնների շինութեան և եկամտի հաշիւնները քննելով, պարտք վճարելը լիազօրում է երեցփոխան Սվէջնիկեանին—եկամտից։ Կօնսիստորիայի մի այլ կարգադրութեան դէմ, որտեղ պատւիրում է եկեղեցական կայքերի գրաւման դէպքում դատարանով յետ առնել։ Հոգաբարձութիւնը գրում է, որ ուսումնարանական վարչութիւնը ոչ մի երպ չի խանգարում եկեղեցական դպրոցական գոյքերը կառավարելում։

1900 27 ապրիլի կօնսիստորեայից գրում է երեցփոխանին, որ թէև եկեղեցական կալւածքները կառավարելում ուսումնական վարչութիւնը չի խանգարում, սակայն դպրոցական գոյքերը ցուցակագրելիս վերատեսուչ Զիշինաձէն, որ եկեղեցական տներն ևս առել է ցուցակի մէջ, միայն դատարանով կարելի է եկեղեցուն դար-



Արքահամ քահ. Շխինեանց։



Նախկին դպրոցը։

Ճնել։ Ուրեմն և աշխատել այդ մասին մնում է երեցփոխանին։

Երեցփոխանը արդէն առաջուց, 24 մարտի 1899 թ. կօնսիստորեայից սասացել էր լիազօրութիւն ուսումնարանական վարչութեան հետ դատ վարելու։ Նոյն թւին, 12 նոյեմբ. կօնսիստորեան երեցփոխանից հարցնում է դատի ինչ վախճան ստանալու մասին։ Երեցփոխանի դատավարութիւն սկսելու գրագրութիւնների հետևանք—դիրեկցիան սկսում է հոգաբարձութեան սառն վերաբերւել։ Դիրեկտորի առաջազրութեան համաձայն զաւեղութւշին ի հաստատութեան է առաջարկում Գէորգ Մանդալեանցին պատւաւոր հոգաբարձւի պաշտօնին։ Մարտի 27-ին 1900 թ. ինսպեկտորը յայտնում է, որ նահանգապետը հաստատել է այդ ընտրութիւնը։ Մանդալեանց զաւեղութւշու միջոցաւ իր պարտականութիւնների և իրաւունքների մասին պարզաբանութիւն է խնդրում։ Գուցէ եղել է պատասխան հրահանգ, սակայն չկայ գործերում։

Հոգաբարձութեան դերը դպրոցում բոլորովին վերջացած էր պատւաւոր հոգաբարձւի հաստատելովը և ահա 1900 թ. 9 յունիսի, ծխական ժողովին երեսփոխան Ղազարոս Սվէշնիկեան ներկայացնում է մի նոր առաջարկ։ Եկեղեցու նոր շինուած խանութների վրայ շինել բնակարան, մանսաւանդ, որ արդէն իսկ վարձու վերցնող կայ։

Ժողովը ընդունում է երեցփոխանի առաջարկը, ընտրում շինարար յանձնախումբ հետևեալ անձինքներից։ Ղազարոս Սվէշնիկեանց, Դաւիթ Գիւղջեանց, Գէորգ Մանդալեանց, Կարապետ Շալամեանց և Ռուբէն Նազարէթեան կոստանեանց և լիազօրում գլուխ բերել։

Շինութեան գործը կանոնաւոր առաջ տանելու համար շինարար յանձնախումբը լիազօրում է Սվէշնիկեանին բանկից, կամ ումից կարող է զրամ վերցնի։

Դրւել էր և գմբէթի վերանորոգութեան խնդիրը, որի համար և հաւաքւել է 1900 թւին հոգաբարձութեան ջանքերով—16 յուլիսի, Արշակ Ղուկասեանց 25 ր., անյայտ ոմն 50 ր., շամախեցի Միքայէլ Աւագեանցից խաչի կամ զանգակատան համար 150 ր., Եկատերինա Շու-

մախերից 25 ր., Եղիսաբ. Պապովեանց 25 ր., Զաւադ Տէր-Իսրայէլեանց 25 ր., Եղիշէ Նաբաթեանց 100 ր., Յարութիւն Աղամեանց 50 ր., Տիգրան Կրասիլնիկեանց 30 ր., Աղաջան 25 ր., անյայտ ոմն 50 ր., տիկ, Բուղաղեանց 20 ր., Արսէն Կրասիլնիկեանց 100 ր., բժիշկ Լ. Քամոյեանց 25 ր. ընդամենը 700 ր.:

1900—901 թ. ուսուցչական խումբը նոյնն է: Ունեցել է երկու բաժանմունք, խառն երեխաներ մօտ 30, ծիշտ որոշել հնար չէ: Դպրոցի ծախքը հոգացել է երեց փոխանունը:

Հոգաբարձական գործերից.—1901 թ. 21-ին փետր. «ըստ հրամանի Սինօդի և. էջմիածնի, ի 13-ն փետրարի 1871 ամի փոխարինաբար տւեալ է զ5000 ր. ի գրամաց Եկեղեցւոյն Գէորգևսկի, ի շինութեան Եկեղեցւոյն Պետախիորսկի ըստ պարտաւորական գրոյ 35 անձանց:» Կօնսիստորեան այս անցքը յիշեցնելուց յետոյ, Գէորգևսկի հասարակութեան պահանջի հիման վրայ հրամայում է մաս առ մաս տալ, շեշտելով, մանաւանդ Գէորգևսկի Եկեղեցին նորոգութեան կարիք ունի:» (Գէորգևսկ Եկեղեցուց 500 ր. ստացել է 1870—71 թ., որի համար պարտաւորագիր չկայ: Այստեղ յիշւած պարտաւորագիրը պարաստել է 1875 թ. և այստեղ անցեալի մասին խօսք չկայ, հաւանական է Տէր-Մարգիսը խաղ է խաղացել Պետախիորսկեցիների գլխին՝ մնացած 5000 ր. ստանալու յուսով առնելով «պարաւանդագիր»-ը 35 անձի ստորագրութեամբ և այլիս չի տւել):

Նոյն թւի փետր. 15-ին յանձնախմբի ժողովում տեղի է ունենում նոր շինութեան ծախքի և մուտքի լրիւ հաշւէտառութիւնը, որից երեսում է. ընդամենը Եղել է ծախք 12702 ր. 22 կ. 4000 ր. բանկին, 1503 ր. 63 կ. Լէյքերովիչների երկաթեղէնի խանութին, 2850 ր. Դ. Գիւրջեանին փայտեղէնի համար, 289 ր. 70 կ. Շալամեանին, 177 ր. 50 կ. Գ. Խաղիկեանին, 3881 ր. 39 կ. Սվէնիկեանին, որ ծախսել է իր միջոցներից: Յանձնախումբը ընդունելով բոլոր ծախսերը, որոշում է յայտնել ծխական ժողովին և կօնսիստորին:

Կօնսիստորեան այս հաշիւները ստանալուց յետոյ, 16 մարտի, պահանջում է մի քանի տեղեկութիւններ և հրամայում ճիշտ ցուցակ կազմել Եկեղեցական գոյքերի և մինչև ապրիլի 30-ը ուղարկել ատեան:

1901 թ. սեպ. 18-ին կազմած շինարար յանձնախմբի արձանագրութիւնը, որից երեսում է, 1900 թ. օգ. 24-ին, ծխական ժողովի որոշումով, բանկից փող են վերցրել Սվէնիկեանց և Գիւրջեանց 4000 ր., որից մնում է 3000 ր. և խնդրում է յանձնախմբը Յ. Լ. Սվէնիկեանին մտածմաս ստանալու պայմանով, վճարել բանկի պարտի: Ստորագրել են յանձնախմբի անդամներ Գիւրջեանց, Շալամեանց և Ո. Կոստանեանց:

1901 թ. ապրիլի 28, երեցփոխան Սվէնիկեանը ներկայացնելով Եկեղեցու մակարդակը խնդրում է թոյլ տալ շինելու Եկեղեցու կաթողիկէն և զանգակատունը, յայտնելով, որ այդ նպատակաւ հանգանակւած է 900 ր.:

Կօնսիստորեան յետ է ուղարկում Եկեղեցու մակարդակի պատճէնը, ժապաւինեալ մատեան և պատփրում «առ այժմ ձեռնարկել միայն կաթողիկէն Եկեղեցւոյն և յետոյ առանց ձեռնամուխ լինելու Եկեղեցու հասոյթներին, միայն նւիրատւութիւններից ինչ որ կողյանայ նաև առանց ձեռնամուխ լինելու գրամագլխին, որի տոկոսները պիտի 5000 ի գէմ և 12000 ր. դրամատան և այլոց անձանց պարտին վճարւին:»

Կաթողիկէից յետոյ միայն սկսել զանգակատունը:

Կօնսիստորեան 16 սեպ. հրամայում է որոշակի 1500 ր. Եկամտի կէսը 12002 ր.-ի և կէսը 5000 ր.-ի գէմ վրձարւի:

1901—902 թ. ուսուցչական խմբին աւելանում է օր. Մագթ. Բչախչեանց—ուուս. լեզու: Դպրոցը Եղել է երկու, երկու միացեալ բաժանմունքով, սովորել են մօտ 30 երեխայ: Դպրոցի ծախքը հոգացել է Երեցփոխանը Եկեղեցու միջոցներից:

Երեցփոխան Ղազ. Սվէնիկեանը օգ. 22-ին վախճանում է, երեցփոխանութիւնը մինչև նորի ընտրութիւնը, ժողովրդի համաձայնութեամբ տանում է որդին Յ. Սվէ-

շնիկեանը: 1902 թ. յուն. 26-ին երեցփոխան է ընտրւում Յովսէփ Սվենիկեանը:

Յունիսի 4-ին քաղաքային վարչութիւնը երեցփոխանին յիշեցնում է, եկեղեցու պարոպի, Բազարնի փողոցի վրայ գտնւող պատի երկարութեամբ մայթելու և պարսպի շինելու անհրաժեշտութիւնը:

Հանդիպում ենք մի դէպքի, որ հոգաբարձութեան է դիմում դիրեկտօրը յայտնելով. «օրիորդ Մագթ. Բչախչեանը իր խնդրանաց համաձայն արձակւած է պաշտօնից, սրանով առաջարկում եմ հոգաբարձութեան նորա փոխարէն հրաւիրել ուրիշն:» Երեցփոխանը հրաւիրում է օր. Աւետիսեան Հազարապետեանցին:

Ինսպենկտօրը յայտնում է, որ Դաւիթ Գիւրջեան հաստատում է պատւառը հոգաբարձու դպրոցի:

Շամախեցի Նաջարեանի ծախքով շինւող զանգակատան շինութիւնը աւարտում է, որի հիւսիսային պատին կարդում ենք հետեւեալ արձանագրութիւնը.—«Պեատիգորսկ քաղաքի ս. Սահակ-Մեսրովը եկեղեցոյ զանգակատունը քաղաքի ս. Սահակ-Մեսրովը եկեղեցոյ զանգակատունը Միկաուցւեցաւ արդեամբ բագուաբնակ շամախեցոյ Միքայելի Աւագեան Նաջարեանցի ի յիշատակ իւր 1901 թ. 23 օգ:» Ամբողջ ծախքը եղել է 1780 ր. և խաչին 325 րուբլի:

1902—903 թ. ուսուցչական խումբը նոյնն է, հեռացած օր. Բչախչեանի տեղ գալիս է օր. Վ. Աւետիսեան Հազարապետեանց: Խառն և միացեալ երկու բաժանմունքներում եղել են տղ. 15, օր. 25. միասին 40:

Դպրոցի ծախքը հոգացել է երեցփոխանը և եղել է մօտ 1200 ր.: 1903 թ. օգ. 21-ին, Վեհափառ Կաթողիկոսը շրջաբերական կոնդակով հրամայում է հոգեորականներին և երեցփոխաններին կայքերի գրաւման, յանձնուներին և ստացողական գործողութիւններում չմասնակցել:

Նոյն թւի նոյեմբերի 3-ին կօնսիստորեան հրամայում է ի նկատի առնելով տեղական կարիքները, նախ վճարել մասնաւոր պարաբերը և ապա Գէորգևսկինը:

18 յունիսի 1903 թ. դիրեկցիան աշակերտական խնայողական գանձարկղի մասին տեղեկութիւն է խնդրում.

Աւագ ուսուցիչը պատասխանում է, որ «աշակերտական գանձարկղ չկայ և չի եղել»: Նոյն թւի յունւարի 19-ին բացւում է աշակերտական խնայողական գանձարկղը աւագ ուսուցիչ դեկապարութեամբ:

1903—904 թ. ուսուցչական խումբը նոյնն է: Դրաբոցը խառն և բաղկացած երկու բաժանմունքներում սովորել են տղ. 13, օր. 25. միասին 38: Դիրեկցիայի շրջանում նկատելի է մի երևոյթ, որ առաջին բաժանմունքում երեխաններին պահել են տարիներով 2, 3:

Ուսումնական տարւայ ընդ. յառաջադիմութիւնը կայ դասարանական գրքում և գնում եմ.—ա. բաժ. եղել է տարւայ սկզբում 21 երեխայ. 8 տղայ և 13 աղջիկ. տարւայ վերջում մնացել են 18 երեխայ. տղ. 7, աղջ. 11, որոնցից փոխադրւել են 5-ը, վերաբնելի են 9-ը, մնում են 3-ը. անորոշ է մնացել 1-ը: 1903 թւի նոյեմբերի ըսկզբներում դաւեղութւշին ձանձրացած գանձարկղի գոյութեամբ, գրում է դիրեկտօրին, որ «աշակերտական խնայողական գանձարկղը ընդունելութիւն չի գտնում սաների մէջ, ուստի անհրաժեշտ է այդպիսին վերացնել:» Դիրեկտօրը № 2876, նոյեմբ. 29-ին գրութիւնով պատասխանում և դիտողութիւն է անում, որ «աւելի ճիշտն աւագ ուսուցիչը չի խրախուսում գործը, քան գանձարկղը ընդունելութիւն չի գտնում:» Եւ հրահանգում է հետեւել և խրախուսել: Խնայողական գանձարկղը մնում է անգործ:

Հայր Շիխնեանցը իր ձեռներեցութեամբ բաց է անում հանգանակութիւն աշակերտութեան և հայերի մէջ, որը ի դէպս պատերազմի պիտի յանձնաւէր կարմիր խաչի ընկերութեան: Առանձին գրութեամբ այդ մասին զաւեդուիշին յայտնում է դիրեկտօրին ի դիտութիւն.

1904 թ. յունւարից երեցփոխան է ընտրւում Կ. Շահմեանցը:

1904—905 թ. ուսուցչ. խումբը.—աւագ ուսուցիչ Ա. Վիրաբեանց, կրօնուասոյց հ. Շիխնեանց: Դպրոցում տղ. 16, օր. 18. միասին 34: Դպրոցի ծախքը եղել է եկեղեցուց և հոգացւել է երեցփոխանի միջոցաւ:

Օգտում եմ գործերում մնացած մի ստատիստի-

կայից, որ և դնում եմ.—«Հայր Շխինեանց ունեցել է 150 դաս, որից պարապել է 109 դաս, բաց է թողել 41 դաս:

Դեկ. 7-ի գրութիւնից, ուղղւած դիրեկտօրին տեսանում ենք, որ նորա հրահանգի համաձայն պատերազմի համար հանգանակութիւն է բաց արել զաւեղուիւշին և գոյացել է 3 ր. 50 կ.

Դպրոցը արձակւում է մայիսի 17-ին, ըստ որոշման մանկավարժական խորհրդի, որը և հաստատում է դիրեկտիայից: Յունիսին կարապետ Շալամեանի տեղ ընտրում է երեցփոխան Դաւիթ Գ. Գիւրջեանց:

1905 թւի աշնանը, հոգեսոր իշխանութեան հրահանգով կայանում է հոգաբարձական ընտրութիւն և ընտրում են պ.պ. Մանուկ Սահակեան Բչալխչեանց, Դաւիթ Գ. Գիւրջեանց, Ք. Զաքարեան Բաշխնջաղեանց, Գ. Սուքիանեանց և Յ. Ատամանեանց: Հոգաբարձական կազմը հաստատում է առաջնորդից: Ծխական հոգաբարձութեան նոր շրջանը 1905—906 թ. ուսուցչական խումբը սկզբում կազմում է դիրեկտիայի հաճութեամբ.—Աւագ ուսուցիչ կ. Ամատունի հայոց լեզուի և թւար. տիկ. Մ. Ամատունի ուսուց լեզուի 1050 ր. (ամուսիններին): Ար. ք. Շխինեանց կրօն 200 ր., Դպրոցի երկու բաժանմունքներում սովորել են 47 երեխայ, 19 տղ. 28 աղջ.: 1905 թին հոգաբարձութիւնը դպրոցի դէկը առնելով ձեռքը առաջին հոգուն է դարձնում իր համար ուսուցչական խումբը լրացնել, որի համար հրաւիրում է օր. Դօնիկեանին, Պոպովիեանին և Տէրտիկեանին (25 նոյեմբերի):

Հոգաբարձութիւնը բաժանելով պաշտօնները և դպրոցի ու հասարակութեան կարիքները ի նկատի առնելով, ընտրում է իր միջից շինարար յանձնախումբ, որին և յանձնում է մասնաւոր գումարներով դպրոցին կից արեւելեան կողմից բեմ աւելացնել հայկական ներկայացումների համար. որի կարիքը զգալի էր, մանաւանդ, որ հայերէն ներկայացումների համար օտար բեմերը մեծ ծախքով անմատչելի են:

Հոգաբարձութեան եռանդուն գործունէութիւնը մի-

դասեան դպրոցի համար 5 հոգուց բաղկացած ուսուցչական խումբը հասարակութեան ուշադրութիւնը գրաւեցին դէպի դպրոցը, որի ապացոյցն է սոյն թւի գեկ. Յին խառն նիստում ուսուցչ. խմբի առաջարկը բանալ գ. բաժ. «որովհետեւ աշակերտութեան թիւը 40-ից բարձրացել է 80-ի և խիստ նեղւածք է»:

Նոյն ամսի 13-ի նիստում հոգաբարձութիւնը որոշում է գանձանակը վերացնել, երեցփոխանին յանձնաբարելով միայն դպրոցի օգտին գանձանակ հաւաքել, իսկ քահանային գանձանակի փոխարէն վարձատրելու խնդիրը դնել ծխական ընդհանուր ժողովում: Այս խնդիրը յետագայում ևս որքան և ժողովական որոշումներից անցել, սական թղթերը ոչ հոգեսոր իշխանութեան են ուղարկել և ոչ ուրոշումները իրականացրել: Դեկ. 27-ի նիստում դպրոցի անտեսական խնդիրներով զբաղելիս որոշում է. — Ենոագրել սրբազն առաջնորդին, կարւածների յետ ստանալու խնդիրը շատապեցնելու:

Դպրոցի պահպանութեան միջոցները.—Հոգաբարձութիւնը դիմում է նախակին աղբիւրներին: Ընդհանուր մուտքը լինում է 4900 ր., ծախքը նոյն ժամանակամիջոցում եղել է 3730 ր.: Առ ձեռն մնում է 1170 ր.: Նկատելի է, որ այդ տարրում մանկավարժական խորհուրդը, որ բաղկացած է եղել 5 հոգուց և թարմ ուժերից, որպէս մի խորհրդակցող կազմակերպւած մարմին գոյութիւն չի ունեցել: Աւագ ուսուցիչը որպէս զեկավար, զործը տարել է իր հայեցողութեամբ, ըստ հայեցողութեան կարգադրութիւններ անելով: Առաջին կիսամեեակը անցնում է մի կերպ, իսկ երկրորդ կիսամեեակի սկզբներում, իրանց պաշտօնը աւելի գիտակցող հոգաբարձութեան համար իրերի այս վիճակը մտածողութեան նիւթ է դառնում:

Աչքի են ընկնում հոգաբարձութեան ժողովների զբաղմունքներում ուսուցչական խմբին վերաբերող խորհրդակցորինները և որոշումները:

Ուսուցչական խումբը բացատրութեան է հրաւելում և յանդիմանւած ի դէմս աւագ ուսուցչի, մի քանի հակամանկավարժական կարգադրութեանց համար, յորդու-

ւում և հրահանգւում է. —ա) Անպայման ունենալ մանկավարժական նիստեր, որպիսին տեղի չէ ունենում երբէք, բ) Սահմանել փորձնական դասեր, որ առիթ տայ խմբի անդամներին մանկավարժական խնդիրների շուրջը մտքերի փոխանակութիւն ունենալ, գ) Վերացնել երեխաներին ճաշից յետոյ դպրոց բերել աշխատեցնելը, ի նկատի առնելով, այդ չափազանց ատելութիւն առաջ կբերէ նոցամատաղ հոգու մէջ և միւս կողմից քաղաքի զանազան հեռաւոր մասերից երեխաներին ահապին ճանապարհ գնալ դալը և մթնով ցրւիլը, միայն ի վաս գործի է լինում:

Սրանից յետոյ 1906 թ. փետր. 20-ին կայացած մանկավարժական ժողովի արձանագրութիւնից երևում է, — «Ժողովը որոշեց հիմնել փորձնական դասեր և առաջին փորձնական դասը տալ ուրբաթ օրը, հայոց լեզվոց բ. կամ գ. բաժանմունքում: Այդ դասը յանձն առաւ աւանդել աւ, ուս. պ. Ամասունին, որոշեցաւ փորձնական դասին հրաւիրել հոգաբարձու պ. Գ. Սուքիասեանցին:»

Նոյն թւի մարտի 6-ի ժողովում որոշվում է. — «Մարտի 18-ին, շաբաթ օրը, սարգել մանկական երեկոյին և կազմւած է ծրագիրը:

Հոգաբարձութիւնը 1906 թ. յունւարի 20-ի նիստում որոշում և առաջարկում է. — 1) Թ. Բաշինջաղեանին՝ եկեղեցական գոյքերի և ել և մտից հաշիւները պահպանել: 2) Սուքիասեանին՝ եկեղեցական ինվենտարի մատեանը պահել:

Նոյն թւի, փետր. 25-ին, հոգաբարձութեան ժողովում քննում է Յ. Ղ. Սվէնիկեանի գրութիւնը, իրանց պարագերի վճարման մասին և դպրոցում գոյութիւն ունեցող ծեծի խնդրը.

Պ. Սվէնիկեան երեցփոխանի գրած իր թղթով յիշեցնելով, որ եկեղեցուց իրան հասանելիք 6500 ր. մինչև այդ ժամանակ չի ստացել. յիշեցնում է, որ 1905 թւի օգ. 1-ին, կայսերական հրամանի համաձայն կալւածքները եկամուտներով յետ են տրում, «ուստի ես դիմում եմ Ձեզ և եկեղ. հոգաբարձութեան, որ ստանալով վերոյիշեալ գումարը առանց յետաձգենւ վճարել ինձ, վե-

րոյիշեալ գումարը համաձայն ժողովի արձանագրութեանը ի 25-իւտ. 1901 թ. և Աստրախանի կօնսիստորիայի ի 3-ն նոյեմբերի 1903 թ. № 2240 նոյնպէս խնդրում եմ, յայտնել ինձ, Ձեր և հոգաբարձութեան կարգադրութիւնը այդ իմ յայաբարձութեան մասին: 1995 թ. 9 նոյեմբ.:

Որոշում է Շվէնիկեանին և Գիւրջեանին պարտքերի գեղջ տալ տարեկան 1200 ր. միայն, իսկ կալւածքների եկամուտների վերադարձնելուց յետոյ 300 ր. վերցնել վերանորոգութիւնների համար, մնացածը տալ նոցադեր պարտքերի դէմ:

Ուսուցչութիւնը կանչւում է բացատրութիւն ապաւ, որի ժամանակ չի հերքում մեղադրանքը: Այնուհետև հոգաբարձութիւնը նկատում է աւագ ուսուցիչ Ամասունուն, որ «չնայելով հինգ հոգուց է բաղկացած ուսուցչական խումբը, այնուամենայնիւ ցաւօք սրաի ասում ենք, որ մանկավարժական խորհրդի նիստեր չեն տեղի ունենում. առաջարկում ենք հոգաբարձութեան կողմից ուսուցչական խմբին, անպայման նիստեր ունենալ և առաջ տանել փորձնական դասերի հարցը:»

Ապրիլի 12-ին հոգաբարձական նիստում կարգացւում է պ. Յ. Ղ. Սվէնիկեանի գրութիւնը որ է. — «Պետական դպրոցներում, ուր բաւական թւով հայ երեխաներ են սովորում, անհրաժեշտ է հոգ տանել հայոց լեզվի աւանդելու մասին:» Հոգաբարձութիւնը այս առթիւ ապրիլի 30-ին ծնողական ժողով է հրաւիրում, ուր պարտաւորութիւն է զրւում հոգաբարձութեան վրայ, ամեն ջանք գործ դնել և հայոց լեզվու ու կրօն աւանդելու արտօնութիւն ձեռք բերել պետական դպրոցների հայ երեխաների համար: Յունիսի 30-ին հոգաբարձութիւնը որոշում է կովկասեան ուսումնարանական շրջանի հոգաբարձւի խնդիրը տալ պետական դպրոցներում կրօն և հայոց լեզվու աւանդելու համար և այդ յանձնում պ. Յ. Սվէնիկեանին հոգ տանել, պատրաստել: Թոլլատրում է սովորեցնել. սակայն ոչ պարտադիր: Ուս. տար. վերջը հեռանում է հոգաբարձութեան մասամ Յ. Աստամանեանցը, նորա փոխարէն, 31 յուլիսի նիստին հրաւիրում է անձնափոխանորդ Սվէնիկեան.

որի գէմ բողոքում է միւս անձնափոխանորդ Պ. Տէր-Յովհաննէսիւնը: Իսկ հոգաբարձութեան այդ կերպ վարւելու առիթը այս է լինում կօնսիստորից եկած հոգաբարձութեան հաստատութեան գրի մէջ անձնափոխանորդների անունը գրւել է նախ Սվէջնիկեան և յետոյ Տէր-Յովհաննէսիւն, առանց ստացւած ձայների քանակը դիմացը դընելու: Հոգաբարձութիւնը պ. Տէր-Յովհաննէսիւնի բողոքը ստանալուն պէս գրում է կօնսիստորեայ, պարզում թիւրիմացութիւնը: Այնունեան նիստերին հրաւիրւում է պ. Տէր-Յովհաննէսիւն, որը կիսովօղսկում ապրելով բաւական գժւարութիւններով էր կարողանում նիստերին լինել, շատ անդամ նոյնիսկ նիստի հրաւեր չէր ստանում:

Հետաքրքրական է ուսուցչական խմբի պայմանաւորութեան վերանորոգելը:

31-ին յուլիսի 1906 թ. հոգաբարձութիւնը հրաւիրելով ուսուցչական խմբին, ցանկութիւն է յայտնում լսել նոցա վերջին խօսքը՝ մնալ չմնալու մասին:

Աւագ ուսուցիչը առաջարկում է իրանց (իր և ամուսնու) ոռճիկը աւելացնել, քանակը ինքը որոշելով: Հոգաբարձութիւնը յայտնում է իր վերջնական պայմանը և նշանակում վերջին խօսքը ասել հոգաբարձութեան ոչ ուշ, քան օգ. 10-ը:

Միւսները համաձայնում են և հեռանում նիստից, խակ պ. Ամատունին յայտնում է, որ ինքը մինչեւ օգ. 25-ը եթէ յարմարագոյն տեղ գտաւ, լաւ, իսկ եթէ ոչ կմնայ. ուրեմն մինչեւ 25-ը չի կարող որոշ բան ասել: Հոգաբարձութիւնը պնդում է. «որ օգ. 10-ից ուշ անհնար կլինի ուսուցիչ հրաւիրել և ժամանակին դասերը կանոնաւոր սկսել:» Ամատունին գրան ի պատասխան պնդում է նոյնը և առարկում. — «Ինչ է կորցնում հոգաբարձութիւնը, եթէ դասերը սեպ. 25-ից սկսւեն:»

Բոլոր դասաւուները գրաւոր իրանց համաձայնութիւնը տւած լինելով, օգ. 19-ի հոգաբարձական նիստում կրկին պաշտօններում հրաւիրւում են Ար. ք. Շխինեանց, օր. Դօննիկեան, Տէրտէրեանց, և Պապովեանց. իսկ Ամատունի ամուսինները արձակւում են, մինչ այդ նիստի

օրը դեռ գրած չէին իրանց վերջին խօսքը:

Հոգաբարձութիւնը զանազան հանգամանքների շնորհիւ և զիսաւորապէս Ամատունիների ընտանեկան վիճակը աչքի առաջ բերելով, փոխում է նախկին որոշումը և նւազեցրած ուժիկով կրկին պահում Ամատունի ամուսիններին:

1906—907 թ. ուսուցչական խումբը և դասերի բաշխումը.—Աւագ ուսուցիչ կ. Ամատունին հայոց լեզու 17 դաս, թւաբ. բ. բաժ. 4 դաս, ընդամենը 21 դաս: Տիկին Ամատունի, ուսուց լեզու 15 դաս: Օր. Դօննիկեանց, թւաբ. բ. բաժ. 5 դաս, ձեռագործ 4 դաս, գծադ. 3 դաս. ընդամենը 12 դաս: Ար. ք. Շխինեանց, կրօն 6 դաս, հ. պատմութիւն 2 դաս. ընդամենը 8 դաս: Պապովեանց երգեց. 3, բնագիտ. 3, աշխարհագր. 2, թւաբ. 5 (բ. բժ.՝) ընդամենը 13 դաս: Գպրոցում տղ. 41, օր. 34. միասին 75: Մայիսի 17-ին մանկավարժական ժողովը որոշում է 1) ա. բաժ. արձակել 18-ին, որ հնարաւորութիւն ունենան բ. բաժանմունքում թւաբանութիւն պարապել, «որովհետեւ ալ. Պապովեանի ժամանակաւոր հեռացւելով երկու ամիս է թւաբանութեան դասեր չեն լինում այդ բաժանմունքում:» 2) Քննութիւն լինի միայն գ. բաժ. մինչեւ 28 մայիսի: 3) Պարապմունքները դադարեցնել 25-ից մայիսի:

Դպրոցի պահպանութեան միջոցները, եկեղեցուց 1436 ը. 47 կ., բնակարաններից 2442 ը., թոշակներից 148 ը., տիկին Ամիրզադեանից 150 ը., ներկայացումներից 656 ը. 67 կ. ընդամենը 4958 ը. 20 կ.: Ծափք նոյն ժամանակամիջոցում. — Ուսուցիչներին և դպրոցի ծառային ուժիկ 1696 ը. 65 կ. և ծխական հոգաբարձութեան միւս ծախքերի հետ միասին 4958 ը. 20 կ.: Հայր Ար. Շխինեանցի տան վարձը 200 ը. և ուսուցչութեան վարձը 200 ը. մայրւած չեն ոչ մուտքում և ոչ ելքում:

Հոգաբարձութեան անդամներից մի քանիսը, ուսուցիչներից ոմանց հետ խորհրդակցելով, Բագւից և Անգրկովկասի զանազան կողմերից եկած արհեստաւոր բանւորների համար աշխատում են կիրակնօրեայ դպրոց բանալ:

Հոգաբարձութիւնը կարևոր դիմումներն անում է և փետ. 23-ին 1907 թ. թերեքեան շրջանի ժողովրդական դպրոցների տեսչից ստանում է պատասխան.—«Կիրակնօրեայ դպրոցը կարող է բացւել ժողովրդական լուսաւորութեան մինիստրութեան ենթակայ, 1860 թ. 30 դեկ. կանոններով:

Ապրիլի 10-ին աւագ ուսուցիչ Ամատունին ժողովի է հրաւիրում ուսուցչական խմբին և կողմնակի ձեռնահաս անձանց, ընդամենը 7 հոգու. Հաւաքւում են 5 հոգի: Ժողովում մշակում է անցնելիք առարկաների մօտաւոր ծրագիրը և կատարում դասերի բաշխումը:

Յանձն են առնում.—Տիկին Բաշինջաղեանց ոսւսաց լեզու, տիկին Ամատունի ոսւսաց լեզու և թւաբանութիւն, օր. Դօնիկեան հայոց լեզու և թւաբ., Շարաբանդեան հարերէն և թւաբ. և կար. Ամատունի հարերէն և թւաբ.:

11-ին ապրիլի կիրակնօրեայ դպրոցի ուսուցիչներն ու հոգաբարձուները միասին ժողով կազմելով որոշում են 15-ից սկսել պարապմունքները, որը տեսելու է մինչև 4-ը յունիսի: Պարապմունքները պէտք է տեղի ունենային կիրակի օրերը ժամի 12—2-ը, իսկ լի օրերին 6—7-ը:

Թէ նախորդ և թէ այդ տարում ուսուցչական խումբը չի գործում որպէս մի մարմին, խորհրդակցութիւն, ժողովներ չկան, մէկ երկու եղածներն ել հոգաբարձութեան հարկադրական պահանջների հետևանք էին լինում:

Ուսուցչական խումբը անհամերաշխ, միմիանց դէմ լարւած, դրսի հովերից աղջւած՝ առիթ են որոնում միմեանց օձիքից բռնելու և այդ չի ուշանում:

Մարտի 9-ին, գ. բաժանմունքի մի աշակերտունու վերջին դասին, աղօթքի ժամանակ ծիծաղելուն հետևանք և ուս. պ. Պատովեանի միջև առաջ եկած միջնադէպն էր:

Դէպքը փոխանակ ներքին, ուսուցչական, խաւն ուսուցչական և հոգաբարձական ժողովներում քննելու և չլուծելու դէպքում, քննութիւնը անմիջապէս իշխանաւորին, առաջնորդին ուղարկելու, որի վճիռը կվերջացնէր ամեն տարածայնութիւն, նա, աւագ ուսուցիչը նոյն օրը անմիջապէս դրսի իր շրջանում խօսելով, ասէ-կօսէ-ների ահագին նիւթ է տալիս:

Տեսնելով, որ իր արածը մի սխալ է եղել, որ ծնողների մի խումբ 15 անձից արդէն ստորագրութիւն են կազմում հոգաբարձութեան յանձնելու, որով ընդհանուր ծխ. ժողով են պահանջում դէպքը քննելու, ինքը մարտի 11-ին իր գրութեամբ դիմելով հոգաբարձութեան խնդրում է «խիստ քննութիւն նշանակել:»

Հոգաբարձութիւնը յանձնում է իր անդամներից պ.պ. Սուքիասեանին, Բաշինջաղեանին, որոնք հոգաբարձական փետ. 14-ի նիստում իրանց կատարած քննութեան մասին մանրաման բացատրութիւն են տալիս:

Այդ բացատրութիւնից յետոյ, բացի տիկին Ամատունուց միաձայն գլախ են այն եղբակացութեան, որ վիրաւորանքը թիւրիմացութեան արդիւնք է և դատապարտում են աւագ ուսուցչին, որ խնդիրը ընկեր ուսուցիչների ժողովում քննել տալու փոխարէն, մանաւոր մարդկանց է խօսել և հոգաբարձութեան դիմել:

Ծնողների կողմից պատրաստած յայտարարութիւնը մարտի 15-ին յանձնուում է հոգաբարձութեան, որի պահանջից սահպատած, նոյն ամսի 20-ին ընդհանուր ծխական ժողով է հրաւիրուում: Ժողովին ներկայ են լինում 27 տնձն, որոնք դէպքը քննելու համար մի յանձնախումբ են ընտրում 5 հոգուց բաղկացած՝ մի ուսուցչից, մի հոգաբարձւից և երեք ծնողներից: Ընտրւածներին յանձնուում է քննել և զեկուցանել ընդհանուր ծխ. ժողովին: Յանձնահանումը մարտի 22, 23, 24, 25 և 27-ի իր նիստերում կատարած քննութեան մասին զեկուցում տալու համար, հոգաբարձութեան դիմելով, խնդրում է ծխ. ժողովի հրաւիրել: Ժողովը հրաւիրում է ապրիլի 15-ին այս օրակարգով: «Համաձայն հոգաբարձութեան հրաւիրի լըսել ուսուցիչ Ա. Ի. Պատովեանի և աշակերտառիւ մէջ տեղի ունեցած միջնադէպն մասին քննիչ մասնաժողովի կատարած քննութիւնների արդիւնքը:» Ժողովին ներկայ են լինում և մասնակցում 111 իրաւասու ծխականներ: Այս բաժմամարդ ժողովը աղմուկով, կուտիլ լուսացնում է գիշերը դպրոցում: Առաւոտեան ժամը 6-ին առանց եղբակացութեան գալու, անորոշութեան մէջ թու-

դած խնդիրը, ցրւում են իրանց գործին, ուղղակի կրպակները բաց անելու։ Մասնաժողովը իր 5 նիստերում լրակել էր երկու կողմերին, արձանազրել բոլորի ցուցմունքները։ Քննութիւնը վերջացած համարելու համար, որոշում է պ. Պապովեանի մարտի 13-ի խառն ժողովին ներկայացրած յայտարարութիւնը քննութեան կցել, որպէս վերջին խօսք և ամբողջ գործը զեկուցման հետ ներկայացնել ծխական ընդհանուր ժողովին, վերջնական վճիռը տալու։ Յանձնաժողովի կատարած այդ քննական գործին կցւած է նաև ծխատէր, գործակալ և ծխական դպրոցում ուսուցիչ արժ. Ար. ք. Շիլնեանցի կանոնական բացատրութեան մի գրութիւն, որ է.—«Համաձայն հայոց եկեղեցական ծխական տարրական գործոցների ժամանակաւոր կանոնների, որոնք մշակւած են ուսուցչական համագումարի մէջ, ուսումնական և տնտեսական բնաւորութիւն ունեցող խնդիրները, ուսումնական հարցերի առթիւ հոգաբարձական և մանկավարժական խորհրդի միջև ծագած թիւրիմացութիւնները, զպրոցի պաշտօնեաների դէմ յարուցած բողոքները, տեսչի և ուսուցչի պաշտօնից արձակելը և սրանց նման խնդիրները, սոսկ և միմիայն պատկանում են հոգաբարձուներից և ուսուցիչներից կազմւած խառն ժողովի իրաւասութեան։ Հետևապէս այդ խնդիրը քննութիւնը ընդհանուր ծխական ժողովի առարկայ դարձնել և նորանից վճիռ սպասել օրինաւոր չէ և ծխական ժողովի իրաւասութիւնից միանգամայն վեր։» Ստորագր.։

Սրանից յետոյ, ապրիլի 9-ին, յանձնախմբի նախագահը մի գրութեամբ դիմում է հ. Շիլնեանին, որ նա ծխական ժողով հրատիրի. իսկ նա իր խիստ զբաղւած լինելը մէջ բերելով, առաջարկում է դիմել հոգաբարձութեան, որ նախորդ ծխական ժողովի պէս, այս անգամ էլ հրաւիրի։

Քննութիւնը սկսելուց առաջ հոգաբարձութիւնը Ա. Պ. Պապովեանին ժամանակաւոր կերպով հեռացրած լինելով, մինչև ըննութեան վերջանալը, առաջարկել էր ուսուցչական խմբին, որ ժամանակաւորապէս դասերը իրանց մէջ բաժանեն։ Աւագ ուսուցիչը ապրիլի 6-ի գորո-

թիւնով յիշեցնում է մնացած դասերի մասին և խնդրում կարգադրութիւն անել, ուսուցիչ վարձել։ Հոգաբարձութիւնը աւագ ուսուցիչը մայիսի 3-ին կրկնում է պիմելով հոգաբարձութեան, կտրուկ կերպով պահանջում է պ. Պապովեանի դասերի համար ուսուցիչ հրաւիրել մինչև մայիսի 5-ը, հակառակ դէպքում սպառնում է ինքը հրաւիրել ուսուցիչ։ Հոգաբարձութիւնը պատասխանում է.—«ա) 10—15 օր տևող դասաւութեան համար ուսուցիչ շտապ վարձել պէտք չէ, դասերը թող դասաւուները բաժանեն իրանց մէջ։ բ) Ուսուցիչը դեռևս վերջնականապէս արձակւած չէ և որ աւագ ուսուցիչը իրաւունք չունի ուսուցիչ հրաւիրել։

1907 թ. յունիսի 8-ի նիստում հոգաբարձութիւնը քննութեան առնելով ուսուցչական խմբի ամբողջ տարւայ գործունէութիւնը 4-ով ընդգէմ մէկի որոշում է.—«Նկատելով, որ ամբողջ տարւայ ընթացքում ուսուցիչները իրար հետ լարւած զրութեան մէջ են եղել և այդ դրութիւնից ուսումնարանը տուժել է, ուստի հոգաբարձութիւնը բարեոք համարեց կազմալուծել ամբողջ խումբը և նոր ուսուցչական խումբ հրաւիրել։» Նոյն որոշումը անմիջապէս գրաւոր յայտնում են ուսուցիչներին։ Որոշում է խումբը կազմելու համար լրագրութեան մէջ յայտարարութիւն տալ և ապա ընտրել։

Հոգաբարձութեան անդամ Գ. Տէր-Յովիաննէսեանը բողոքում է հոգաբարձութեան որոշման դէմ յայտնելով, նոյն վատ հարաբերութիւնների մէջ գանւելով և հոգաբարձութիւնը դէպի ուսուցչութիւնը, օրինաւոր կլինի, որ ինքն էլ ամբողջ կազմով հրաժարւի։

Այդ տարւայ հասարակական կեանքի պատկերն լրիւդարձնելու համար դնում եմ հոգաբարձական արձանագրութիւնից և մի կտր, որը դարձեալ ժողովների, վէճերի և կրքերի բռնկման ասիթ է եղել։

Հոգաբարձութեան վիտար. 7-ի արձանագրութիւնից։

«Ի նկատի առնելով այն հանգամանքը, որ հաշւետեսները վետրարի 6-ի իրանց նիստերի ժամանակը վի-

ձաբանութեան բոնւեցան և հաշւէտեսներից երկուսը վէճը տուր ու դմիոցի հասցըին, որոնցից մէկը միւսին երկու անգամ ապտակեց, որից յետոյ, երկուսի մէջ սկսեցաւ փոխադարձ տուր ու դմիոցը։ Հոգաբարձութիւնը միաձայն վճռեց. ընդհատել հաշւէտութիւնը և դէպքի եղելութիւնը ընդհանուր ծխական ժողովին զեկուցանել և խնդրել, որ կամ նոր հաշւէտեսներ ընտրեն և հին կազմը կազմալուծեն, կամ թէ չէ նորա (ապտակողի) փոխարէն մի ուրիշին ընտրեն և նորան հեռացնեն։ Բացի զրանից հաշւէտեսների այդ կուի ժողովում, նոյն անձի կողմից վիրաւորանք է հասցւում և հոգաբարձութեան հասցէին։

Հոգաբարձութիւնը միաձայն վճռում է այս հարցը ընդհանուր ժողովի առաջ դնել և ամենախիստ քննութիւն պանհաջել։

Փետր. 15-ի նիստում հոգաբարձութիւնը տեսնելով, որ ծխականներից ոմանց կողմից ամեն միջոց գործ է դրւում և նոյն իսկ թոյլ չի արւում ինդիրը՝ հոգաբարձութեան հասցէին արտասանած վիրաւորանքը ծխական ընդհանուր ժողովի դադաստանին տալ, միաձայն որոշում էն. — «Ի նկատի ունենալով, որ մեր ծխականները կենդանի փաստերով ապացուցեցին, որ ժողովրդական դատաստանի դադափարը նորանց համար խորթ է և անընդունակ են մի որեկցէ հարց լրջորէն քննել ու լուծել, վճռեց իրանց շօշափած պատիւը հաշտարար դատարանում վերականգրել»

Գործը դատարանի չի հասնում, այլ վերջացւում է հաշտութեամբ։ Հոգաբարձութևունը բաւականանում է վիրաւորովի հրապուրական ներողութիւն խնդրելով։

1907—908 թ. ուսուցչական խումբ. — Աւագ ուսուցիչ Լևոն Տէր-Կարապետեան, 20 դաս 800 ր. ոռոճիկով։ Մարգարեանց, 24 դ. 650 ր.։ Օր. Սօլովեան 22 դ. 600 ր.։ Վերակացուհի օր. Զեռնետն, 13 դ. 240 ր.։

Դպրոցում. — Տղաներ՝ ա. բաժ. 35, բ. 7, դ. 7. = 49։ Օրիորդներ՝ ա. բաժ. 22, բ. 17, դ. 5. = 44։ Միասին 93։ Փոխել են ա. բաժ. 21, բ. 9, դ. 9։ Վերաքն. ա. բաժ. 17, բ. 5, դ. 2։ Մնացել են ա. բաժ. 6, բ. 4, դ. 1։



Թամանեանց Խաչիկ։



Դպրոցական շենքը։

Բոլոր բաժանմունքներում դասերի թիւը եղել է 77: Դասերի տևողութիւնը մանկավարժական ժողովում ընդունել է 45 րոպէ, դասամիջոցը 10 րոպէ, մեծ դասամիջոցը 30 րոպէ:

Սեպտեմբերի 8-ի խառն նիստում, դասերի բաշխումից յետոյ կանգ են առնում կիրակնօրեայ դպրոցի կանոնաւոր հիմքերի վրայ դնելու խնդրի վրայ: Մաքերի փոխանակութիւնից յետոյ խմբագրում է յայտարարութիւնը, որը ուսուցչական խմբի կողմից պիտի յայտարարւէր: Խորհրդակցութիւնն է լինում և սիրողների խումբ կազմակերպելու, որը յարմար առիթից օգտւելով մայրենի լեզով ներկայացումներ կտայ: Այդ առթիւ ընտրւում է յասուկ մասնախումբ, որի մէջ մանում են ուսուցչական խումբը և հոգաբարձութիւնից պ.պ Սուքիասեանց և Բաշխնջաղեանց: Սիրողների խումբը համերաշխ գործակցութեամբ յարմար առիթից օգտւելով (գերասանների եկած ժամանակ, կամ տեղում եղողների հետ) ներկայացումներ էր դնում, պահանջապայման դնելով գերասաններին որոշ գումար ծախսել բեմի կարիքների վրայ, շնորհիւ այդ հանդամանքի մինչև այժմ գոյութիւնունի բեմը, համեմատական աւելի բարեկարգ վիճակով և սիրողների խմբով:

Ուսուցչական խումբը ունենում է ժթ (19) մանկավարժական նիստ, համարեայ բոլորը վարչական ընտրութիւն կրող խնդիրների շուրջը:

Փողովները հրաւիրել է աւագ ուսուցիչը, ժողովին դնելով իր կազմած օրակարգը:

Տեղի են ունեցել դպրոցական, աշակերտական գրականական երեկոներ, 2 անգամ հանդէսներ, 2 մանկական ներկայացումներ, 1 տօնածառ, մէկ անգամ մոգական և ապահովով ցոյց են տւել պատկերներ զրոյցով:

Ամեն շաբաթ իւրաքանչիւր դասարանում դաստիարակը մի ժամ ընթերցանութեամբ է պարապել:

Հոգաբարձութիւնը համերաշխ չէր, որի անգամ Ք. Բաշխնջաղեան հեռանում է 1908 թ. մարտից, իսկ ամբողջ կազմի ընտրութիւն է նշանակում մայիսի մէջ և

ընտրւում են Մելիք-Ամիրզադեանց, Յ. Լ. Ավէշնիկեանց, Գ. Սուքիսեանց (վերլնարւած), Գ. Բեղելեանց և տիկ. Յ. Պապովեանց: Անձնափոխանորդներ՝ Ար. Ք. Շիբինեանց և իշխան Ասրեանց: Յունիսի 11-ին հին հոգաբարձութիւնից հաշիւները ստանալով, նորը սկսում է իր գործունէութիւնը:

Ուսումնական տարւայ վերջը, խառն նիստում աւագ ուսուցիչը պատճառաբանութեամբ հրաժարւում է պաշտօնից: Զի հրաւիրւում պաշտօնի օր. Սոլովեան: Պ. Մարգարեան մնում է պայմանաւ, որ աւագ ուսուցիչը ընտրելու ժողովին ինքը հրաւիրւի ձայնի իրաւունքով: Տիկին Մարգարեանցը նոր պայմանով:

1908—909 թ.—Աւագ ուսուցչունի օր. Մեծ-Բայեան 700 ր. ոռնիկով: Մարգարեանց հայոց լեզու 18 դաս, կրօն 5 դաս և հայոց պատմութիւն 2 դաս, ընդամենը 25 դաս 700 ր.: Տիկին Ա. Մարգարեանց թւաբան. 12 դաս, ձեռագործ 6 դաս, ընդամենը 18 դաս 350 ր.: Պապովեանց Յ. Երգեց. 6 դաս, գծագր. 5 դաս և բնագիտութիւն 2 դաս, ընդամենը 13 դաս 250 րուբի:

Դպրոցում տղաներ՝ 39, օրիորդներ՝ 27, միասին 66, Փոխադրւել են 37, վերաբնելի 10, մնում են 15, հեռացել են 9:

Նորընակիր հոգաբարձութիւնը դպրոցի դէկը ձեռնադատում, 1908 թ. յունիսի 11-ին, որքան սկզբի նիստերին մտածողութեան և հայացքների համերաշխութիւն էր ցոյց տալիս, այնքան էլ շուտ, հէնց նոյն ամսի 26-ի ե. նիստում, ուսուցչական խմբի վերակազմութեան խընդում առաջ է գալիս մեծամասնութիւն և փոքրամասնութիւն: Մեծամասնութիւնը՝ Սուքիսեանց, Բեղելեանց և տ. Յ. Պապովեանց անտես են անում դպրոցի տնտեսական վիճակը գործունէութեան առաջին քայլից, իսկ փոքրամասնութիւնը՝ Միշնիկեան և Ամիրզադեան պարզելով դպրոցի տնտեսապէս քայլայւած դրութիւնը առաջարկում են իրանց նախագիծը:

Յուլիսի 29-ի նիստում, բուռն վիճաբանութիւններից յետոյ մեծամասնութիւնը որոշումներէ կայացնում ուսուց-

չական խմբի վերաբերմամբ՝ հրաւիրել, միայն անպայման ուսուցիչ, որին և յանձնել ուսուց լեզուի դասերը և աւագութիւնը:

Օգ. 14-ի նիստում, աւելի քան բուռն վիճաբանութիւններից յետոյ, մեծամասնութիւնը ի նկատի չունենալով միւսների առարկութիւնները, աւագութեան և ուսուց լեզուի համար վարժուհի է հրաւիրում:

Աւագի ընտրութեան, ըստ իր առաջարկած պայմանի ուսուցիչը Մարգարեանը չի հրաւիրւում նիստի, որի հետևանք օգ. 26-ի նիստում հրաւիրւած վարժուհին լսելով տեղի ունեցած աղմկալից և կրքոտ բացատրութիւնները անել վիճակի մէջ է ընկնում: Նա սահպւում է գէպի պաշտօնակիցները և հոգաբարձութեան փոքրամասնութիւնը վերապահութեամբ նայել: Տարին անցնում է առանց միջնադէպի, չնորհիւ այն հանգամանքի, որ խմբի իւրաքանչյուր անդամի կողմից գործ է գրւել զգուշութիւն խուսափելու առիթներից և միւս կողմից, տարածայնութիւնները, թիւրիմացութիւնները, սկզբունքային վէճները ծեծւել են մանկավարժական և խառն ժողովներում, որոնց առաջ բերելը ցանկալի լուսաբանութիւն կտար ընթերցողներին, սակայն կան հանգամանքներ, որոնք առ այժմ թոյլ չեն տալիս: Տարւայ ընթացքում տեղի է ունեցել 1 դպրոցական հանդէս, մէկ անգամ տօնածառ և 1 անգամ մանկական ներկայացում:

Հոգաբարձական գործերից.—Հասարակութիւնը խորապէս վշտացած վեհափառ Մկրտիչ կաթողիկոսի մահով, նորա անունը յաւերժացնելու համար, ժողովական որոշումով հանգանակում է մի գումար ծխ. դպրոցի գրադարանին կից յատուկ բաժին պահպանելու «Խրիմեան գրադարան» անունով: Հաւաքւում է և գրքեր գնուում, որոնք գրադարանի գրքերի մատեանում յատուկ մասն են կազմում: Այդ թիւ հոկտեմբեր ամսից դպրոցական մեծ տանը տեղաւորւած տպարանը հեռանում էր, տունը անյարմար բնակարանի, պարապ պիտի մնար:

Հոգաբարձութիւնը իր նոյեմբերի 11-ի նիստում քննելով այդ խնդիրը եկաւ հետեւել եղբակացութեան.—

շէնքը որի մէջ տեղաւորւած է դպրոցը փոքր և նոյնպէս անյարմար է: Երկու տներն էլ կարիք ունին հիմնաւոր վերանորոգութեան: Այնուհետև հոգաբարձութիւնը մի շաբթ նիստերում քննելով այդ, վերջնականապէս որոշում է, նախկին դպրոցական շէնքը վերածել բնակարանի վարձու տալու, իսկ մեծ և ազատ շէնքը դպրոցի համար յարմարեցնել: Նոյն նիստում, հոգաբարձութեան անդամ պ. Սվէնիկեան առաջարկում է վերանորոգութեան նախադիմ, որի համար, ըստ նորա, անհրաժեշտ կինի առնւազն 2000 ր.: Հոգաբարձութիւնը միաձայն կանգ է առնում այդ միակ ելքի վրայ և որոշում այդ խնդրի քննութեան և լուծման համար նոյեմբերի 16-ին ծխական ժողով հրաւիրել: Բնդհանուր ծխական ժողովը որոշեալ օրը կայանում է, ուր քննութեան է առնւում հոգաբարձութեան կազմած վերանորոգութեան նախադիմը: Հոգաբարձութեան օժանդակ մի մարմին է բնարւում, որը հոգաբարձութեան հետ շինարար մասնախումբ կազմելով, իրաւունք է ստանում դրամ գտնել և վերանորոգութիւնը մինչև մայիս վերջացնել:

Այնուհետև հոգաբարձութիւնը և օժանդակ մարմինը մշակում են հարցը մասնապէտ անձանց միջոցաւ, կապաւուներից նախադիմ-պայմանները վերցնում: Դրամ գտնելու հարաւորութիւն չկար և գործը քաշքառում՝ ու միմիայն խորհրդածութիւնների նիւթ է դառնում մինչև 1999 թ. փետ. 15-ը: Հոգաբարձական այդ օրւայնիս պ. Սվէնիկեան յայտնում և առաջարկում է, «որ ինքը և պ. Գիւրջեան համաձայն են տալ շինարար կօմիսիային ըստ նորա կազմած նախահաշւի անհրաժեշտ 1500 ր. վերանորոգութեան համար - այն պայմանով, որ չորս տարի նախկին դպրոցական տան երեք բնակարանների քրեհը իրանք ստանան, իրանց հին և նոր պարտքերի դիմաց, որ անելու է մօտ 6000 ր.: Հոգաբարձութիւնը համաձայնում է և նոյն թւի փետր. 18-ի յատուկ նիստում քննութեան է առնում պ.պ. Գիւրջեանի և Սվէնիկեանի առաջարկութիւնը, որը ձեակերպւել և յանձնել էր հոգաբարձութեան, առանձին յայտարարութեամբ Գիւրջեանի կողմից.

«առաջ իրան 4 պարի կապալով դպրոցական շինութիւնը վերին յարկով և նոյն շինութեան կից թատրոնական բեմը, որ բնակարան է լինելու 5800 ըուբլիով, իսկ այդ շէնքը բնակարանների յարմարեցնելու և վերանորոգելու համար տալիս է հոգաբարձութեան առաջուց 1354 ր.: Մնացեալ հին պարտքը 1246 ր. և նոր տրւած 1354 ր. իրան և 3200 ր. պ. Սվէնիկեանի պատկանեալ պարտքերի փոխարէն:» Հոգաբարձութիւնը ի նկատի առնելով, որ առնւազն 1500 ր. անհրաժեշտ է վերանորոգութեան համար, որպիսին հնարաւորութիւն չկայ գտնելու ընդունում է պ. Գիւրջեանի առաջարկած պայմանը և որոշում է գնել խնդրը ընդհանուր ծխ. ժողովում:

Նոյն թւի մարտի մէկին այդ առթիւ կայանում է ծխ. ժողով: Ժողովի քննութեանը զրւում է պ. Գիւրջեանի առաջարկը իր յայտարարութիւմը: Երկար թեր և դէմ խօսակցութիւններից յետոյ ընդունում է պ. Խոջայեանի ուղղումը՝ «որովհետև պարզ գիտենք 4 տարում մօտ 6000 ր. վարձ այդ բնակարաններից չի ստացւի, պէտք չէ, որ ծանրանանք նոցա վրայ. բարւոք կինի տունը տալ նոցա օգուելու անորոշ ժամանակով, մինչև կը բանայ իրանց ստանալիքը:» Ժողովականները ընդունեցին և երկու կողմի համար խմբագրւեց այս բանաձեռ. — «Պ. Գիւրջեանց պարտաւորում է տալ 2000 ր. վերանորոգութիւնն համար հաշւելով բանկային տոկոս արւելիք դրամն, մինչև բոլորովին գեղջւիլը, բացի գրանից նա պէտք է օգտի վերանորոգւած բնակարանների եկամուտներից, մինչև որ կը բացւի պ. Յովսէփ Սվէնիկեանի 3200 ր. պարտքը և իրան հասանելիք 1246 ըուբլին: Որոշեցաւ մանրամասն պայման կապել նօտարի միջոցաւ, որի իսկականը պահելու է պ. Գիւրջեանի մօտ, իսկ պատճէնը հոգաբարձութեան և պ. Յ. Սվէնիկեանի մօտ:»

Այնուհետև հոգաբարձութիւնը անմիջապէս սկսում է վերանորոգութիւնը, որը սակայն առանց պատասխանաւու կառավարչի և նախահաշւի հետեւելուց, փոխանակ նախատեսած առ առաւելն 2000 ր. ծախքի, լինում է 4700 ր.: Անհաշիւ նիւթի բերելուց, աւելացած քար ու

կրից և այլ նիւթերից քահանայի բնակարանին մի խոհանոց ևս շինել հնար եղաւ:

Դպրոցական մեծ շէնքը պատրաստւեց, Յ սենեակներ արևմտա-հարաւ փողոցի երկարութեամբ դասարանների համար, իսկ նոյն երկարութեամբ արևելա-հիւսիս ընկած պատրաստւեց թատրոնական բեմ դահլիճով: Այդ դահլիճի յատակը տախտակամածում է պ. Կոստանդին Խազիկեանիր միջոցներով: Վերանորոգութիւնները վերջացած պատրաստ էին թէ բնակարանները և թէ դպրոցական նոր և յարմար շէնքը մինչև յունիս ամիսը:

Հետաքրքիր է մայիսի 11-ի հոգաբարձական ժողովի արձանագրութիւնը:

Այդուեղ հոգաբարձութեան անդամ պ: Զ. Մելիք-Ամիրզադեանց բողոքում է քահանայի բնակարանի համար նոր խսհանոց շինելու դէմ, առարկելով, որ վերանորոգութեանց նախահաշուում չկար այդ, երբէք չէր նախատեսւած, ծխական ժողովից լիազօրութիւն չէր ստացւած և հոգաբարձական ժողովում չէ զբւել, քննուել և լուծւել:

Մեծամասնութիւնը դարձեալ այդ ինքն իրան դուրս պըծած դէպըին էլ պաշտպան է կանգնում:

Այդ առթիւ քէարկում է ընդունել եղածը. — պ. պ. Սուքիասեան, Բեղելեան և տկի. Յ. Պապովեան ընդունում են և յայտնում, որ շինելու համար տւել են իրանց համաձայնութիւնը: Սվէնիկեան համաձայն է եղածին, որովհետեւ պատրաստի նիւթ կար, որ բակում ընկած աւելորդ տեղ էր բռնում: Ընդունելի է մանաւանդ, որ քահանան յանձն է առել լինելիք ծախսը հոգալ մասնաւոր ժողովաբարութեամբ: Մեծամասնութիւնը վաերացնում է այդ ոչ օրինաւոր շինւածքի ծախքն էլ: Աւելի անել վիճակում գտնուեցին ծխ. հոգաբարձութեան հաշւէտեսները. Զնայելով երեք—չորս ամիս անցել էր վերանորոգութիւնների վերջացնելուց և մի քանի անգամ էլ հաշւէտեսներին հրաւիրել էին հաշիւները քննելու, այնուամենայնիւ փաստաթղթերով կանոնաւոր պատրաստւած ներկայացւած չէր ել և մուտքը: Ստիպւած հոգաբարձութիւնը այս և այն անկիւնից գտնելով փաստաթղթերը յանձնում

էր հաշւէտեսներին, որպիսի հանգամանքներից մէկը առաջ բերեց և սուր անախորժութիւն շինարար յանձնախմբի և հոգաբարձութեան դործադիր անդամի և հաշւէտեսների մէջ, որը վերջացաւ միջնորդ դատարանով: Հաշիւների ստուգման խնդրում հաշւէտեսներին մնում էր թւերի և ընդհանուր գումարների ստոյգ լինելուն հետեւելու միայն:

Այս վերանորոգութիւնն և այն հանգամանքը, որ ուսուցչական խմբերը կազմելիս, երբէք աչքի առաջ չէ բերեւել ապագայում լինելիք դրամական տափնապը, որ պիտի նախատեսէր, առաջ բերեց այնպիսի դժւարին վիճակ, որ հոգաբարձութիւնը յանկարծակի եկած, ստիպւում է զանազան միջոցների դիմել: Կամաւոր տարեվճար տուրքեր է հաւաքում, մուրհակներով բանկերից դրամ վերցնում, մասնաւոր անհատներից փոխարինաբար վերցնում և վճարումների ժամանակ անակնկաների հանդիպում: Այս բոլորը խիստ դժւարացրել էին դպրոցի տնտեսական կառավարութիւնը:

Հոգաբարձութիւնը, որ այս անել վիճակում միակ ելք գտնում էր դպրոցի ծախքի կրծատման մէջ, բարերադրդաբար յունիսի սկզբներին, թեմի առաջնորդ գեր. Միթթար եալիսկոպոսը այստեղ է ժամանում:

Առաջնորդի հրամանով յունիսի 10-ին ծխական արտակարգ ժողով է հրաւիրւում: Ժողովը կայանում է: Հոգաբարձութիւնը սրբազն առաջորդի նախագահութեամբ և թոյլտութեամբ ժողովի քննութեան է տալիս 1909—10 ուսումնական տարւայ նախահաշիւր, որ առաջարկում է կրծատել բաժանմունքները, մնացածներն էլ միացնել երկու բաժանմունքում և ըստ միջոցների թոյլտութեան կառավարւել: «Եթէ հասարակութիւնը ցանկանում է դըպրոցը պահպանել նոյն բաժանմունքներով, թող նախահաշիւր պակասորդը լրացնի իր տարեկան վճարով և այդպիսվ հնարաւորութիւն տայ 4 բաժանմունք պահպանելու:»

Ժողովականները քաջալերւած սրբազն նախագահի բացարութիւններից, ինքնայոժար ստրորագրութեամբ նոյն տեղում հաւաքեցին 700 բուրլուց աւելի և հրահան-

գեցին կրծատման խնդիրը չդնել երբէք և կամաւոր տուրք ստանալու համար դիմել և նոցա, ովքեր չկան ժողովում:

Ուսուցչական խմբի ոռձիկների խնդիրը մասամբ ուղղեց, սակայն մասնաւոր պարտքերի հարցը աւելի ծանրացաւ: Սրբազն առաջնորդը զիջելով գէորգեակեցիների խնդրին առաջարկում է՝ Գէորգեսկու եկեղեցու պարտքի զիջման համար տարեկան մի գումար վճարել և այդ գումարի քանակը որոշել:

Ժողովականները անտեղակ 5000 ր. ստացման պայմաններին և իշխանութեան հրահանգներին ու մինչև այդ եղած պաշտօնական կարգադրութիւններին, համաձայնում են և որոշում տարեկան 300 ր. տալ, որպէս զեղջ 5000 ր.: Առանձին էլ վաղուց հոգաբարձութիւնը մուրհակներով բանկից, իրանց երաշխաւորութեամբ պարտքեր վերցնելով, մասնաւոր, մանր պարտքերն ու ուսուցիչների ոռձիկներն էր տալիս և զանազան առետրական պայմաններով պարտատէրերին համբերել տալիս:

Ահա այս վիճակում 1909 թւի սեպ. 19-ին Բեդելեան հրաժարում է հոգաբարձութեան անդամութիւնից, որի տեղ հրաւիրում է անձնափոխանորդ Արք. քահանայ Շիննեանցը:

Սրանով վերջանում է մեծամասնութիւնը և դալիս է անցած սխալ կործունէութեանց հետևանք՝ դժւարութիւնները կրելու շրջանը:

1909—10 թ.—Ուսուցչական խումբը նոյն պայմաններով և դասերով: Աւագ ուսուցչուհի օր. Մեծ-Բայեան, 2) Տիկ. Ան. Մարգարեանց, 3) Մել. Մարգարեանց 4) Ա. Ի. Պալովեանց,

Դպրոցում:—Տղաներ՝ 23, օրիորդներ՝ 37, միասին 65:

Փոխել են 35, վերաբննելի են 11, մնացել են 12 և հեռացել 2:

Տեղի են ունեցել 1 տօնածառ գրական բաժնով, աշակերտական ներկայացում 1 անդամ և Վարդանանց տօնին դպրոցական հանդէս: Տարին անցել է խաղաղ:

Ուսումնական տարւայ վերջում, ուսուցիչ Մարգարեանը յունիսի 10-ի խառն ժողովին կարդում է մի զե-

կուցում, պարզելով մի շաբք հանգամանքներ, առաջարկում է աւագ սւսուցչութիւնը գարձնել պաշտօնակատարութիւն, որին պաշտօնակատար ընտրի մանկավարժական խորհուրդը իր միջից քւեարկութեամբ: Պաշտօնավարութեան շրջանը լինի Յամիս: «Այդպիսով ներկայ ուսուցչական կազմի իւրաքանչիւր անդամին հնարաւորութիւն կարւի իւր ուժերի ներածին օգտակար լինել:» Ժողովը երկար խորհրդակցելուց յետոյ, միանգամայն սկզբունքով ընդունում է այդ սիստեմի օգտակարութիւնը, իսկ գործնականին մեր գպրոցում մտցնելուն ընդունում է ձայնի բացարձակ մեծամասնութեամբ, այն է՝ 7-ով ընդէմ երկուսի: Մանկավարժական խորհուրդը հէնց նոյն նիստին առանցնանալով ընտրում է պաշտօնակատար ամառային ամիսների համար մինչև սեպ. 1-ը ուսուցիչ պ. Պալովեանին: Նոյն ուսուցչի առաջարկութեամբ ժողովականները քննութեան են առնում ուսուցչի դասագնով վարձատրելու խնդրին և միաձայն ընդունում: Դասագին:—կրօն, հայոց լեզու, ուսուաց լեզու և թւարանութիւն 30-ական ր., իսկ մնացեալ առարկաները 25-ական ըռուբի: Այդպիսով մասամբ սահմանում է հաւասար վարձատրւելը և այնուհետեւ անցնում են դասերի բաշխման:

Դասագնով ուսուցչութեան ոռձիկը որոշելիս, հոգաբարձութիւնը նկատում է, որ մի քանի ըռուբի աւելի է գնալու, հոգաբարձութեան պ. նախագահը առաջարկում է դասագինը ընդունել 30-ի տեղ 29, 25-ի տեղ 24 և ծածկել խնդրը: Ուսուցիչները բոլորում են այդ վարձունքի գէմ, բայց և համաձայնում: Հոգաբարձութեան գործը դիւրացնում մի-մի դաս ձրի վերցնելով ծախքը պակասեցնում 74 ըռուբիով:

Ուսուցչական խումբը:—Մարգարեան աւանդելու է կրօն 6 դաս, հայոց լեզու 17, հայրենագ, 4. ընդամենը 27 դաս՝ 763 ր. ոռձիկով: Տիկ Մարգարեանց թւաբ. 5, ձեռագործ 6, վայելչագր. 2. ընդամենը 13 դաս 350 ր.: Օր. Բչախչեանց ուսու. լեզու 11, թւաբ. 9. ընդամենը 20 դաս 580 ր.: Ա. Ի. Պալովեանց երգ. 6, գծագ. 5, բնագ. 3. ընդամենը 14 դաս 250 ր.: Ընդամենը շաբաթական 74

դաս: Դասերի տևողութիւնը 45 րոպէ. դասամիջոնցները 10, իսկ մեծը 30 րոպէ: Դպրոցում սովորում են տղաներ՝ 25, օրիորդներ՝ 38. միասին 62: Սեպ. մտան 74, փոխադրւել են 35, վերաքննելի 11, մնում 14, հեռացել 2, մեռել 1:

Հոգաբարձութեան նախահաշվից. — Եկեղեցուց նըպաստ 400 ր., բնակարանների վարձ 780 ր., կ. չ. Բ. ընկ. Պետակորսկի ճիւղից 175 ր., Պետակորսկի չ. կ. Բ. ընկ.-ից 200 ր., աշակ. թոշակ 125 ր., ապառիկ Ար. ք. Շիբինեանից 197 ր. 50 կ., դահլիճի վարձ 60 ր., պատահական նուէրներ 362 ր. 50 կ. մուաքի գումարը 3000 րուբ., ելք ուսումնարանի պահպանութեան 2500 ր., անյետաձգելի ծախքեր, պարտքերի տոկոսներ, պարտքերի 10% զեղջման և այլն. ընդամենը 3650 ր. 15 կ., մուտքից պակասում է 650 ր. 15 կոպէկ.

Դպրոցի կարիքների շուրջը աեղի են ունեցել 21 մանկավարժական, 5 խառն, հոգաբարձական, մանկավարժական և 4 ծնողական նիստեր: Ընդամենը 30 ժողով, որի օրակարգը կազմել է մանկավարժական և խառն նիստերի համար աւագ ուսուցչի պաշտօնակատարը, իսկ ծնողական ժողովներին՝ մանկավարժական խորհուրդը: Մինչ այդ ժամանակ ծնողական ժողովներ չեին լինում, այդ տարին ուսուցչական խումբը նպատակ է դնում ծնողական ժողովների միջոցաւ ազդել վերացնելու աշակերտական միքանի պահասութիւններ, որոնք ծնողներից են կախւած, օր. անմաքրութիւնը, դէպի դասական պիտոյքների անփոյթ լինելը, որ մոռացմամբ, թէ այլ հանգամանքների շնորհիւ չեին բերում, առաւտները ուշանալը դասերին, որ մեծ չափով էր լինում, օրերով դասի չգալը ընտանեկան դանագան հանգամանքներից սափաւած և այլ և այլն: Կազմակերպւում է ծնողական ժողովներ, որոնք բացւում էին դասախոսութիւններով, նիւթ առած ընտանեկան դասադրակութիւնը, տան և դպրոցի փոխադրձ յարաբերութիւնը, ծնողների պարտականութիւնը դէպի դպրոցական երեխան և այլն: Ծնողական ժողովները եղել են բազմա-

բնաւորութիւն կրող: Ծնողական ժողովների որոշումով սահմանում է ընդհանուր աշակերտական նախաճաշ, որին ընդառաջ են գնում և օգնում նոյն իսկ դպրոցում երեխայ չունեցողները:

Ծնողական ժողովի որոշումով աշակերտութիւնից տեղ են 75, 50 և 30 կոպէկներ: Ամբողջ ծախքը ծածկելու համար ժողովականներից մի քանիսը յանձն են առնում ամսական վճարել շարունակաբար պ.պ. Սվէջնիկեան 3 ր., Բաշխնջաղեան 2 ր., Դոննիկեան 75 կ., Սուքիասեան 1 ր. 50 կ., Պալովեանց Ա. Ի. 1 ր. 50 կ.: Դուրսասաննեանց 1 ր., Շարաբանգեանց 1 ր. 50 կ., օրիորդ Բչախչեանց 75 կ., Ա. Գիւրջեանց 75 կ., հոգաբարձութիւնից 3 ր., մանկական ներկայացումից մնացել է 7 ր. 81 կոպ.: Այս բոլորը աշակերտութիւնից եղածի հետ, գեկ. 1-ից մինչև մայիսի 15-ն ընդամենը գոյացել է 106 ր. 97 կ.: Ծախք գեկ. 13-ից մինչև մայիսի 15-ը եղել է ընդամենը 104 ր. 41 կ., առ ձեռն մնացել է 2 ր. 56 կ.:

Ընտրութեամբ աւագ ուսուցչի պաշտօնակատարութիւնը տարան պ. Պալովեան ամառային երեք ամիսը, պ. Մարգարեան սեպտեմբերից գեկտեմբեր և փետրարից տարւայ վերջը, օր. Բչախչեանց գեկտեմբեր և յունւար ամիսները. Տարին անցել է համերաշխ և դպրոցը ամենքի մտածման առարկան է եղել: Տեղի են ունեցել 3 մանկական շքեղ ներկայացումներ, 3 գրականական առաւտ, 2 անդամ դպրոցական հանդէս և 1 շքեղ տօնածառ: Մողական լապտերով և զրոյցներով ցոյց են տւել պատկերներ 4 անգամ երեխաներին և 2 անգամ ծնողներին: Ելեկտրօֆօրաֆ «Սպլենդիդ» տարւել են 3 անգամ, քարից գուրս զբոսանքի 2 անգամ:

Հիւանդութիւններ երեացել են դպրոցում. — հազ հոկ. 18—29-ը, սկարլատինա նոյեմբերի 22-ից մինչև յունւարի 18-ը: Բոլոր հիւանդութիւնների ժամանակ յարգելի բժիշկ Աբուլեանցը սիրով և ձրի այցելել է հիւանդ երեխաներին թէ դպրոց և թէ տները: Դասեր բաց են թողեւուսուցիչ Մարգարեանց հիւանդութեան պատճառով 24 դաս, պ. Պալովեան դասարանական գործերով 24 դաս,

օր. Բչախչեանց հիւանդութեան պատճառաւ 8 դաս:

Հոգաբարձական գործերից.—Համգուցեալ Մատթէոս կաթողիկոսի յիշատակին մի որդեգիր է սահմանւում, որի համար յատկապէս ստորագրութիւն է բացւում և հաւաքւում է մօտ 120 ըուբի:

Դաւիթ Գ. Գիւրջեանի մահւան առթիւ, ժառանգները ի յիշատակ նորա գպրոցին նւիրում են 500 ր., մըշտական մի որդեգիր ունենալու ծխ. գպրոցում: Նոյն նըսպատակաւ եղբօր յիշատակին 100 ր. է նւիրում գպրոցին պ. Ամիրեանը: 15 օգ. Կիւլօվոգմկու բնակչունի այրի տ. Յուստիանէ Յովաէփեանը իր հանգուցեալ ամուսնու յիշատակին գպրոցին նւիրում է 500 ր., զործադրութիւնը թողնելով հոգաբարձութեան հայեցողութեան: Հոգաբարձութիւնը սահմանում է մի որդեգիր:

1911 թ. յունւ. 6-ին, Գեր. սրբ. առաջնորդը կարգադրում է Գէորգիսկու պարտքի գեղջ, 300 ր. մնացորդ 200 բուրբին և 1911—912 թ. հաշլին 150 ր. ուղարկել անխափան: Այս թւին մտել է Գէորգիսկու քահ. ուղարկած մի հին գրութեան պատճէնը, որն և դնում եմ.

«Պարաւանդագիր» թուղթը: Ի 25 սեպտեմբերի 1875 ամի ի Պետական քաղաքի մեք ստորագրեալ հայ ազգի բնակիչքս Պետակորսկոյ, տամբ զայս պարտաւանդագիր ստորագրութեամբ մերով ի ձեռն վիճակային կօնսիստորեայի հայոց Աստրախանայ հայ ազգի ծխականաց Փէորգիսկու սրբոյն Գէորգայ եկեղեցւոյ, առ այն զի ստացանք մեք ի շինութեան ի Պետակորսկի հայոց եկեղեցւոյ զհինդ հազար բուրբի արծաթ ի գումարաց յիշեալ եկեղեցւոյն ի նոյն կօնսիստորիայէն և գորպիսի գումար համաձայն կարգադրութեան յիշեալ հոգեոր իշխանութեան պարտաւորեմք և պարտաւանդեմք սովին զկնի բոլորովին աւարտման շինութեան եկեղեցւոյ մերոյ այնուհետեւ յընթացս երկուասան ամաց ժամանակ առ ժամանակ վերաբարձուցանել առանց տոկոսեանց յարգեանց կառուցանելի եկեղեցւոյ մերոյ ի յիշեալ եկեղեցին Գէորգիսկոյ առ որ և ստորագրեմք: 35 ստորագրութիւններից կենցանի են Գէորգ Կարապետեան Խազիգեանց, Բաղդասար

Կարապետով Զեռնով, Եսայի Պերպերեանց, Քերովը Խասսրով, Գաբրիէլ Դոնիկեանց:

Այս թուղթը կազմել ստորագրել աւել և վերցրել է Վեհապետեանից ըարեյուսութեան վկայական ստացած Տէր-Սարգիսը և ինքն էլ վաւերացրել է. «Վասն խկական ինքնաձեռն ստորագրութեանց 35 անձանց հայազգի բնակչաց Պետակորսկոյ, որք ստորագրեցին իներկայութեան իմոյ վկայեմ, զործակալ Գէորգիսկոյ և շրջադաշիցն նորա Սարգիս աւ. ք. Տէր-Պողոսեանց:»

Այս ամբողջ թղթի պատճէնն էլ հանել և վաւերացրել է այժմեան ծխ. քահանան «զհարագատութիւնէ պատճէնիս վկայեմ ստորագրութեամբ իմով և դրոշմամբ եկեղեցական կնքոյ՝ Ներսէս ք. Վարդանեան:» Մի օրինակ ուղարկել Պետա. ծխ. հոգաբ., ինդրում վճարել, որովհետեւ իրանց եկեղեցին պիտի վերանորոգեն և դպրոց պահպանեն, իսկ միջոցներ չկան:

1911—912 թ. ուսուցչական խումբը նոյնն է: Շաբաթական պարապել են 74 դաս: Դասերից գուրս, ինքնայուժար կամքով շաբաթական մի-մի ժամ պարապել են ընթերցանութեամբ: ա. բաժանմունքում օր. Բչախչեանց զրոցել է յունւարից սկսած: բ. բաժ. պ. Պապովեանց: գ. և դ. միացեալ բաժ. ամիկ. Մարգարեանց:

1911—912 թ. նախահաշիւը.—Եկեղեցուց 400 ր., թոշակներից 125 ր., բնակարաններից 500 ր., կ. չ. Բ. ընկ. Պետա. ձիւղից 200 ր., կամաւոր տուրք 400 բուրք., ընդամենը 1625 ր.: Ելք,—Ուսուցիչներին և ծառային ոռձիկներ, վառելիքի, ուսումնական պիտոյքների և զանազան մանր ծախքերի 2500 ր., պակասում է 875 ր.:

Մանկավարժական խորհուրդը մի տարւայ փորձից յետոյ աւագ ուսուցչութիւնը դարձեալ պաշտօնակատարութեան է թողնում և ամբողջ տարւայ համար ընտրում է պ. Մելիք Մարգարեանցին: Դպրոցում վերակացութիւնը յանձն են առնում տանել շաբաթական 2-ական օրով ըոլորը, որից ազատ է պաշտօնակատարը: Դասերում լինել և գեկուցել մանկավարժական ժողովին, յանձն առաւ պ. Պապովեան: Ուսումնադասն տարում անհրաժեշտութիւ-

նից թելագրւած տեղի են ունեցել ուսուցչական 17, խառն ուսուցչական և մանկավարժական 4 և ծնողական 3 ժողովները. ընդամենը 24 նիստ: Նիստերն ունեցել են համբաւաշխ, խորհրդակցական բնաւորութիւն և իրանց որոշումներով նպաստել դպրոցի յառաջադիմութեան:

Դպրոցում ընդունելութիւնը սկսւել է օգոստ. 25-ին, խակ դասերը սեպտեմբերի 1-ին: Ուսումնական տարւայ ընթացքում դպրոցում սովորել են տղաներ՝ 33, օրիողներ՝ 44, միասին 77: Նորեկներ 12 տղ., 13 աղջ. ընդամենը 25: Աշակերտութիւնը տեղաւորւած էր չորս բաժանմունքներում: Փոխադրւել են 43, վերաբննելի են 11, մնում են 16, հեռացել են 5:

Աշակերտութիւնը ըստ ծնողների, ծննդավայրի և պարագմունքների.—Հին-Նախիջևանցի 5 մանրավաճառներ, 1 բրուտ, ալէքսանդրապոլցի 6, արհեստաւոր և մանրավաճառներ, դարաբաղցի 13, քարտաշներ և 1-ը կտալառու, էրզումցի 1, որբ, աշտարակցի 1, վաճառական-տպարանատէր, լուեցի 7, 2-ը այգեգործ, (ուրիշ այգիներն են վերցնում), 5-ը արհեստաւորներ, թելացի 4, գինեվաճառ ճաշարան ունեցողներ, արդենցի 1, արհեստաւոր, մողդոկեցի 10, վաճառականներ, արհեստաւորներ և 1-ը որբ, ս. խաչ-մաճառցի 4, 1-ը արհեստաւոր, 3-ը որբ, նոր-նախիջևանցի 4, մանրավաճառներ, պարսկաստանցի 5, Մջկ նաւթափաճառներ և մրգավաճառներ, երևանցի 2, արհեստաւորներ, դարաբիլիսնեցի 1, խոճարար, գորեցի 2, գինեվաճառ, թրֆիլիսցի 4, 1-ը ոսկերիչ, 3-ը ակնավաճառ:

Հիւանդութիւններ՝ որոնցով մշտապէս նեղուում են. Գլխացաւով 7 երեխայ, նւազելուց, թերևս արեան պակասութեամբ 8, սրտի բարախումն 1, կրծքի ցաւ. 2, ականջի հիւանդ 2, ատամի ցաւ 30, ստամոքսի ցաւ գիշերները 3, ստամոքսի հիւ. Հմարսել 1, ջրգողութիւն 1, դեղձախու 3, ոտի ոսկրացաւ 6, աչքի հիւ. 1, ջերմ ու տենդ 1:

Երեխանները ըստ հասակի,--8 տարեկան 21 երեխայ, 9^я 11, 10^я 20, 11^я 7, 12^я 8, 13^я 6, 14^я 4: Ինչպէս նախորդ տարում, նոյնպէս և այս տարում

մանկավարժական խորհուրդը երեխանների մննողի պակասութիւնը և նրանց այդ մասի կարիքը ի նկատի առնելով, նախ հոգաբարձական-մանկավարժական և յետոյ ծնողական ժողովի քննութեան է տալիս և առաջարկում. հրահանգել շարունակելու աշակերտական ընդհանուր նախաձաշը: Ծնողական ժողովի որոշումով, նոկ. 1-ից սկսում է ընդհանուր նախաճաշը, նոյն անցեալ տարւայ հիմունքներով: Աշակերտութիւնից մասնակցած են 45 երեխայ, տալով ամսական 75, 40 և 20-ական կոպէկներ, որով երեխաններից ստացւել է ամբողջ ուսումնական տարւայ ընթացքում 77 թ. 87 կ., կողմանկի անձինքներից ամսական որոշ գումարով մասնակցել են պ.պ. Յ. կ. Ավելինիկանց 3 թ., Մելիք Ամիրզադեանց 3 թ., Սուքիասեանց 3 թ., Թիթրեան Ս. 1 թ. 50 կ., Թիթրեան Յ. 2 թ., Դօննիկեան 3 թ. 75 կ., Գիւրջեանց 2, Մ. Բշախչեանց 3 թ. Նայվալեանց 3 թ.. Բաշինջաղեանց 2 թ., առևտ. տան օպ. Կիրակոսեան 3 թ. 75 կ., օր. Ակսեօնովա 3 թ., Յ. Պապովեանց 2 թ. 25 կ., Բունիաթեանց 3 թ., ուսուցչական խումբը—Մարգարեանց (ամուսիններ) 4 թ., օր. Բըշախչեան 3 թ. 75 կ., Ա. Ի. Պապովեան 3 թ. և ուրիշներից, թւով 24 հոգուց ստացւել է 85 թ. 40 կ., 1911 թ. դեկ. 31-ին կազմւել է շքեղ տօնածառ ընծաններով և նոր տարւայ գիմաւորումով, որի առթիւ եղած նւիրաբերութիւններից մնացորդը, ըստ թ. ծնողական ժողովի որոշման յատկացւել է աշակ. նախաճաշին և եղել է 52 րուբ.: Մի ներկայացումից, յօժարութեամբ տրւել է այդ նպատակին 25 թ., Խոջայեանների բարեհաճ կամքով, յօդուանիւածաշի արւել է բիուկով «Մպլինդիլ»-ի մի երեկոն, որից մնացել է 56 թ., արժ. Ար. ք. Շխինեանց մի օր ընդհանուր աշակերտութեան տաք նախաճաշ մատակարարեց: Նախորդ տարւայ նախաճաշի հաշուց առ ձեռն մնացած է եղել 2 թ. 56 կ.: Մանկական ներկայացումների ժամանակ նոյեմբեր ստացւել են 7 թ. 8 կ.: Տեղիս կ. Հ. Բ. ընկ. յատկացրել է 30 թ.: Ընդհանուր մուտք եղել է 311 թ. 91 կ. ընդհանուր ծախք 1911 թ. նոկ. 1-ից մինչ չ 1912 թ. մայիսի 20-ը եղել է 219 թ. 69 կոպէկ. առ

Ճեռն մնացել է 92 ր. 22 կ.: Նախորդ տարւայ օրինակին, այս տարի ևս ուսուցչական խմբին օժանդակ, ծնողական ժողովի կողմից ընտրւել են տիկին Եղ. Պ. Խազիզեան, պ.պ. Մակ. Գիւրջեանց և Խ. Տէր-Յարութիւնեանց, որոնք ուսուցչական խմբի հետ կազմելով յանձնախումբ ղեկավարել է նախաճաշի գործը և ի կատար ածել ծնողական ժողովների որոշումները:

Ուսումնական տարւայ վերջին մանկավարժական խորհուրդը, ուսումնական մասի տեղեկագրի մէջ մացնում է այն պակասութիւնները, որոնք ազգել և կազդեն դպրոցի յառաջադիմութեան վրայ: Հոգաբարձութիւնը որքան և բարեհաճ է վերաբերել դէպի ուսուցչական խմբի առաջարկութիւնները, այնուամենայնիւ դպրոցի յառաջադիմութեան, ազատ զարգացման և ոչ մի քայլով չի նպաստել, նպատակ զրած անտեսական տագնապից գուլու ելնել, «բաժանմունքների» միացման սկզբունքին հետևել:

Առանձնապէս դպրոցի ուսումնական մասի յառաջադիմութեամբ ոգեօրւելու ձգտում-մեղում չի ցոյց տւել այժմեան հոգաբարձութիւնը:


Տեղի են ունեցել 2 անգամ աշակերտական շքեղ ներկայացումներ, 2 անգամ զրական առաւօտ դպրոցական հանդիսով, պատրաստւել է շքեղ և ընծաներով տօնածառ, 5 անգամ տարւել են բիօսկոպ «Սպլենդիդ». 1 անգամ Միլաժ: Տարւել են ուսուցչական խմբի առաջնորդութեամբ սեպ. 12-ին Լերմոնտովեան գալերէյում պատրաստած այգեգործական և պտղաբուծական ցուցահանդէս:

Դասեր բաց են թողել.—Տիկին Մարգարեանց 2 դաս, օր. Բչախչեանց 8, Ա. Ի. Պապովեանց 25 դաս: Աւելի դասեր պարապել են տիկ. Մարգարեանց 12 դաս:

Դպրոցը այցելել են շատերը, իսկ հոգաբարձութիւնից պ.պ. Սվենիկեանց յաճախ, Գ. Ֆ. Սուքիասեանց երբեմն:

Հոգաբարձական գործերից. — Նախաճաշւով մուտք սպասւում է 1625 ր., ելք 2500 ր., պակասում է 875 ր., որի լրացնելու համար դիմեցին կամաւոր տուրքի:

1912 թ. 9 յունարի, Սարդիս Միլիթարեան մի յայ-



Սվենիկեանց Պապոս:

տարարութեամբ դիմելով հոգաբարձութեան խնդրում է,
ի յիշատակ իր հանգուցեալ Բաղդասար որդու ընդունել
յօդուտ դպրոցի գրադարանի 118 կազմի մէջ 363 կտոր
զիրք:

Հոգաբարձութիւնը ընդունելով այդ, գրաւոր յայտնում
է պ. Միսիթարեանցին իր շնորհակալութիւնը:

Նոյն ուսումնական տարում նւիրել են.—Արժ. Ար.
ք. Շինեանց 60 կտոր հայերէն գրքեր, Մելիք-Ամիրզա-
դեանց 10 օրինակ Մուրճ, Ք. Բաշինջաղեանց Ազրիւր՝
1883, 85, 87-թւերի, պ. Խ. Տէր-Յարութիւնեանի խնդրա-
նօք բուկինիսաները նւիրել են ուսուերէն գրքեր, մի եր-
կու կտոր գիրք էլ նւիրել են գանազան անձինք:

Հոգաբարձութիւնը ստացել է Աստրախանի առաջնորդ
գեր. Միսիթար եպիսկոպոսից հետևեալ գրութիւնը.

«Շինական հոգաբարձութեան հայոց Պետականիկ».

Կովկասի Հայոց Բարեգործական ընկերութեան Պետ-
առաքորսկի վարչութիւնը ի նկատի առնելով հայ ուսու-
ցչութեան և գրողների անապահով վիճակը, նախաձեռնու-
թիւն է յանձն առել Պետական կում հիմնել (Սառարու),
ուր հայ ուսուցչութիւնը և ընդհարնապէս հայ մտքի ու
գրչի աշխատաւորները հնարաւորութիւն ունենան աժան
և ձրի վերականգնել իրանց կորցրած առողջութիւնը: Սա-
կայն վարչութիւնը իր միջոցների սղութեան պատճառով
այդ բարենպատակ միտքը իրագործելու համար, կարօտ
է արարաքին օգնութեան, ուստի և առանձին կոչով դիմել
է հայ ժողովրդի օժանդակութեան և այդ կոչերից մի օ-
րինակ էլ ուղարկելով ինձ, խնդրում է նպաստել
գործի յաջողութեան: Մրա մասին տեղեկութիւն տալով
ծխական հոգաբարձութեանդ, խնդրում եմ հրաւիրել ծր-
խականների ուշագրութիւնը վերոյիշեալ բարենպատակ
հիմնարկութեան վրայ և յորդորել նորանց նպաստել նրա
իրականացմանը, իրանց յօժարակամ նւէրները ուղար-
կելով կ. Հ. Բ. ընկ. Պետականիկ վարչութեան:»

Հոգաբարձութիւնը յատուկ նիստում խորհրդակցելով
որոշում է «ուսուցչական սանաաօրիային յատկացնել տա-
րեկան 25 ըուբլի:

1911—12 ուսումնական տարւայ վերջը հոգաբարձութեան համար մտահոգութեան մեծ առարկան էր այն, որ հնարաւորութիւն չկար, անտեսական այդ անձուկ վիճակում չորս բաժանմունք պահպանել, եթէ հասարակութիւնը օգնութեան չգար: Կազմելով 1912-13 թ. ուսումնական տարւայ համար նախահաշիւ, ծխական ժողով է հրաւիրում: Չի կայանում ա. բ. գ. հրաւէրներով ժողովը, որից յետոյ հոգաբարձութիւնը վերացնում է դ. բաժանմունքը իսկ մնացեալ ա. բ. գ. բաժանմունքները երկու դասարաններում զետեղում, բ. և գ. միացնելով:

Ուսուցչական խմբից օր. Մ. Բչախչեանց ինքնին հեռացած էր, որի տեղ դասատու չհրաւիրեց:

Ուսումը սկսւում է սեպտ. 1-ից:

Նոյն կազմով, Յ հոգուց բաղկացած: Մարդարեանց, տիկ. Մարդարեանց, Ա. Ի. Պապովեանց: Աշակերտութիւնը. — Տղաներ՝ 34, օրիորդներ՝ 43. միասին 77:

Տեղի են ունեցել մանկավարժական, հոգաբարձական և մանկավարժական խառն և ծնողական ժողովներ, որոնք կրել են համերաշխ, խորհրդակցական բնաւորութիւն:

Ծնողական առաջին ժողովի որոշումով սեպ. 20-ից երեխաներին ընդհանուր նախաճաշ է տրւում:

Այս տարի կողմնակի անձինքների զիմումն չի եղել ուսուցչական խմբի կողմից, բացի Պետիգորսկի Հ. Կ. Բ. ընկերութիւնից, որը և յատկացրել է 10 ր.: Ինքնաբերաբար, այդ նպատակաւ նւիրել է 10 ր. ա. Հ. Ռ. Կարպետեանը: Աշակերտութիւնից մուտք եղել է 44 ր.: Քնդամենը 64 ր.: Ծախք սեպտեմբերի 20-ից մինչե մայիսի 17-ը եղել է 115 ր.:

Ծխական դպրոցում՝ իր անւան մի որդեգիր պահելու համար պ. Անտօնեան նւիրել է 100 ր.

ՎԵՐՋԱԲԱՆ. — 1870 թւից մինչե այսօր հասարակութիւնը շնորհիւ տեղական գործիչների, իր մայր եկեղեցին, դպրոցը զարդարելով հաստատուն եկամուտների աղբիւր շնորհով, նոր սերնդին տւել է ամուր հիմքեր

բննած մի համայնական բարգաւաճ տուն: Պետիգորսկի հայոց հասարակական այդ շնորհը ճակատին իրաւամբ կարող ենք դբումել ԱԶԳՍՅՑԻՆ ՀԱՍՏԱՏՈՒԹԻՒՆԵՐ, որով հետեւ նրանց շաղախը զանգւած է ամեն կողմից, ամեն ամառ եկած ազգայինների նւիրած կոպէկներով, դարձեալ շնորհիւ այդ գործիչների, որոնք մեծ տոկոնութեամբ կարողացել են գլուխ բերել:

Տեղայինների մէջ խոշոր գումար նւիրող անձն չի եղել բացի Խաչիկ թամանեանից, որը դպրոցի շնորհի կառուցման նւիրել է 3000 ր.: Յ. Լ. Սվեշնիկեան, որը հասարակութեան օգնութեան է հասել, նորա կարծիքի ժամանակ առանց տոկոսի դրամ տալով, որպիսին սկսած 1901 թւից մինչև 1913 թււը հաշւելով 8% կոյանար մօտ 4011 ր. 20 կոպէկ: Դաւիթ Գ. Գիւրջեանի դպրոցական մեծ շնորհի կառուցման ժամանակ բաց թողած փայտեղինի գինը 2000 ր. գարձեալ առանց տոկոսների, որպիսի պարտքը զեղչւել սկսել է 1907 թւից և տոկոսները կլինեն մօտ 1059 ր. 52 կ.:

Յօրելեանական տօնակատարութիւնը պսակւում է և այն կողմից, որ հասարակութեան բոլոր խաւերը, այժմ առանց աչք տնկելու ամառանոցաւորների ճանապարհին, ըստ կարողութեան ինքնայորդոր նւիրաբերեցին իրանց լուման և այսօր իրանց գանձի հետ սրտներն էլ կապած դպրոցին, հրճւում են նորա մեծ տօնով:

Այժմ հասարակութիւնը կարող է ասել. — «Մեր անփոխարինելի նախորդներ, փայփայելով Զեր գաղափարները՝ ընթանում ենք Զեր շաւզով:»



Ներկայութեան հոգաբարձական և ուսուցական կազմի գ բաժանմունք
աշակերտականութեան հիմքեան.





ՀՀ Ազգային գրադարան



NL0228813

50. 456